

**TANGRAM SUNDAY SCHOOL UNION
(TSSU)**



**PRIMIRY IRCHULAI
BU HNINA**

Ziaktu:
Rev. Rouchunghnung, Hrangkhoh

**PUBLISHED BY: LITERATURE & PUBLICA-
TION BOARD, TANGRAM PRESBYTERY.**

**SEN MINLINA
RENG JISUA - MI TIN RUAL**

Irchulai	18	Reng Jisua - Misualhai rual	42
Irchulai	19	Reng Jisua - Damloihai rual	44
Irchulai	20	Reng Jisua - Khazana irfuangtu rual	46
Irchulai	21	Reng Jisua - Beidonghai rual	
48	Irchulai 22	Reng Jisua - Insûngkua tin ta	
hrang rual	50		
Irchulai	23	Reng Jisua - Nam tinhai rual	
	52		

**SEN RINGANA
JISUA SINHTOTHEINA HRATZIA**

Irchulai	24	Jisua'n Kana khua - Tui ûain an changtir	54
Irchulai	25	Jisua'n phaivuapui a hal inboi	
56	Irchulai 26	Jisua'n mipui sangminli a vâi	
58	Irchulai 27	Jisua'n kum 38 dam loi a'ndam	
60	Irchulai 28	Jisua'n milian naipa a'ndam	
62			

**SEN RUKNA
KOIINDANG**

Irchulai	29	Koiindang omzia le inding phutna	64
Irchulai	30	Tianlâi Kristianhai ina an inkhôm ngai	
67	Irchulai 31	Penticost Ni - Irtha Irthiang chum	
ni	70	Irchulai 32	Tirkohai sinthona
	72	Irchulai 33	Thurchi Sa
sika Tirkohai chêt an ni	75		

**SEN SARINA
PATHIAN THU HLOTNA**

Irchulai	34	Robert Raikes	78
Irchulai	35	Pathian Thu (Bible) inhlûtu - Mary Jones	81
Irchulai	36	Sadhu Sundar singh	
83	Irchulai 37	Mi Irthiang Thoma	
86			

**TANGRAM SUNDAY SCHOOL UNION
(TSSU)**



**PRIMIRY IRCHULAI
BU HNINA**

Ziaktô:
Rev. Rouchunghnung, Hrangkhol.

**PUBLISHED BY: LITERATURE & PUBLICA-
TION BOARD, TANGRAM PRESBYTERY.**

Published

by

The Literature & Publication Board,

Tangram Presbytery.

Haflong - 788820

N.C.Hills, Assam.

for

The Tangram Sunday School Union (TSSU)

Son hnina (Edition) -2015

Copies - 500

(All right reserved)

Printed at

A SÛNGA THUHAI

Phêk

Presbytery Thumahrui

iii Ziaktu Thuma

iv

Nâipang omdân (*Psychology*)

Sunday School thiltumhai

v

vi

SEN KHATNA

THUTHUNG LUIA PATHIAN MI

IRHMINGSA IRPUTHAI

Irchulai	1	Abela	1
Irchulai	2	Josua le Kaleba	3
Irchulai	3	Deipu Elija le Elisa	6
Irchulai	4	Solomona	9
Irchulai	5	Samsona	11
Irchulai	6.	Deipu Jeremia	16

SEN HNINA

BIBLE-AH NUPANG IAMOMHAI

Irchulai	7	Sari	19
Irchulai	8	Hani	21
Irchulai	9	Ruthi	23
Irchulai	10	Estheri	
25	Irchulai	11	Mari (Jisua nu)
28			

SEN THUMNA

RENG JISUA THURCHI

Irchulai	12	Jisua - Rammual saninzôktu suak thu		
30	Irchulai	13	Jisua nga mantuhai a koi	
32	Irchulai	14	Jisua hmêl danglamna	
34	Irchulai	15	Jisua roiinpuina-Jerusalem-	
ah roiinpui taka lûtna	36	Irchulai	16	Jisua hêm-

PRESBYTERY THUMA

Tangram Sunday School Union (TSSU) irchulai bu hi kum 2007 ata mani chong (Hrangkhol)-ah siam le hmang theiin a oma, Sunday School-ah Pathian Thu irchûna lama mipuihai ta hrangin masônna sa tak a hong ni. Hi irchulai buhai hih Tangram Presbytery isiam a ni.

Kristian Irchutirna (*Christian Education*)-ah hin Naipang pôl le Puihling pôl (*Children Department le Adult Department*) ei neia, Puihling Department-ah chu kumtin mani chonga Hrilfiana (*Commentary*) buhai siam ngai a ni. Naipang Department-ah irchulâi bu chu kum 2007-ah khan mani chongin irchulâi bu 1-na inson (*edition*) a nia; kha Irchulai bu 1-na kha kum sari (*7 years*) vêl chu hmang a ni ta.

Tangram Presbytery'n Primary irchulâi bu hnina (*bu 2-na*) siam nôk hrangin kum 2013 le kum 2014-ah khan a rela, ei Tangram Presbytery sũa Pastor-hai hi ziaktu hrangin mophurna a inkothâi a ni. Presbytery', mophurna a ipêk tak angin, hi Primary bu hnina (*bu 2na*) chu Rev. Rouchunghnung Hrangkhol hin bial enkol pum le sin chel pumin hi lekha bu sa tak a hong siam suak thei tak sikin Presbytery'n ziaktu chung a lom tak a tak a ni.

Lekhabu zia hi olsam taka siam thei ni ngâi maka, takirtaina le tumna tak tak neia, zoro hmang intama, kuluk taka siam ngai a nia; thei dôra eninfel a ni hnung khomin computer machine-ah type a ni sikin, a dâk le spelling châina khom a om duai thei; khasikin, a hmangtuhaiin lei irngai thei hrangin ngên nin nih.

Hi Primary irchulai bu hnina ziaktu Rev.Rouchunghnung Hrangkhol chung a hin Presbytery hin a lom taka taka, a sinthona hai Pathianin changpuiin, sat vur mai ri se. Hi lekhabu hi Pathianin satvur sianlan, a hmangtuhai khom Pathian Irtha Irthiangin hruaihai mai ri seh.

SANDE SIKUL THILTUMHAI

1. *Pathian thu (Bible) irchutir.*
2. *Kristian thurin irchutir.*
3. *Kristian tho hrang le omdân hrang irchutir.*
4. *Pathian biak irchutir.*
5. *Koiindanga mi satak ni hranga siam.*
6. *Pathian inhriatna dik tak nei hranga kaihruai le changpui.*

Sd/-

Upa. V. L. Thanga

Sd/-

Rev. S. C. Lala

ZIAKTU THUMA

Tangram Sunday school Primary irchulâi bu hnina siam hrangin Tangram Presbytery'n mophurna lian tak an ni pêk sikin ki lôma. Aniachu, ki theithiamnan a chuk zoino sikin asan intak ki tia; asan chu lekha bu siam hi thil olsam a ni no sikin lekha bu tam tak rôn a nang ngai a ni. Khannisianlan, Pathian changpuina zâra le Koiindanghai chongchaipuina zârin Presbyteria'n mophurna a ni pêk chu thiamno tak pumin ki hong siama sâak taka.

Khan khomnisan a sâng thu mal irziakhai hi a chuk zoiloina le a chong irlûai loina tam tak khom om a ti tih sabei a nia; asan chu ki lekha bu siamna masa tak a ni sikin, khasikin a chuk zoiloinahai le irziak inchaina (*typing mistake*) tam tak a om khomin Pathian irhmingin ni lei irngâi thiam hrangin nangni ki ngên a ni.

Hi lekha bu teptuhai le irchutuhai murd'n Pathian Thu tianga vârna le inlâpna neipui sêng theina hrangin Pathian'n atharin sat nangni vur mai rise.

Sd/-

PRIMARY NÂIPANG (Psychology)

Primary pôla hin kum 6 -8 om hranga ti a nia. Beginner nêka changkâng ual a ni. An sente rengata an zia khom a hong irthûl thiai ngaia, an in no'n chu hor vâk var vâk ngai an ni. An hriatthiam loi ta hrangin chu a sân hnông an om ngai a ni. Khannisianlân. Pathianin a isiam nasan an puihling zêl theina hrangin an taksa hin inchâng mai a poimo tak tak a ni. An irhel lai tak a ni sikin kaihruai a sân an innang.

An ngaitua hrang thei zoro sâng hih minit 7 vêl a ni ngaia; kha nêka sôt hi chu an taksa pianpui khomin zoi phâk thei mah. An kut le ke a ichâng mai hi a nanga, an ngaituana khom khah a chai sup sup ngai. Thil an inhriat hih inhre mai thei ngai mahai, an hmu inhnung rikipa an lungrîl luatu a ni ngai. Khasikin, pôl ei lâkin zoro sôt tak hun hmang hi sa mah. Thil inhriat nuamna hai, inthêm nuamna hai le uksak ninahai hi a sân an nuam ngai a ni.

Insâpna rammuala an lêng ngaia. Thil ei ihril murdi hih an lungrîlin ar lim mani, a takin mani an insâp zel ngai. Khasikin, thil ei irchutir laiin thonthu lenvâng chu a hring tak taka insâr thei a nang a ni. An mit irthaa an hmu theina hrangin kut veivâkin le irhâi indanglamtir hih rin viat hrang ni mah, irchutir thei tum ual hrang a ni.

Thil irchu sa zêl hih an irzuk tak tak ngaia, inhriatna lam tiang hin a sân an irzuk dop dop ngai a ni. Khasikin, Pathianni tina hin Bible irchâng le thonthu thar inhriat belsa an irzuk tak tak ngai. An inhriat ang ang hi hril zom zêl hih an nuam ngaia, hril hrang an nei intam ok ngai. Tuangdiar takin an hril nuam ang hi inhriatir ni ngai sian a sa. Thil inhriat belh hi an irzuk sika hin thil an zong suaka; chongbâi ringot ni loiin chong dân khomin an zong suakziahai an inlang ngai. Bakot sênga thil om inhriat an irzuka, kok sênga thil hmu an irzuka, puanzâr phêna thil en hi an uara, bang ir-ông vêng hih an hrât ngai. Hihai murdi hih thil thar hmu suak an tum sika a nia, a sa lama inthorhai thei a inang a ni. Ngûk takin thil en hi

4. Isakara panam laia mi Josefa naipa Igla a ni.
5. Efraima panam laia mi Nuna naipa Hosea / Joua a ni.
6. Benjamin panam laia mi Rafua naipa Paltia a ni.
 7. Zebulun panam laia mi Sodia naipa Gadiela a ni.
 8. Manasea panam laia mi Susia naipa Gadia a ni.
 9. Dana panam laia mi Gamalia naipa Amiela a ni.
10. Asera panam laia mi Mikaela naipa Sethura a ni.
11. Naftalia panam laia mi vopsia naipa Nabia a ni.
12. Gada panam laia mi Makia naipa Geuela a ni.

3. Ram a en irchik:- Josua le Kaleba chu a rualhai le irdîn dekin Kanan ram an pan taka khan chu an om sùng chu takirtâi takin an va en vela asunga mihai khom iang mi mo an ni ti khan an irsinsia zêla mi senkhathai chu milian pahai hrat tak huaisen hmel irput khom an oma arama chimu le thei rahai khom asan asa-ah Grep ra irku khat kuta choi thei ngai kha Kanan ram a khan chu irku khat khom kha a lian tak taka irku khat chu a ônpumin an sata mi inhnin an hong irzôn taka; theipui ra le dalim khom an choi sa a ni.

4. An ram va en thurchi an hril:- An ram va en irchikna khom sun sômminli an in nang hnungin an hong kîr nôka Mosia le Arona irchihai mipuihai kuang a khan thu kha a hon tung taka Mosia kuang a khan “Ni ni itirna ram a khan kin fea Kanan ram dût tui le khuaizu luangna ram a lei nia; hi rama theira chu a ni an tia; an Grep ra irku lian tak chu an inentira a fepui mihriam 12-hai khan chu a rama mi omhai chu asan mihrat an nia; an khuahai khom kul nei roiipui tak tak an nih tiin an hril a ni.

5. Mipuihai irselna:- Mipuihai kha ichi pum puma nuam ta ma-haia asan an chia Mosia chung a khan an chiar a an ning an mur tak a ni. Khannisianlan Josua le Kalibahai khan chu chi vaihai loiin doihai ei ti tiin a ram so lua pai ei ti tiin an hrila. Khannisian a fepuituhai khan eini nekin an hrat sikin inhne theihai no mani an tia; Joshua le Kaliba'n chu Pathian an iam ngit sikin chitna thu rêng reng hril mahai a ni.

6. Pathianin Israelhai a hrem:- Pathianin a mihai chiarna chu an hriat vinga Israel namhai kha Kanan ram Pathianin a lei inkung

SEN KHATNA THUTHUNG LUIA PATHIAN MI IRHMINGSA IRPUTTUHAI

IRCHULAI - 1 ABELA THURCHI

A thutum :- *Iamna dik tak neia thilpêk hi Pathian khomin a pom a ni.*

Tep hrang :- *Gen. 4:1-16; II Joh. 24:20-21; Mat. 23:25; Lk. 11:51; Heb. 11:4).*

THUMAHRUAI

Avuana ei in sîr hrang chu rammual a naipang masa tak Abela leh Kaina thurchi a nia; hi hai hi Evi le Adam nai pasalhai an ni. Khan Kaina kha ulian ual a nia; Abel hi naipang ual a ni. Kaina chu loiman (*Farmer*) sintho a nia; Abela chu beram enkôltu a ni. Evi le Adam sualna sikin rammual a mihriamhai hi Pathian khosâl tongin rammual a hin irthan tui suaka fâk hrangin mihriamhai hi khosal ei tong a ni. Khasikin sintho nuamloihai thaboihai ta hringin chu fâk hrang khom hi hmu ngai mahaia; Tiko Paula'n sintho loiin fak khom fa no rise tiin a hril a ni. Kaina le Abel-hai khom hi taimak taka sintho ngai mi an nia; an sinthona rahai kha Pathian ta hrangin an inhlan ngai a ni.

1. Abel le Kaina maichama Pathian thil pêk an inhlan:- Kaina chu loiman sintho ngai a nia; Abel chu beram vêngtu /enkoltu a ni. Khan Kaina le Abela hi an sinthona irthoka itinreng ra masa tak thilhai hi Pathian kôla an inhlan ngai a ni. Khan Kaina chu Pathianin a thilpêk kha lompê maka asan chu mi tiksia tak a nia; a thil neihai laia a indit loi takhai kha Pathian a pêk sikin Pathianin lom maka satvurna khom indongtir mak a ni. Khannisian asangpa Abela thilpêk kha chu Pathianin a lom tak taka asan chu ama chu Pathian ta hrang khan a kel laia asa tak le a mar tak kha Pathian ta hrangin an hlan sika khan Pathianin satvurna khom an dongtir a ni. Kha ang denin eini khom Pathian kola thil ei ipêk hrang hi ei thil

2. Kaina'n asangpa Abel a that:- Kaina thilpêk chung a khan Pathian a lom no sika khan Pathianin satvurna indong maka; asangpa Abela kha Pathianin satvurna an dongtir ual sika, asangpa kha a hnarsa taka khan chu ningmur pumin asangpa kha tho loi tiang fe ei ti a ti pêa tute inhre loiin loa khan a that pai tak a ni (Gen. 4:8). Rammual a Pathian irhminga thi masa tak (*Martyar*)-ah chu Abel hi a nia; mi tuk that masa tak khom Kaina a ni. Abel chu naipang fel tak le Pathian chimi tak a nia; a upa'n inrûkin a that khomin, Pathianin Abel kha a zuang zong suak nok le le a ni. "*Rengpa irngaia hlu tak chu a mi irthianghai thina hi a ni*" (*Inp. 116:15*). Kaina Abela thattu kha Pathianin a zuang zong suaka tualthattu a ni sika Rengpa kuang ata inhnot suakin a om taka khan chu Eden irhuan sak tiang daia Nod rama a hong om tak a ni. Abel Irtha chu hoi takin Pathian kuang arngam taka a ni.

Pathian ata rota hmun danga om chu ichi om tak a nia; Pathian nuam loi lam thotu chu Pathian kuang ata inhnot suaka om chu lungkham om tak a ni. Pathian chimi le mi felhai chu an thi khomim Pathian kuang an om hrang a nia; misual thina chu Pathian lomna ni ngai mak a ni.

3. Thukhârna:- Mi felhai mi irthiang thina chu Pathian irngaia hlu tak a nia; an irtha chu inzôkin a kuanga om mai ta an ti. Khan-nisian misualhai thina rêk chu Taituan thina meidil a khan an om hrang a ni. Pathianin ei thil neihai nekin ei lungril ngaituana le ei omdânhi a en mai ngai a ni. Mi felhai le mi siahai chung a hi Rengpa mit chu a om mai ngai a ni.

Changvong:- (*Heb. 11:4*).

Iamna'n Abela kha Kaina neka irbôlna sa ual Pathian kuang an hlana; a iamna sika a thilpêk kha ipomin a oma; mifel a ni tiin Pathian pomna a idong a ni. Kha a iamna sika khan thi hnung khomin thu a la insir mai a ni

Ir donna:-

1. Rammual a naipang masa takhai kha tuhai mo an ni kha ?
2. Itho sika mo Kaina thilpêk kha Pathianin pom loiin ? Abel thilpêk kha a ipom ?

IRCHULAI - 2

JOSUA LE KALEBA

A thutum :- *Pathianin mi iamom le mi hrathai an dit*
Tep hrang :- *Num 13:1-33; Gen. 1:19-33*).

THUMAHRUAI

Avuana ei irchu hrang chu Israel nam laia mi inhni Aigupta rama suak a ram inkung Kanan ram tung dena tungtuhai Joshua le Kaliba-hai ruai hi an ni. Khannisian an ruaia omsuam / lengsuam a omna hi ei Bible a hin hmunkhat a vai ei hmu a ni. Khan hi taka Josua tia irhming hi a phut a khan chu Hosea ti a nia; hi hih Mosia'n Josua tiin a phua tak a ni. Josua ti chu "Pathian inzôk" tina a nia Greek chong hmanghaiin 'Jisua' tiin an hmang tak a ni. Joshua pa hi Nuna a nia Ephream nam mi a ni. Kaliba irhming omzia chu "Ui" tina a nia a phuana san chu inhriat ni maka a pa hi Juda irchi mi Jefunea a nia Kanan ram enirchik lai vela irhming inlang bak hi chu hmu mak me a ni. Khan ram a inkung a tung hnung a chu ram an ta hrang bik an nei ti thu ei hmu a ni. Josua le Kaleba hi mi hrat tak le takirtâi mi tak an nia; an ram en irchik hranga khan midanghai khan hnung tôl lam hrilhai khomsian Joshua le Kaleba chu doihai nget kha an nuam a ni.

1. Mosia'n ram enirchik hrangin mi a tîr:- Khan Israel namhai Aigupta ram an hong suak san hnung a khan an omna hrang hmun thurchi kha an inhriat nuama an omna hrang hmun Pathianin a inkungpêhai chu Kanan ram duttui luangna le khuai zu luangna ram a ni. Khan Mosian Kanan ram an lût manin va en hrangin mi 12 (*twelve*) inthangsuakin a tirhaia an iti hrang le an itho hrang lam khom Mosian a hrilhai vinga; an omna hranga mi lei omhai kha i ang mi mo anni le a ram chu a hoi le hoi loi hai chimu le thil tinreng hai khom asa le sa loi hrang hai khom nin en ving hrang a ni tiin a hrilhaia; khan chimu le thil dang dang thei ra a om photin chu hong choi sa hrangin a hrilhai sa a ni. Khan Kanan ram en irchik hranga fetuhai chu hi a hnua-hai hi tarlang an ni-

1. Reubena panama hruaitu Zakura naipa Samua a ni.

8 PRIMARY IRCHULAI BU HNINA

a Elisa kha varal a kai thei tak a ni. Khan chu Pathianin a kuanga a ompui mai ti an hriat taka; kha zoiin chu hmun dang danga fe'n Pathian sintho arvâk vêl tak a ni. Pathian khomin a ompui mai sikin sin irkhêl tam tak khom a tho thei mai a ni.

Changvong : Jak. 4 : 8.

Pathian nâi roi ama khomin nangni nai a ti.

Irdonna:-

1. Deipu Elija khan ama irthula sintho hrang tu mo a koi kha ?
2. Itin mo Deipu Elija kha hruai irhmangin a om ?

PRIMARY IRCHULAI BU HNINA

a milung chuk ta maka Kanan ram enirchik hranga fetuhai inhnihai vaih kha Pathin lung chukin an oma; a dang murdihai chu natna hri an mantirhaia an thi zit tak a ni. Josua le Kaleba chu thi loiin mi iam om le huaisen mi an ni sikin Pathianin Kanan ram an lûttrihai tak a ni.

Changvong : Sam. 37:29.

Mifelhai chu ram hi lua an ta, a sâng hin kumtuangin om an ti.

Irdonna:-

1. Mosia'n itho hrangin mo mi 12 (*twelve*) kha a inthang kha ?
2. Mi 12 (*twelve*)-hai laia mi felhai inhni kha imo an irhming ?
3. An ram an va en irchik a khan sun idor mo an va lût kha ?
4. Kanan ram a khan ithil mo an va hmu kha ?
5. An kir hnung a khan mipuihai kola khan Kanan ram thurchi kha itin mo an hril kha ?

IRCHULAI - 3

ELIJA LE ELISA

A thutum :- *Pathianin a mihai chu an hrattir mai ngai.*

Tep hrang :- *II Reng. 2:1-18; I Reng.).*

THUMAHRUAI

A vuana ei irchu hrang chu hruaitu roiinpui tak Elija le Elisa thurchi a ni hrang a ni. Elija hi Deipu a nia hruaitu roiinpui tak Israelhai laia mi a lei ni ngai a ni. Elisa khom hi Elija thi hnunga hrangin Pathianin hruaitu hranga a lei inthang sai a ni. Khan ang denin eini khom ei hnuai Koiindang a Koiindang upa tam tak hai hi Pathian ata inthang suak an nia; sa tak tak le fel tak tak hai Pathianin a ni peka hi ei upahai hi an thi hnunga upa sa tak le fel takhai ei hmu thei hrang le hmu thei loi hrang hi asan chit inrim a om a ni. Khan, hruaitu sa takhai Elija le Elisa thi tak hai khom sian Pathianin mifel le misahai chu hruaitu hrangin atun ten khom hin hnuai rama hrangin a ni la pêk mai a ni.

1. Deipu Elija :- Tianlai khan Israel ram a khan deipu roiinpui tak Elija hi a oma; Deipu kuang a khan Pathian a mihai om dân hrang murdi chu a hril ngaia; khanchu Deipu'n mipuihai kuang a khan a hrilhai zêl ngai a ni. Pathian nuam dan anga om hrangin a mihai kuang thu an puang ngaia a ni.

Kha ang denin Deipu Elija khom kha Pathian ihril ang denin a renghai kuang a hrilhai ngai a ni. Kha lai khan reng senkhathai chu asana sual khom an oma Pathianin kha anga omhai kha chu a hremhai zoi zel ngai a ni. Voikhat chu an rama rengnu arhming Zezebeli a nia (Ahaba dongma) mi sual tak a nia deipu Elija kha that a tum a ni. Khan chu Deipu Elija kha an rama rua reng reng tho loi hrangin Rengpa kuang a chongchaia kum thum le tha ruk ru inthotir loiin a om a ni. Khanchu an rama chimu le thil tinrenghai khom mong ta loiin a oma a hremhaia; kum thum le tha ruk zoi a chu Elija ngetin Rengpa kuang a chongchaia rua an tho tir nôk tak a ni. Kha ang khan Deipu Elija hi Pathian le irhlet mi le itinreng inthotirtu khom a ni.

2. Elisa le sin an tho suam :- Deipu Elija hin ama changpuitu le a sinthona a irthulpui hrang a nang tak ti an hriata; khanchu Pathian ama changpuitu le sin suizomtu hrangin mi inkhat anthang pê taka; Pathianin Deipu Eliza kuang a khan ni irthul deipu ni hrangin Abelmehola khua mi Elisa kha sahriak ni ipôl hrang a ni a ti pêa Pathian ihril angin Deipu hrangin Elisa kha a zong taka; Elisa chu loa bu phunna hrangin sehrat le irneng a len let lai takin Elija kha a fea a puan irfual irbel kha a van khum taka Deipu Elija kha mi murdi'n Pathian mi a ni ti kha an inhriat a Elisa khomin a lei inhriat zel tak a ni. Khan Elisa khan Elija khan puan irfual an siltira khan ama hnung zui hranga ti khan an hriat thei zoi khanchu a sinthohai le a sialhai kha maksan rakin Elija kha zui hrangin arsiama khannisian ka nu le kapa-hai chu chubai va mûkhai phot kita khan chu nang zui zel tak ki ti a tia; khan Elisa chu insûng tiang a kira a sialhai kha a thata midanghai kha a semhai taka; khazoiin chu Elija zui hrangin insûng ata a suak taka sin a tho phut tak a ni.

2. Elija irvana a hruaia a om:- Deipu Elija le Elisa chu Pathian Thu hrilin an inzin suam ngaia; khan an inzin suam laiin Elija kha Elisa kuang a khan 'Hin lei om viat ro Rengpan Bethel phun hrangin a ni itir keng a tia" khannisian Elisa khan a binga fe hrang khan phal mak a ni. Kha zoichu Jeriko khua an hong nôk taka kha laia Deipu rual omhai khan Elisa kuang a khan avuanhin ni pu Elija hi Rengpan a ilâkpai hrang keng an ti pêa khasik a khan Elisa khan a bing zela fe hrang khan a iphal ta loi a ni. Kha hnung chu Jordan vadung chu an tung nôk taka Deipu somringahai khan Jordan vadung tui kha an thira hla viat ata kha khan Elija le Elisa kha vadung kola khan an ngira Elija puan kha a kheka tuipei vadung tui kha a vika tui kha a hong irson phota tui tôn viat loiin varal tiang an kai tak a ni.

4. Mei sakor le mei tali'n Elija hruai'n a om:- Tui an irkân zoiin chu Elija Elisa kuang "Nangma rengata lâkin ki om mân imo nang tho pê inlân ni nuam ? a ti pêa. Elisa'n "Nir tha man ang hi bâk hni man hi ki nuam" tiin a hrila Elija'n thil intak tak ni izong a ni. Khannisian an ni lâk loi tak ni nih hmun chu chang ni ti ni nih hmu non chu chang thei no chini a tia; khan chu an fe suama an chong lai takin mei sakor le meitali a hong oma an ruaiin a hong senhai raka Elija chu kellaiherin irvan tiang a lâkin a vuangpui tak a ni. A puan tak chu E lisa a laka beidong takin Jordan vadung a ihongna tian a kir noka iva kôl a khan a ngira a chungu Elija puan zuang

Khan Samsona kûang a khan Pathian Irtha chu a zuang chum thut taka Kamkei baknei hrat tak kha kelte ang dora hmuin an pottan chita a that pai tak a ni. Khannisian, a nu le pa khan a that ti kha ite inhretirhai viat mak a ni. Khan Timna khua chu an tung taka nupangnu kha an chongpui taka Samsona khan nupangnu kha asan an dit tak tak a ni.

3. Samsona irneina hruiathe:- Khan sun idôr hnunga mo chu Samsona dongma hruiapui hrangin an zû fe nôka matona Kamkeibaknei a lei ithat kha va en hrangin a va fea; khanchu Kamkei ruak a khan khuai an lei om mura khuai hlutui tam tak om kha a hmua; a lâka fe balam khan a fâk thiea nu le pa khom asemhai a ni. Khannisianlan a nu le pa kha kamkeibaknei ata lâk a ni ti kha inhrihai mak a ni. Dongmate in kha an zutungin chu hrui an inthe taka dân angin Samsona rual hrang khan Filistia mihai kha 30 (*thirty*) an inkung pea Samsona'n an kuang 'iroroa' (*riddle word*) ardonhaia "*Fâktu reng ata fâk hrang a hong oma hrat tak rengata thiltum a hong suak*" tiin ardonhaia hi hih nin inhriat theiin chu puan sil irnem somthum le irsakna puan irnem nang ni pê ki tiin a hrilhai a ni. Khan nin inhriat nôn chu nangnin nin ni ipêk hrang a ni a ti pêhaia hi a omzia hi hruiathe sun sari sâng nin ihril hrang a ni a tiin a hrilhai a ni. Khan sunthum a ni hnung khomin inhre mahaia khan chu sun sari ni chu Samsona dongma kuang a khan ni pasal chu iroro omzia hril hrangin ngên ro an ti pêa ni ngen non chu nang le ni insâng mihai hi kin ihal thathai ving hrang a ni an ti pêa Samsona dongma chu chappumin a pasal chu ardon taka khan chu sun sari ni misa tâk man ruathertehai an hong a 'iroro' chu a hril taka; "*Khuai hlutiu neka thum imani le Kamkeibaknei neka hrat imani*" tiin a hril tak a ni. Samsona khan a hrilfia zoi inchu Rengpa irtha kha a zuang ompea Askelon mi 30 (*thirty*)-hai kha a zu thathai zita an neinunhai chu a lâk paipêhai zita a iroro omzia inhriattuhai kha a pêkhai tak a ni.

4. Falistian mihai loa mei suak:- Khan Samsona kha insâng a fe kârin a dongma kha midang pasal le a pa lu nu khan an ler neitirhaia; khan chu Samsona chu asan a ning an mur taka Samsona chu asuak pata in ata Sihal (*Fox*) 300 (*three hundred*)-hai kha a chelhaia inhni hni khan an irmeia a khit irzomhaia meiser khom a khit pel sa-ah Filistia bu hmunhaia scholhai chu an suahaia bu pâr le bu indinghai le Olive bilhai khom a kang siat chit tak a ni. Khan chu Filistia mihai khan tu itho mani tiin an zonga Timna khua Samsona dongma kha a tarpun a dongma kha a rualpa a pêk

IRCHULAI - 4

SOLOMONA

A thutum :- *Pathianin ama thu ôihai chu a changpui ngai a ni.*

Tep hrang :- *I Reng. 1:32-40; 3:4-15*).

THUMAHRUAI

A vuana ei irchu hrang chu mi vâr Solomon thurchi a nia; Solomon hi Davida naipa a ni. Khan Davida hi a hong tar a thi hrang a nia; tak sikin a naipa Solomon hi Israel reng hrangi Pathianin a inthang tak a ni. Khannisian Solomon hi naipang a nia Israel reng hrang khan a a theina le a vârna khan mipuihai a hruiasuak theino hrang sikin, Pathian kuang a chongchaia vârna a zonga, khanchu Pathianin vârna baka neina / irchongna khom pêkin a om sa a ni.

1. Reng thar Solomon:- Israel ram a khan reng roiinpui tak hi a oma arhming chu Davida a nia; Davida chu Pathianin a ompui maia ral tam takin doihai an hnehai zit ngai a ni. Khabana Davida kha Pathian inpâkna hrangin hla tam takhai khom phuain a om a nia; a tun laia Sam / Inpakhlahai ei iti hi a ni. Khan Davida kha a thi hrang a nâi tak sikin a naipa Solomon hi arthula Israel reng hrangin an kung tak a ni. Khan chu Davida thi hnunga Israel reng chu Solomon kha a hong chang taka; a pa Davida kha a hong thi mân a a naipa Solomon kuanga khan a om hrang dânhai chu fel takin a hril tak a ni. Solomon khomin a pa irchutirna kha fel takin a pom tak a ni.

2. Pathian kuanga vârna a zong:- Solomon chu a pa thu zômin Pathian Thu ang takin a om ngai a ni. Zan khat chu Pathian arhangin a zuang inlar pea Pathianin a kuang "zong ro imo nang ki ipêk hrang"? tiin a hrila khannisian, Solomonin Pathian kuang khan ama ta hrang vai zong loiin mi danghai ta hranga khan "*Rengpa ki mipuihai ki hrui theina hrangiin vârna hi kin nang*" tiin a sama. Khanchu Pathianin kuang vârna vai a izong kha Pathianin ni izong

3. Solomon ar hming inthang:- Reng Solomon chu vârna tak a nei sikin arhming khom an thang tak a ni. Khan mi tam takhai an chung thu rêl hrang khan Solomon kuang an hong ngaia; aman an om hrang dânhai chu satakin a lei hrilhai ngai a ni. A ram sunga mi murdi khan Solomon vârn dan kha an inhriat taka ram dang danga mihai khomin irhmupui hrang khan an hong pan ngai a ni. Voikhat chu Seba rengnu'n Solomon irhming inthang zia an hriatin chu midanghai kuang a vârn dan irdon infel hrang le a vârn zia hi inhriat nuamin Jerusalem-ah a hong pan taka a itung nekin Solomon var lam kha a hmu sikin, thilpêk tam takhai a pêk taka; kha ang denin ram dang danga renghai khomin thilpêk tam tak an in hlan tâk a ni.

4. Solomon irchong zia:- Solomon chu midang tam tak le reng tam takhai khan thil an pêka khan chu irchong tak a hong chang taka; Pathian Biakna hrangin Temple roiinpui tak a siama Pathian kuang an hlan tak a ni. Khan a in omna hrang khom hoi takin a siama a in irhming khom kha Lebanon Ngapui tiin a phua a ni. A sunga cha tui inna hai le bel burhai khom rangkachak a insiam korong a nia; saipui ha le khan a reng toihmun khom a siama; a rengtoihmun anga hi kho hmuna khom la om ngâi a ni. Sakor le sakuartunghai len vang chu a tam sabaka sakor tali ringok khom 1400 (one thousand four-hundred)-ah nei a ni. Midanghai khomin asan an milung a chukpuia Pathian Thu a zôm sikin satvurna a dong a ni tiin a lôm a ni.

Chângvong : Thuv. 1 :7

Rengpa chi hi inhriatna bul a ni, khannisian invêthai inchu varna le irchutirna an hmusit ngai a ni.

Irdomna:-

1. Pathian Thu zôm reng kha tuma ni ?
2. Solomonin Pathian Kuang khan imo a izong kha ?
3. Pathianin vârna khela imo a ipêk belsa kha ?
4. Solomon vârna inhriat hrang a khan rengnu kha kho reng
ata mo a ihong mani ?
5. Mi danghai kha i tho hrangin mo Solomon kha an hong

IRCHULAI - 5

SAMSONA

A thutum :- *Hratna hi Pathian sinthotheina a inlangtir a ni.*
Tep hrang :- *(Roir. 23:16; Num. 6:1-5).*

THUMAHRUAI

Avuana ei irchu hrang Bible-ah mi hrat tak le mi huaisen tak Samsona thurchi a nia; Samsona pa chu Manoa a ni. Samsona hi mi hrat tak a nia; a suak ata sam khom eploi hrangin Pathianin a iti a ni. Kha asam seina khan hratna a nei ngaia Pathian a irthoka hratna pêk a ni sik a khan asam kha asuak a irthokin Samsona sam kha eploiin an ihôipe mai tak a ni. Hi thu hi ei inhriat thei ualna hrangin tôi sar sarin zu tarlang ei ti-

1. Samsona suak thu:- Israel rama Zora kua a khan mi fel tak Manoa an iti kha a oma; khan Manoa dongma chu a chinga / nai nei loi in a oma; khannisian, sun khat chu nupang kuang khan vântirtôn a zuang inlara; vantirtôn khan nupang kuang a khan 'Irgai ro atûn ata chu inrai ni ta irdîn takin ni iom hrang a ni. Uain mani, zu mani, le sa'r thiang loi hai khom ni itôn viat hrang ni mak" tiin a hrila nai ni ivông chu pasal ni ata alu khom asuak ata voi khom ni ivôi viat hrang ni maka; nai kha a suak ata Nazaret mi a ni hrang a ni. Khan nai khan Filistia mihai kut ata Israel mihai a isan inzôkhai hrang a ni a tia; khazoi inchu nupangnu kha a hong inrai taka nai pasal a neia arhming khom Samsona a phua tak a ni.

2. Timna kua a zufe:- Timna kua an iti a khan Filistia mihai khan Israelhai chung a khan roi an rêla Samsona chu a hong seilian hnunga chu Timna kua a khan a zufe Filistia mi dongmate hmel sa tak tak a zu hmu taka khan chu Samsona kha intiang a hong kîr nôka a pahai kuang a khan ki dongma hrangin Filistia mi dongmate khu ni zu biak pê roi tiin a hrila khannisian, a nu le pa kha asan an buaia Pathian itho a ni ti kha an inhriat thei loi sika a ni. Khan chu Samsona nu pahai kha moi biak hrangin Timna kua a khan an fe

IRCHULAI - 6

DEIPU JEREMIA

A thutum :- *Pathian Thu zômhai chu a san suak ngai.*

Tep hrang :- *Ger. 1:1-3; 38:1-13).*

THUMAHRUAI

Bible-ah Pathian Thu ôitu Deipu Jeremia a ni. Avuana ei irchu hrang mi fel tak, Pathian Thu oi mi le Pathian thu naipang ata le ngaisak me Jeremia thurchi a nia; a nuna enton rua poimo tak a om. Eini khom Pathian thu oitu nun chu ei lâk theina hrangin satakin irnak ei song hrang a ni.

1. Deipu Jeremia:- Jeremia hi Banjimina ram sunga Anathot khua ochai irchi mi laia Hilki naipa a ni. Juda rama reng Amona naipa Josia an lallai kum som hleithum khan Rengpan ochai sintho hrangin naipang a ni lai ata a ikoi tak a ni. Jeremia chu ochai naipa a ni sikin a naipangte ata Pathian Thu irchu ngai mi a ni. Pathian nuam dânhai khom an hriat tak taka; Pathian ata inren dânhai khom archu ngai a ni. Khan sunkhat chu Pathian ata Deipu ni hrangin koina a donga mihai kuanga Pathian Thu chi loi-haitaka insir hrangin a koia khan nisian Jeremia'n Pathian ikoina kha a hnola ki la naipang thu hril khom la thei ma ung a tia; khannisianlan Jeremia kha Pathian Thu hril hrangin an phut rak taka Jeremia khomin Rengpa koina chu hnol ngam ta mak a ni. Khan chu Pathian koina chu ngûk takin arngaia mihai chungu thu hril hrang Rengpa iti chu a hril mai taka; mi tam takhai khan Jeremia hi Deipu a ni ti an in hriat tak a ni. A tûn ten hin Deipu laia Jeremia hi irhming a lan thang mai a ni.

2. Jerusalem khopui an irhual:- Jerusalem khopui chu an râlhai Babulon-haiin an hong hual taka an khaua irthokin khua dang a fe hrang khan fe thei lik mahaia; hmun danga irthokin Jerusalem chu fethei likna ni maka asan chu Israelhai kha an râl Babulon mihai khan an irhual / êpbehai sikin fâk hrang nêk hrang khom an irsam taka mipui tam takhai kha asan an milung a zîng taka; itin angin

hi ang hin a nin chu nin chungu phuba ki lâk maka mong no ning a ti pêhaia khan chu Samsona khan a ning an mura mi tam tak kha a thathaia Etom lungpui khura a lûta a om tak a ni.

5. Filistia mihai an hne:- Kha lai khan Israel mihai chu Filistia mihai hnuai a om an nia; Filistia mihai kha Samsona chel hrangin Juda rama khan an fea Lehi vela khan riakbuk an kuar taka; itho sika ni doi hranga nin ihong mo tiin an ler donhaia; anni khan Samsona khit phira a ni ilo anga lo hranga kin ihong a ni an tia; khannisian Samsona chu kha lai tak kha Etam rôl khura a ler bika; khan chu Etam rôl a khan Filistia mihai kha Samsona irhmupui hrangin an fea Samsona kuang a khan "*Filistia mihai hi kin chungu thu neitua an ni ti inhre mak che mo*" tiin an hrila kin chungu thil ni itho hi itina ni itho mani tak ? an ti pêa khan chu Samsona'n "*An ni ilo angin kei khom ki itho a ni a ti pêhaia*" Anni khan Filistian mihai kuta pêk hrangin nang khit hrang kin ni an ti pêa khanchu hrui hrual thar inhni le an khita an hong hrui suaka *Lehi* hmun a khan Filistian mihai khan an lei donhaia an khek mur mura khan irning loiin Rengpa irtha khan Samsona kha a hong man thuta an khitna hruihai kha pat ang takin an potsat chita Sakuartung irkamru thar tak hi a hmua a laka Filistian mi sangkhathai chu a thathai zit taka sakuartung irkamru kha a paia kha hmun kha "*Ramat-Lehi*" tin a phua tak a ni. Samsona kha asan a tui an hralpê taka khan chu Rengpa a koia ni sialo hi roiinpui takin hnena ni nin changtira khannisian tui inhralin ki ithi hrang hi te ? Sertan loihaiin ni hong that nan ti a tia; khan chu Rengpa'n Lehi hmunna khur om chu arongtira tui a hong suak tira Samsona chu a intaka a sôl a hong chan pê tak a ni.

6. Samsona le Delili:- Samsona chu Sorek irhôra om a nia; Filistia dongmate Delili chu arditpui / lung arhungpui nôka khan sunkhat chu Filistian hrui chu Delili kuang an hong itina mo ni pasal hi ma dôr a i hrat itin mo kin inhne thei hrang inhriat tum ro ba an ti pea; tangka sum sangkhat le irzakhat nang pê chit kin ti an ti pea; khan chu Delili khan Samsona kha ardona imo ni hratna tak kha nin hril ro ba itin angin mo nang khit inlan nang kin soi-sak thei hrang tin ardona - i) Samsona khan Saihli thar hrui char loi sari le ni khit unglan hrat no ninga tia, khanchu Filistian mihai khan Saihli thar hrui sari le khan an khita Delili khan Samson thoi ta ro Filistia mihai nang doi

ii) Dilili khan ni nih huang ni hratna kha nin hril mak che tiin ardon nôka nin hril ro adik takin a ti pêa hrui hruai thar la hmang viat ngai loi le ni khithai sian hrat no ning a ti nôka; Khan Dilili khan hrui hruai thar le a khit noka Samsona thoi ta ro chontan sung ata Filistia mihai nang doi hrang an hong a ti pea khan chu a thoi a khitna hrui chu patmal ang takin an potsat nok chita. iii) Dilili'n Samson kuang ni ni la huang maia itin angin mo nang khit inlan ni ihrat loi hrang ardon nôka “ Ki sam phiar sari hi puana không sanlan a khitna le khit khak inlan midanghai angin om ta ki ti a ti pea” khan chu a khit nôk khaka; Samson thoi ta ro Filistian mihai an hong nang khit hrangin a tia a thoiin chu a khitnahai kha a pai nôk chit taka; iv) A dongma Dilili khan voi thum reng ni ni huang ta itin mo ki lungthung ni nih la ti thei lung ni thung tak tak mak che ni hratna khom nin hril nuam mak chea ani tin nang ki ngên ngot ngota thi hrang vangin ki om ta khan khom nin hril mak che tin a hrila; khan chu Samsona khan a hratna chu an hril taka; “Ki suak reng ata Pathian ta hranga Nazarit mi ki nia; ki sam hi vôi inkôl la ni ngai maka; ki lu hi vôi inkol inlan ki hratna hi boi ata midanghai angin ki iom ta hrang a ni a ti pê tak; khan chu Samsona ihril murdihai chu Filistian mihai kuang ahrihai zit taka sum tangkahai choiin an hong taka Dilili'n Samson chu a mala an zaltira an in tira mi inkhat a koia a sam phiar sari chu an tantir zita a hratna chu a boi taka Dilili'n Samson chu Filistia'n mihai nang hong doi hrang an ni a tipea a inmu chu a hong hara matona ang khan hrat nôk ki ti a ti le khan Rengpa ata a hratna sam irthup kha an eppai pe tak sikin Rengpa'n a mâk san tak a ni. Khan chu Samson chu an chela Filistian mihai khan a mit ru an kêl sua pai pe tak a ni.

7. Samsona thina:- Samsona chu a dongma Dilili'n Filistian mihai kuang sum tam tak lakin an kuta pêkin a om taka Samsona chu an Pathian Dragon kuang khan kin rualpa ni nih ipêk tak hi te tiin thil tam tak inhlai hrangin an irbuk khom taka Samson kha an hmun chu an Pathian an inpâka asan an loma khan chu Samson kha Jail in ata an hong hruai suaka mipuihai mit hmun nuiza siamna'n an

Khan chu Samsona khan Rengpa a koia “O Rengpa nin hre mai inlan nin hrattir ro ba O Pathian a tûn vai hin nin hrattir inlan ki mitru inhni kelsuapuhai Filistian mihai hi phuba hong la vak ki ti a tia; khan chu Samson irhnelna chopui inhni chu a chang tiang le a vei tiang an bana chopui chu Pathianin a hmanga in kha a noka a chiam rem rum taka Filistian mihai kha an thi zit tak a ni. Samsona a damlaia a ithathai nekin hi ni hin a thathai ual a ni. Samson ruak chu a pahai le a urenghaiin a kelsua a pa Manoa khan Zora le Estaol kara khan an phum tak a ni. Samsona kha kum somhnhai chung a roi a rêl a ni.

Changvong : Sam. 127 : 4

Vânglai nihai chu mihrat kuta thal omhai ang hi a ni.

Irdonna:-

1. Samsona pa irhming kha imani ?
2. Vantirtôn khan nupangnu kuang a khan ithilhai ang hi mo ni itôn viat hrang ni mak a iti pê kha ?
3. Samsona khan kho reng ata mo khuai hlutui a ihmu kha ?

a hong phâk taka; khannisian Abrahamama kuang a khan Pathian a zuan lâp pea “Ni dongma hi Saraii ni ta no nia arhming khom Sari ni ta a ti. Khanchu satvur kita ama reng ata naipa nang ki ipêk hrang a ni a tia” Sari ti irhming omzia khom ‘*reng nainu*’ tina a ni. Khannisian Abrahamama’n kei khom ki tar taka kum irzakhat ki ni taka Sari khom kum somkuak mi a ni taka itin mo nai a la inei thei hrang tin a hrila. Khan chu Sari kha a tar hnungin Pathianin nai a an vongtir taka Pathianin arhming khom Isaka ni iphua hrang a ni a ti pe taka; a pasal Abrahamama khan asan arkhêl a ti tak tak ta a ni.

3. Sari nai nei hrang an hriatirna:- Aphuta Sari ti kha Sari ti a ni taka khan Abrahamama chu a puan in kôla Memreseso thing bula a toi lai takin Pathin itirhai mi inthumhai chu a kola an ngirin a hmua taka Abrahamama khan a dongma kuang a khan mikhual inthumhai hrang fâk hrang le sehrat irhnutui siam pehai inlan pehai ro a ti pe taka, Sari khan irhnot takin a sina Abraham khan a kola mikhual omhai kha a va pêkhai taka; mikhualhai khan ni dongma Sari te khon mo a om tiin an irdôna ? so puanin a son a om a tia; mi inkhat pa khan ni dongma khom nai pasal a inei hrang a ni a ti pea; an thun sâr khan Sari kha an hritin a tartiang a ni tak sik a khan a lungrilin an nuia Sari chu a lom sabak tak a ni.

4. Sari’n nai pasal a nei:- Pathian ihril tak ang khan Sari chu a tar hnungin nai a vonga nai inditom tak a nei taka Sari chu nai a nei a khan kum 90 (*ninty*) a ni taka; a pasal Abrahamama khom kum 100 (*one hundred*) a ni tak a ni. An naipa irhming chu Isaka an phua taka Isaka ti omzia chu “Innu” tina a ni. Khan chu Sari’n Pathianin a nin nuitir ta mitinin an hriat murdihai chu an rai afân ta a ti tak a ni. Sari chu Pathian Thu zômto a ni sikin Pathianin satvurna a zuang indongtir tak a ni. Sari chu a nai Isaka kha kum 27 (*twenty seven*) a ni hnungin a thi taka; Hebron khua Abraham ram irchôk Makpela pûka khan an phum tak a ni.

Changvong :(Heb. 11 : 11) Iamna’n Abrahamama le Sari kha a tar ok hnungin, Sari kha a ching ni khomsian Pathian chu a chonginkunga iamom tiin arhngat ngit sikin pa a la ichang a ni.

Ir donna:- 1. Sari khua masa kha imo arhming ?

2. Sari irhming omzia kha imo a ini ?

3. Sari nai a nei khan kum idôr mi mo a ni kha ?

4. Sari a thi khan kum idor mo a ini ?

5. Sari nai pasal irhming kha imani ?

dang dang khom an oma senkhat chu deipu tak tak ni loi le Pathian ihril khom ni ual loihi khom an insir nei nuai ngai a ni. Kha ang tak khan deipu tak ni loihi khom khan an nuamlam le an lungchuk dan thilhai kha an insir inchop ngai a nia; ani a chu Deipu Jeremia chu Pathian ata irthokin inhriat ti no chu insir khom insir ngai loi a ni.

3. Thu dik hrilna sika Deipu Jeremia an hnol:- Khan mipuihai chu fâk hrang nei ta loiin an phing a cham tak taka a cham hrai sikin, Deipu Jeremia kuang a khan Israel-hai kha itin mo an om hrang tak ti irdon hrangin an hong a Deipu Jeremia khan “*Nin su-alnahai ata nin irlet noa Pathian tiang nin kâr nôn chu hi khopui le Biak in hi hek ata insiatpaiin a iom hrang a ni a ti*” khan chu roirêltuhai kha nangni chel an ta nin rêngin Babulon sala nin intang hrang a ni a tiin a hrilhai a ni” Jeremia kuanga hordontuhai kha an milunghoi pêhai viat ta maka an reng kuanga kha an hnol tak a ni. Khannisian rengin chu Jeremia thu insir kha a dik a ni ti an hriata asan chu Pathian Thu iammi a ni sikin milak thu hril viat ngai mak ti kha an hriat sikin, ani a chu Jeremia tiang khan kop hliak ual mahaia anni tianga khan an kop nuam lem a ni.

4. Deipu Jeremia an chel:- Deipu Jeremia chu an chela an reng kuang a khan that hrangin an ngena khan chu reng khan that hrang khan a phalhai taka Jeremia chu hrui le ankhith hluma khur khurum inthuk taka tui om loina dialdôk vai omna khan an in thaka kha ang dora an hrem khomin Jeremia chu Pathian Thu inpuang kha mong nuam ual maka; renghai le mipuihai nuam lam reng rengin thiamthu insir nuam mak a ni. Chelin a oma khitin khur khuruim inthuk taka an inthak lai khomin a ihril pangai chu a la hril mai a ni.

5. Pathianin a changpui:- Jeremia chu intangin a om lai khomin rengin a oma; kha laia kha ram a mi inkhat chu asan an rena a pa irhming chu Ebedmeleka a ni. Pathianin Jeremia hai zia chu an hriata Pathian kuanga a om rak sikin, khur khurum a an inthak ti khom an inhriata khasikin, Ebedmelakan Jeremia chu changpui hrang le inzok hrang a nuam taka a ni. Ebedmelaka reng kuanga khan Jeremia hi misual ni viat maka isika mo khur khuruma nin inthak a tia reng kuang a khan kelsua hrangin a zonga reng khomin

an ihril ang khan hrui chu an inthaka Ebedmelaka leh a rualhai khan a san suak tak a ni. Jeremia chu thu dik tak kha a tum ngît sikin Pathianin thi hrangin phal mak a ni.

Chângvong : Sam. 55 :16

“Keiman Pathian koi kita khan chu Rengpa’n san inzôk a ti”

Irdonna :

1. Deipuhai tak kha tumo a i ni ?
2. Jerusalem doituhai khan itin mo an hong ti kha ?
3. Mipuihaiin an om hrang dan an irdon khan Deipu Jeremia’n itin mo a ti pêhai kha ?
4. Mipuihai khan Jeremia kha khon mo an sia kha ?
5. Jeremia san suaktu kha imo arhming kha ?

**SEN HNINA
BIBLE-AH NUPANG IAMOMHAI**

IRCHULAI - 7

SARI

A thutum :- Pathian Thu inkunga ngir ngam a poimo

Tep hrang :- Gen. 17:15-22; 21:1-7; 23:1-20.

THUMAHRUAI

Avuan sun a ei insir hrang chu mi hmelsa le iamom tak Sari thurchi le ama ata enton rua poimohai ei irchu hrang a ni. Sari chu mi fel tak le mi hmelsa tak ni khomsian nai nei loi mi a nia; khannisian Pathian iamtu le mifel tak a ni sikin a tar hnung a khan Pathianin nai ala pêk a ni. A thurchi fel uala ei inhriat theina hrangin toi sarin hi ang hin hril inlang ei ti.-

1. Nu fel tak Sari:- Tianlai khan ûr khua a hin pa fel tak Abrahama an iti kha a oma. Abrahama hin dongma fel tak le mi hmelsa tak Sari kha a neia; Sari ti omzi chu *reng nainu* tina a nia khakhela a pasal thu ôitu tak khom a ni. Abrahama chu hi anga dongma fel le hmelsa a nei sikin mitinin mi vânsa an ti a ni. Khan Abrahama hi ûr khua ata Haranah an irthona Haran khua a an om lai takin Abrahama chu Pathian hi ang hin a hrila *“Ram nang ki la inentir hrang rama fe ro a ti pea”* khan chu nitâk tiang ram hla tak a khan an irthon tak a ni.

2. Sari chu nai nei thei loiin a oma:- Sari chu hmel sa le fel tak ni khomsian, Abrahama le khan kum sôt tak an irneina ni khomsian, nâi rêng rêng vong thei loiin an oma; kha khela tianlai khan chu nai nei thei loiin hi chu an hnuaisia-hai ngai a ni. Khannisian, Sari khan nai an dit tak taka nai pom a nuama ani a chu nai reng reng nei thei loi a ni. A lungril khom nai a nei thei no sik a khan a napê tak tak a ni. Apasal Abrahama chu kum irzakhat a ni vâng

3. Ruthiin a tarpi a zui:- Khan, Ruthi khan chu a tarpi Naomi kha masan nuam maka a chel ngit tak a ni. Khan enta ni moi chanpuinu chu a mihai le a Pathian tiang a kîr nôk tak so nang khom ni moi chanpuinu so zuiin niin tiang kîr nôk ta ro a ti pêa; khannisian, Ruthi'n chu nang masan hrang le nang zui loi hrangin chu nin them no ro ni fena tiang tiang fe kita ni riakna taka riak ki ta nir chihai chu kir chihai ni an ta ni Pathian chu ki Pathian a ini hrang a ni tiin a hrila khan chu ni thina thi ki ta. Khanchu kha khan phumin om ki ti. Nang le kei hi thina ni loa thil dang ni sen hrang nêkin chu Rengpan a nuam dân dânin ni lo ri rise a ti tak a ni. Naomi kha Ruthin a zuitum ngit ti an hriat sikin a dâi san hrek taka asan chu Naomi kha a bing dôka ram hla taka fe hrang kha Ruthi khan a ngampui loi le a lungthung sika a ni. Naomi khan Ruthi a iamom zia kha a hmun asan arkhêl a ti taka; apa ina kir nôk hrang khan ite hril pe ta maka; khan chu Bethlehem khua kha an hong tung tak a ni.

4. Ruthi le a tarpi Bethlehem tiang an kîr:- Khan, Naomi le Ruthi chu Bethlem khua a khan an om taka khan Ruthi chu midanghai loi a khan irhlo a fe ngaia; irhlo a fena loi chongpu pa chu mi fel tak a nia; a rhming chu Boaza a ni. Khan Boaza khan Ruthi chu lung a thung tak taka buhai khom a pêk ngai a ni. Boaza chu an khua a khan irchong tak a nia; bu le thil dang danghai khom asan a nei intama suak khom tam tak a neia a loihai a khom khan mi tam tak an irhloin sin an tho ngai a ni. A suakhai kuang a khom khan Ruthi kha sataka en kol hrang khan a hrilhai ngaia; Boaza'n thil a ifâk fâk kha Ruthi khom a infâktir ngai a ni. Ruthi chu a tarpi chung a felzia kha mi murdi khan an inhriat zita Bethlehem khua mihai khom khan a sintho tak irtaizia le a om dân sa kha asan an hril ngai a ni. Boaza khomin Ruthi nunchan kha a loaia a sintho lam le a fel dân kha mi ihril khela an hriat ving a ni. Khan Naomi khan Boaza khom a fel a ti sikin Ruthi le irnei hrang khan a nuampui tak a ni. Khan nupang fel le iamom tak Ruthi chu Boaza'n dongma hrangin a nei tak a ni. Khan Pathian iamtu le Pathian nuamlam sintu a ni sikin Ruthi kha pasal satak le irchong tak an neitira nai pasal hmel sa tak an hong nei taka arhming khom Obed an hong phu taka Obed chu Davida irchibul tak a hong ni tak a ni.

Chângvong : (I Samu. 26 :23) “Rengpa khan mitin an felna le an iamomna man chu a ipêk ngai a ni”

I r -

donna :

1. Ruthi irhming omzia kha imani ?
2. Ruthi pasal masa kha imo arhming ?
3. Ruthi omna khua masa kha imani ?
4. Ruthi a moi chanpuinu kha imo arhming ?
5. Ruthi tarpi kha tumani ?

IRCHULAI - 8

HANI

A thutum :- *Milung ti tak taka chongchai chu Pathianin a'rngai ngai.*

Tep hrang :- *(I Samu. 1:1-28).*

THUMAHRUAI

Avuana ei insir hrang chu mi fel le iamom tak Hani thurchi le ama ata enton rua poimohai ei irchu hrang a ni. Hani chu mi fel tak le Pathian iamtu tak ni khomsian nai nei loi mi a nia; khasikin, A thurchi fel uala ei inhriat theina hrangin a hi ang hin toi sarin hi ang hin hril inlang ei ti.-

1. Hani a milung an dük:- Hani hi mi fel tak le chongchai nuam mi a nia; Hani irhming omzia khom hi “*Inrênom*” tina a ni. Hani pasal irhming chu Elkana a nia; Hani hi nu fel tak le iamom tak ni khom sian nai nei thei loiin a oma; nai a nei thei no sik a khan midanghai nai nei khan arzukin a hnuaisia / hmusit ngai a ni. Elkana hin dongma inhni a neia Hani “*Penine*” an ni. Penini khomin Hani chu a hmusita; Biak Ina an fe lai khomin an innui san ngai a ni. Hani chu asan an tak a tia a chap khup khup ngaia; bu an khom fa nuam ta ngai mah a ni. A pasal Elkana khan Hani ithomo ni nih ni chapa ? itho sika mo ni milung ninnatir baka; Naipasal somkhat nek khomin ni ta hrangin chu ki isa ual loi mani ? a ti pea; Hani chu a beidong hrai sikin a chap khom mong thei loiin bu khom ne thei ngai mak a ni.

2. Hani'n nâi a zong:- Khan Hani kha a lungrîl a sôl tak taka irhai nei a Pathian Biak Ina chongchai kha ngam maka irhai boiin Pathian kuang khan “*O sepaihai Rengpa ni suaknu irhnuai lam hi ni ninlan hriat maia*; nih hngil ngai mak che ni suaknu hi nai pasal ni ni pêkin chu kha nâi kha chu a damsûng ni ta hrangin indang bîk ki ta, a sam khom êppe viat no ning” tin chappumin a chongchai tak a ni. Khan, Hani kha Rengpa kuang a chongchai lai takin, Biak ina hruaitu Ochai Elia khan Hani kha a chongcâi lai tak kha râl khat ata a hmua; zu inrui ni a ti tin a iama khasikin Elia hin a kuanga hin idôr sôt no ni inrui ta hrang ni ûain tui kha

Israelhai Pathianin ni thil innang tak chu nangpê ri se tiin a hril tak a ni. Khan chu Hani chu lungirngam takin ina a fea bu a nêk taka a beidongna hai khan a hong boipêa a lôm tak a ni.

3. Pathianin Hani chongchaina chu a sâm:- Milung ni taka Hani chongchai chu a lêr ngai chiana a beidongziahai khom kha an hriatin asan an rên tak a ni. Hani Pathian kuanga a ingênna chu hlo a chukpê taka; Hani khan nai a hong vông taka naipa indit om tak a hong nei taka arhming khom Samuel a hong phua tak a ni.

Chângvong : Mat. 7 :7

“Nghì roi pêk ni nin ta zong unglân hmu nin ti; into unglân inhong pê ni nin ti”

Irdonna :

1. Hani irhming omzia kha imani ?
2. Hani pasal irhming kha imani ?
3. Kho khua Biak in na mo Hani a chongchai kha ?
4. Kha laia Ochai / Thiampu kha imo arhming ?
5. Hani kha itho sikin mo a bei a donga Pathian kuang a chongchai ?

IRCHULAI - 9

RUTHI

A thutum :- *Mi iamom chu Pathianin lômman a pêk ngai*

Tep hrang :- *(Ruthi. 1:1-22; 2:1-9).*

THUMAHRUAI

Avuan sun a ei insir hrang chu mi fel le iamom tak dongmate Ruthi bu âtngai ngai a nia ama ata enton rua poimohai ei irchu hrang a ni. Ruthi chu mi fel tak le Pathian iamtu tak nia khasikin Ruthi rhming omzia khom “rual” (*Friend*) tina a ni. Khasikin, A thurchi fel uala ei inhriat theina hrangin a bul reng ata toi sarin hi ang hin hril inlang ei ti.-

1. Ruthi leh Naomi:- Ruthi hi Moab rama dongmate fel tak le iamom takin a oma Ruthi ti irhming omzia chu “rual” (*Friend*) tina a ni. Moab ram chu Israel ram saktiang tuipui thi sak tianga om a ni. Israel rama khan champui a tâka fâk hrang rêng rêng omta maka Israel rama Bethlehem khua mi Elimeleka insûngkuahai chu Ruthihai khua an irthona Elimeleka dongma chu Naomi a nia; nai pasal inhni a neia Mahlona le Kilionahai ruai hi an neihai a ni. Khan chu sôt taka an om hnungin Ruthi Mahlonahai ruai chu an irnei taka Kilonahai khomin kha taka khua mi ngêt Orpi an iti le khan an irnei a ni. Khan an pa Elimeleka chu a hong thi taka kha zoi hnung a khan sôt note sungin Mahlona leh Kilionahai khom an thi nôk tak a ni. Naomi le a moihai inhni chu beidong takin an hunhai an hong hmang taka; Naomi insûngkuahai lak chu hmun hla taka Israel rama om an nia; nupang korong an ni sikin intak an ti ngoi ngoi a ni.

2. Naomi an khua tiang a kir nôk:- Khan, Naomi khan Bethlehem tianga champui tak chu arngam tak ti an hriata Naomi kha a om khual lian lam tiang kîr a tum nôk taka; khan Naomi khan a moihai inhni kha anpapai in tiang kîr nôk hrangin a ngênhaia; a moihai khan asan an inrên sikin kir nôk hrang khan nuam viat mahai a ni. Khan Naomi khan ki nainuhai nang ni sikin asan ki milung a dûk tiin kîr nôk hrangin a ngenhai nôka a moihai inhni

IRCHULAI - 11

MARI JISUANU THURCHI

A thutum :- *Mitin ta hranga Thurchi Sa lômom a zuang tung dân*

Tep hrang :- *(Isaia 7:14-16; Mat. 1:18f; Lk. 1:26-45).*

THUMAHRUAI

Avuan a ei insir hrang chu dongmate fel le iamom tak thurchi ei insîr hrang a ni. Arhming chu Mari a ni. Mari hi mifel tak le milung irûai tak a nia; Pathian nuamlam thotu a a ni sikin, rammuala mi inei ngai loi le tute ihmu thei loi hi a chung a zuang itung a ni. Khasikin, a nunchana le a om dân a hin irchu hrang poimo tak tak a om a ni. Einihai ta hrangin khasikin, thurchi fel uala ei inhriat theina hrangin hi ang hin hril inlang ei ti.-

1. Nazaret khua a Mari:- Khan Mari hi Deipu Zakaria-hai omna khua ata hi mêl 90 (sômkuak) vêl hla hin khua inkhat a oma kha khua kha Nazaret a ni. Mari kha hi khaua a hin a om a ni. Mari hi Juda nam mi a nia; a pa chu Helia a nia; Mari hi sintho nuam mi tak khom a nia; sahriak le bai chi dang dang hai khom hi asan a sin thei ngai a ni. Mari hi mifel tak le sinthona tiang khom fâi le irkip tak a nia; kha ang khan Pathian thu bu irzuata khan Pathian hi lungthung hrang le mahrip tho hrang a ni tia Synagog an hril kha a zôm tak tak a ni. Rammual-ah reng roiinpui takhai thurchi nêkin rammuala mihriamhai inzôk hranga zuang hrang thurchi kha inhriat a tum uala irngai khom a hoi a ti ngai a ni. Khan, Rom mihai khan Juda mihai kha asân deng an intheihai lam kha a hmua; asan a bei a dong tâka Pathian kuang inzôkpu zuang tung lat hrang kha a zong ngai a ni.

2. Vântirtôn Mari kuanga a zuang inlâr:- Khan Mari ina hin sünkhat chu vântirtôn Gabriela an iti hi a zuang inlâra Rengpa ni kuanga a om” tiin Mari kha chubai a mûka, khanchu Mari kha

IRCHULAI - 10

ESTHERI

A thutum :- *Ti tak taka chongchai chu Pathianin a’rngai ngai.*

Tep hrang :- *(I Samu. 1:1-28).*

Avuan a ei insir hrang chu mi fel Rengnu dongmate Estheri thurchi le ama ata enton rua poimohai ei irchu hrang a ni. Estheri chu Juda mi a nia mi fel Pathian iamtu a ni. Khasikin, A thurchi fel uala ei inhriat theina hrangin a bul reng ata toi sarin hi ang hin hril inlang ei ti.-

1. Juda mi dongmate fel:- Estheri hi Juda mi dongmate fel tak hme sa a nia Estheri irhming omzia chu “*Arsi*” tina a ni. Estheri hi nupa khom nei ta loi nâi fara mi a nia; a ûrêng irnaipui Mordekaia khan asangnu le a nainu ang takin a chin ata a lei donsui ngaia; Estheri khomin apu thu kha azôm tak tak ngai a ni.

2. Rengnu Estheri a chongchai:-Khan Estherihai ram omna Persia rama rengpa khan dongma a zonga; Persia ram chu a lian le arzat tak taka India ram irthoka Israelhai ram Africa nisua tiang lam Athiopia-hai ten Persia ram a ni zita ram bung khom 127 (irzakhat somhni sari) a ni. Khan rengpa irhming chu reng Ahasuera a nia; hi rengpa hin hi Parsia ram a mi dôr hi chu a nuam ang taka a nei thei a nia; a ram sunga mihai khan tu khomin a thupêk chu an ihnol thei ngai loi a ni. Reng Ahausuera khan a ram hual sunga dongmate hmelsa tak takhai a kola inlangtir hrangin thupêk an sua taka; khan a ram dang danga rengpa dongma hrang le rengnu inthangna, ei inhriat theina hrangin atunlâi rammual a (*Miss. Universe*) inthangna ang hin satak takin an hmelhai irvotirhai ngai a ni. Kha hmuna chang hrangin Estheri khomin a pu Mordekaia kuang khan changsa hrangin a hril taka khan chu reng Persia reng khan dongmate hmelsa tak takhai laia khan Estheri kha a dongma hrangin an thang tak a ni. Khan chu Estheri kha mi inriang tak le nupa neilo tak ni khomsian a rama reng dongma le thu nei tak a hong chang tak a ni.

reng ina a fê zôro'n reng ina sinthotuhai murdi khan chubai an lei mûk ngaia; Hamana chu a bing khomin thei arti tak tak ngai a ni. Khasikin Esthari enkoltu Mordekaia-hai chu chubai mûk nuam maka; khan chu Mordekaia chung a asan a ning an mura; Mordekaia kha Juda mi a ni ti an hriatin chu a ram sunga Juda nam murdihai kha thatpaihai hrangin a tum taka; minlak thu hmangin Juda namhai kha reng Ahasuera kuanga khan a hnolhaia; Estheri kha Juda nam mi a ni ti kha inhre maka; reng khom khan inhre ual maka khan chu reng khan Juda nam murdi chu thatpaihai zit hrangin thu an suatir taka; kha reng thupêk kha ram bung tinna khan a zoro a phâk tena chu Juda nam murdi thatpai hrang khan thu an sua tak a ni.

4. Mordekaia'n Estheri an hril:- Khan Mordekai'n reng thupêk kha an hriatin asan a milung a na taka a puan inpôt therin bora silin pildi arbura milung na ngôl ngoiin a chap taka; kha anga thupek ichiom kha rengnu Rengnu khan chu inhre viat maka; Mordekaia milung induk hmel irpuk kha a hmun chu rengnu'n a Mordekaia milung indûk irdon hrangin a enkôltu laia hrat tak chu a koia irdon hrangin a tîra; khan chu thil tung murdi chu Mordekaia khan Esthari kuang a khan a hril ving tak a ni.

5. Esteri'n Juda nam a san suak:- Estheri kha rengnu a ni hnung khomin Mordekaia thu kha a la zôm mai a ni. Khan Mordekaia khan Estheri kuang a khan a ti hrang le a tho hrang murdi a hril taka; Estheri khan ruaithe roiinpui tak a siama kha hmuna khan mi murdihai kha a koihaia; Hamana khom a koia rengpa khan rengnu Estheri kuang khan imo ni inuam tak zong ro pêk ni nih ti a ti pêa ki ram cimrip khom ni ri se nangpe ki ti tiin ardona ? khan chu Rengnu Estheri khan "O Rengpa rengin lung a ni thunga khannisian asa ni tiin chu ki hringna le ki mihai hringna inzôk hrangin nang ki ngen a tia; reng Ahasuera'n an hriatin chu Estheri thi theina hranga ngaituatu chu a ngam baka tiin a ning an mura taka kha anga tho ngamtu kha tuma a ini tiin a zong taka; Estheri khan hi misualpa Hamana rengpa hi a ni hi te tiin a hrila Hamana chu reng

Chângvong : Mat. 7 :7

"Fena siak phingcham le tui hralhai chu an vân asa e, an la ikhop hrang sikin,"

Irdonna :

1. Estheri irhming omzia kha imani ?
2. Estheri a china irthoka dontu le ensuiteu kha tumani ?
3. Persia rama reng lian tak kha imo arhming ?
4. Mordekaia reng le Juda man murdi that tumtu kha tumani kha ?
5. Persia rengpa khan idor rambung kha mo a thuneina khan a huap kha ?

IRCHULAI - 13

JISUAN NGA MANTUHAI A KOI

A thutum :- *Jisuan mi pai paihai khom arsanpui hrangin a nuam*

Tep hrang :- (Mk. 1 : 16-20; Matt. 4 : 18-22; Lk. 5 : 1-11).

THUMAHRUAI

Avuan a ei insir hrang chu Jisuan'n mi inrianghai le mi irchong enbik nei ngai loi chungchang thua ei insir hrang a ni. Kha ang khan Jisua hin rammuala mi chukloi farahai hi rualin a siam nuam ngaia rammuala a lêng lai khom khan mi pai paihai nga chel ngaihai kha rualin a siam a ni tiin Bible a ei hmu a ni. Khasikin, a nunchana le a omdân a hin irchu hrang poimo tak tak a oma einihai ta hrangin khasikin, thurchi fel uala ei inhriat theina hrangin a bul reng ata toi sarin hi ang hin hril inlang ei ti.-

1. Jisua Galili dîl kôla a fe:- Jisua chu a naipangte laia ta naipang fel tak a nia; a taksa tiang khom a hong irsôntir tira kum sômthum a hong kêi le chu a nuamdân tak Pathian Thurchi Sa inpuang suak hrangin a hong irsiam tak a ni. Khan Pathian Thu hril hrang a fe hrangin rual tam tak a siam ngaia Galili dîl tiang hin an fe taka kha dîl a khan nga cheltuhai tam tak nga vôrin an oma kha khan Jisua hmelhriattu khom tam tak an om a ni.

2. Petera leh Andria a koihai:- Khan Jisua hi kha nga mantuhai laia hin Thurchi Sa an puang taka Petera sangpa Andria hin chu Jisua thu hril kha asan arngai nuam tak taka, Petera le Andria hi unâi an nia; an ruai hin nga mantu an ni. Jisua khan Petera hi chu a len hriat ngaia Petera irkuang a khom hin a lei chuang tak a ni.

Kha ang khan Jisua kha dîl panga fein Pathian Thu insîra a fe mai kha Petera le Andria khan an lei hmua; khan chu ngamantuhai khan Jisua thunsîr so ei irngâi hrang mani an tia, khan chu Jisua khomin a va nâihaia a chongpuihaia, khan chu Jisuan

a hril tak a ni. Ni nâi kha milian la ni a ta anchung taka Pathian Naipa la ti an ti tiin vântirtôn khan a hril tak a ni. Kha ang khan vântirtôn khan naisên zuang suak hrang kha fel takin a hril tak sika khan Mari nâi vong hrang kha Pathian ata nâi a pêkin a om hrang a ni ti kha an lei inhriat chian tak a ni.

3. Mari a lôm :- Khan chu mi irthiang tak Mari kha a lungrîl a buai tak taka Pathian'n itin mo keima chung khera hi anga rammuala mihriamhai saninzôktu hrangin le keima Jisua nu ni hrangin a ni iti hi te tiin lom khom a lôma a milung khom a buai a ni. Khan chu vântirtôn ihril ang khan Pathian Irthairthiang Mari chung a zuang tung hrang hril ang khan Mari khomin Pathian kuang khan "*Irngâi ta Rengpa ni suaknu ki nia nir cham angin ki chung a tung rise*" tiin a hril tak a ni. Khanchu vântirtôn khan a rotsan taka a rotsan zoiin chu Mari chu arkhêl tak tak tiin a tôi rak taka napa neiin rammuala mihai a changpuihai hrang thu ngaitua vêlin a lômna kha arsâng pe nôk uala Mari khan "*Ki lungrîlin Rengpa a choiindôma kirtha khom a ni saninzôktu Pathian chung a khan a râi afân tak taka*" tiin hla a phua tak a ni. Khanchu Mari kha a lôm hrai sikin a inmihai hril hrang kha a nuam tak taka, ram hla taka om a zuarpuinu Elizabeti kha hrilin a fe tak a ni,

Changvông: Lk. 1 : 46 - 47

"Khanchu Mari'n ki lungrîlin Rengpa a chôindôma, kirtha khom a ni saninhringtu Pathian chung a raiinfân tak tak a ni.

Irdonna:-

1. Mari omna kua kha imo arhming ?
2. Mari kuanga vântirtôn inlar kha imo arhming ?
3. Mari kuanga khan i ang thil mo zuang tuang hrang a ni tiin vântirtônin a hril kha ?
4. Mari kha tu dongma hranga lei hual mo a ni kha ?

SEN THUMNA RENG JISUA THURCHI

IRCHULAI - 12

JISUA RAMMUAL SAN INZOKTU SUAK THU

A thutum :- *Pathianin eini misualhai saninzôktu hranga Jisua a ni pêk.*

Tep hrang :- *(Lk. 2:1-7; Joh. 1 : 29; Mat. 1 :18-25)*

THUMAHRUAI

Avuan sun a ei insir hrang chu Jisua Ktista eini ta hranga rammuala a zuang suak thu ei hril hrang a ni. Khan Jisua krista suak nikhua hi mi tam takin a suakni sîn tiin Christmas hi raifân le hlim lôm takin ei hmang ngaia; hruaithe tam tak le rammuala neinun puan-dear sa tak takhai ei irchôk nga a ni. Kha ang khan Jisua Krista hi intak takin rammuala keima le nangni ta hrangin a suaka thina inthang takin a thi tihai khom ei inhriat a khan a thurchi hi fel uala ei inhriat theina hrangin a bul reng ata toi sarin hi ang hin hril inlang ei ti.-

1. Bethlehem-ah an fe :- Khan kha lai khan Rom rêng Kaisara Augastan Rom ram sôrkâr optu a nia; mitinhai kha irhming irziak hrangin a ram a khan thu a pêka hi hih Suria rama Kurinia ram sûnga irteppui masa tak khom a ni. Kha ang khan kha laia irteppna kha atûn laia eini Election vote ei irhming omna taka ei ithak ang kha a ni, Kha ang denin Josefa khom Davida insûngkua le irchi mi a ni sikin, a dongma nai nei hrang chum tem tem le khan Galili ram Nazeret khua ata Juda ram panin Davida suakna Bethlehem khua irhming irziak hrangin an fe tak a ni.

2. Jisua suak thu:- Khan Josefa le Mari inrâi nâinei chum tem tem-ah om kha Nazareth khua ata Bethlehem an tung taka; kha khan mikhua zêkna an va lûtin chu khual mi an tam tak sikin in-

puanin a tuam taka khualbûka an inleng ta no sikin sabupêkna khênga an in zâl tak a ni. Khan Juda dân angin naite kha sîn riat a hong ni tena chu apa Josefa khan arhming Jisua tiin a hong phua tâk a ni.

3. Belrapuhai le vântirtônhai:- Khan chu Jisua a suak lai tak a khan Belrapuhai kha kha khua vêla khan an belrahai en suiin an om a ni. Khan belra an en lâi takin Rengpa itîr vântirtôn an chung a zuang inlara belrapuhai kha an chi tak taka vântirtôn khan “*Chi no unglân irngai roi mitin ta hranga Thurchi Sa raifân om tak nangni ki zuang intungpe keng*” tiin a hrilhai a ni.

Avûan a hin nin ta hrangin Davida khua saninhringtu a suak ta Reng Krista chu khan hi hih nin ta hranga irsinsiana hrang chu a ni, tiin a hrilhai tak a ni. Khan kha thu kha a hril zoiin chu irvân reng ata irvân mipuihai an zuang om mur taka Pathian an inpâka, “*An chung taka Pathian roinpui takin omsianlân irnênga a lômhai kuanga irngei lêng rise*” tiin a khêk tak a ni. Khanchu vântirtônhaiin an rot san le chu Belrapuhai kha Jisua chubai mûkna hrangin Bethlehem tiang panin chubai mûk hrangin an fe tak a ni.

Changvông: Lk. 2 : 11

“A vuan hin nin ta hrangin Davida khua saninhringtu a suak ta, Reng Krista chu.

Irdonna:-

1. Jisua pa irhming kha imani ?
2. Jisua nu irhming kha imani ?
3. Jisua suak lâia Rom reng kha imo arhming ?
4. Jisua a suaklâi khan vântirtôn kha tuhai kûang mo an inlâr kha ?

IRCHULAI - 15

JISUA ROIINPUI TAKA JERUSALEM A LÛT

A thutum :- *Jisua ei chôiindôm hrang a ni.*

Tep hrang :- *(Zak. 9 : 9 Mat. 21:1-9; Mk. 11 : 1-10; Lk. 19 : 28-40).*

THUMAHRUAI

Avuan a ei insir hrang chu Jisua roiinpui taka Jerusalem a lûtna thu a nia; Jisua Jerusalem-a hong lût ni khom khan irngaiin tôm takin sakuartungte chung a chuangin a hong lûta kha ang khan Jisua khom hi irngaiintôm mi a ni ti ei inhriat thei a nia kha a lût ni sùn kha ei ni khomin a tûn ten hin ei la hmang maia kum tina hin Plam Sunday tiin hini hin mi tam takin sùl hnahai le tûmhnahai choiin zinga hin khua sùng le mualhaia an chai ngai a ni. Khasikin, hi thurchi fel uala ei inhriat theina hrangin a bul reng ata toi sarin hi ang hin hril inlang ei ti.-

1. Jerusalem-ah Kût an hmangna:- Khan Juda-haiin Ferkan Kût an ti hi kum tinin roiinpui takin Jerusalem khan an hmang ngaia, kha kût hmang hrang a khan mipui tam tak Jerusalem khan an hong irbûk khôm ngai a ni. Khan sunkhat chu Jisua khom Ferkan kût hmang hrangin Jerusalem a khan a fea; archutirhai khom a hruaihaia kha khan asân an hlim tak tak ngai a ni. Asan chu kha kût an i hmangna san tak le an roiinpuitirna tak khom chu Pathian sala an intangna sùk nôk ni a ni sikin kha kût kha Israel nam mitinhaiin an irngai sânga le roiinpui takin an hmang ngai a ni.

2. Olive tânga an tung:- Khan an fena lampui a khan Olive tâng an iti kha a oma kha tâng kha an tung taka, kha tanga ta kha Jerusalem khua kha a nâi taka râl ata kha an hmu thei tak a ni. Khan chu Jisuan archutirhai inhnihai kha a tîrhai taka nin maton khua a son va fe unglân sakuartungte a te le irkhit hmu zôi nin ta kha kha sût unglân hong kai roi mi tu khomin itho sika nin ikai mo an tia nangni an irdonin *“Rengpa'n a inuam keng ti roi”* tiin an hrilhai tak a ni.

Khan chu Jisua ihrilhai angin archutirhai kha sakuartungte

3. Jakoba le Johanahai khom a koi:- Khanchu Petera le Andria hin an nga chelpui laia hin mi fel tak rual an neia an irhming chu Jakoba le Johonahai hi an ni. Khan hi Jakoba le Johana-hai khom hin Jisua thunsîr kha an inhriat nuam taka khan chu Jisua le Andria hi Galili dil tiang hin a va fe nôka kha dil kola khan Jakoba le Johanahai kha an va hmuhai nôka an lenchethai an pho lai takin Jisua le Petera urêngpa Andria-hai kha an hmun chu asan an rai a fân tak tak taka Jisua kha an lei chongpui taka Jisuan an ni khom kha *“ni zui sa roi tiin a hrilhaia”* khanchu an pa Zebedeia le an nga manna lênhai mâksanin Jisua kha an zui zel tak a ni.

4. Jisuan rual a siam:- Jisua'n hin rual satak tak mi minli a siam taka ama le irhloppui le changpuitu satak an ni sikin, asan Jisua kha a lôm tak a ni. Jisuan ruala a isiamhai kha mivâr mi thiam le mi irchong khom ni maihai a nia; Kha ang khan Jisua hin mi chuknohai le mi pa paihai hi rualin a siam nuam a ni. Khasikin, eini naipanghai hi uliânhai nekin Jisuan rualin a ni siam nuam ual ngai a ni. Jisuan chu mi fel le mi dikhai hi asan arpôlpui nuamhai ngaia ama ang om hrangin a siamhai a ni.

Changvông: Luka. 5:11

“An irkuanghai muanga an hong kaisua thil tinreng mâk zitin Jisua an zui taka.

Irdonna:-

1. Jisua kho dila mo a fe kha ?
2. Jisuan dil kola rual hranga a isiam masahai kha tuhai man nih ?
3. Jisuan inhnung a khan tuhai mo rualin a siamhai nôk kha ?
4. Jisuan rual hranga a isiamhai kha isin tho ngai mo an ni ?
5. Jisua kha ianga mihai mo rualin a siam nuam kha ?

IRCHULAI - 14

JISUA HMEL DANGLAMNA

A thutum :- *Jisuan chu Pathian Naipa lungthung tak a ni.*

Tep hrang :- (Mk. 9 : 2-8; Mat. 17:1-8; Lk. 9 :28, 36).

THUMAHRUAI

Avuan a ei insir hrang chu sôm zing irkhêl tak kara thil tung ei irchu hrang a nia; kha ang khan eini mihriamhai rammuala sualna tam tak a oma rammual hi a sip taka khan chu Pathianin a naipa hi rammual a mihriamhai sual irsunfâi hrangin a zuangtîr tak a ni. Khasikin, hi thurchi fel uala ei inhriat theina hrangin a bul reng ata toi sarin hi ang hin hril inlang ei ti.-

1. Jisua le a irchutirhai tâng-ah an fe:- Khan Jisua le a irchutirhai chu hmun tam taka an irfang thiaia Thurchi Sa hril i'rchutirhai kha thu tam tak an hrilhaia a thi hnunga a sintho ang ngêt sin mai hrangin a hrilhaia a ni. Khan Jisua khan archutirhai laia mi inthum a kôihai Petera, Jakoba, le Johana-hai hih tâng irsâng taka fe hrangin a kôihai; khan chu an nih kha an rual danghai mâksanin tanga an fe tak a ni.

2. Jisua hmel indanglam:- Khan chu Jisua le archutirhai kha tâng irsang taka an fea an chongchai taka an chongchai lai takin Jisua chu a hmel a hong danglam takain a vârin a hong tuam taka a an mit khom en thei loi rakin a hong irtêk tak a ni. Khanchu, Jisua chu irvâna Pathian irvo angin vârin le chêk a irvoin a horvo taka, archutirhai laia mi inthumhai khan asân arkhêl an ti tak tak ta a ni.

3. Mosia le Elija khom an om sa:- Jisua kha hmel danglam a om lâi tak a khan a kôla kha mi roinpui takhai Mosia le Elija kha ngira chongin an hmuhai, khahai kha an hmun chu Petera le a rualhai kha asân arkhel tak a ni taka, ite hril hrang khom inhre ta loiin an dâi hrek tak a ni. Khan inhnung tian chu Petera khan Jisua

4. Sûma irthokin irhâi:- Khan Petera chu a chong lai takin irnin-gloiin sôm vârin tak chu a zuang zîng tâka Jisua le midang inhnihai Mosia le Elija le Petera le a hnungzuituhai kha an chi tak taka khan chu hnuk irhai irvân ata “*Hi hih ki nâi lungthung tak a ni...ama thu irngai roi*” kha khah a zuang ngêt an tia kha hnuk irhai kha Pathian hnuk a ni Jisua kha Pathian Naipa dik tak a ti inhriatna a ni. Kha anga hnuk irhai inhriattuhai Petera le a rualhai khan an zong vêl taka khan chu sôm khom a hong irkiang nôka Jisua ti no chu tu khom hmu ta mahaia, a hnungzuituhai kha arkhel an ti tak taka khan chu Jisua le a hnung zuituhai kha tang ata kha an chum nôk tak a ni. Khan chu Jisua hi Pathian Naipa a ni ti an inhriat tak sikin, an lôm tak taka an thil hmuhai kha an lungrîlin an sia mai tak a ni.

Changvông: Mat. 17 : 5

“A la chong lâi takin sôm vârin takin an ni chu arhlikhuhai, su ata hnuk irhai, “Hi hih ki Naipa lungthung tak tak, ki ilôm tak tak chu a ni ! Ama thu irngai roi” a tia.

Irdonna:-

1. Jisua khan a rualhai kha khon mo a hruaihai ?
2. Jisua'n tâng a khan tu tu mo a ihruaihai ?
3. Tang a khan Jisua kha itin mo a om ?
4. Tuhai mo Jisua kola lei omhai kha ?
5. Pathianin itin mo a zûang ti kha ?

IRCHULAI - 17

JISUA THINA HNEA THOINÔKNA

A thutum :- *Thinân Jisua ngam mak.*

Tep hrang :- *(Mat. 28:1-10; Mk. 16 : 1-13; Lk. 24:1-12; Joh. 20:1-18).*

THUMAHRUAI

Avuan a ei insir hrang chu Mithi hnunga thoinôk ti thu ei irngai hrang a ni. Khan a rammual a hin a thi hnunga a tak taka thoi nôk hi om ngai mahaia; khannisian ei Rengpa Jisua Krista chu thi hnungin a thoi nôk ti ei Bible-ah ei hmu a ni. Khasikin, Ama chu rammual soal tinrêng phura a thi a ni sikin ama soalna nei viat loa ti a nia; khasikin thina tinrêng hai hnein a than ata a thoi nôk a ni. Khasikin, hi thurchi hih fel uala ei inhriat theina hrangin a toi sarin hi ang hin hril inlang ei ti.-

1. Jisua thana an phum:- Jisua Krista hi rammual soal tinrêng pelin misualhaiin Kross a an hemde taka mipui tam takin innuisan le chilthuanin an that tak a ni. Khan Jisua chu beidong om takin misualhaiin chohnung tiang chu Kross-ah intak tak tuangin eini misualhai ta hrangin thatin a om tak a ni. A rual le a hnungzuitu tam takhai khan an lungthung tak taka khannisian ite san inzôk thei mahaia; a dûk tuang kha senkhathaiin chu en ngam mahaia an rot sana senkhathaiin chu hmun hla taka ta an hong thira Jisua lungthungtu-haiin chu beidong tuangpuiin an chap ngui ngui a ni.

Kha lâi khan Arimathai khua mi irchong lian tak inkhan Josefa an iti hi a oma; Jisua Kross a an hemde a ruak kha Kross ata a kai thâka ama hi mifel tak a nia Jisua kha asân an ren tak tak a ni. Khan chu Jisua ruak hrang pialin than thar bîk a siampea kha khan a ruak kha a sia taka tianlai a khan chu thân hi khur choi ngai mahaia; lung lian tak tak kha pûk angin an invêr ngaia; kha ang khan Jisua khom khan an phum a ni. Jisua than kharna hrang khom kha lung lian phêk le ang khan an sîng taka; Jisua ruak chu hi ang hin a n phum tak a ni.

2. Jisua rualhaiin than rong an hmu:- Khan chu Jisua'n lualhai tam tak kha asân an bei a donga an hruaitu pa tak Kross a an hemde sikin, an ni khan Jisua ruak kha thana an phum sik a kha chelin kin om rôiin te tiin chi khom an chi tak tak a ni. Khan chu

ang takin an sâm taka khan chu mi danghai khan an phalhai tak a ni. Khanchu sakuartungte kha Jisua kuang an hong tungpui taka Jisua chu kha sakuartungte chung a khan a chuang taka, a kôla khan mipui tam takhaiin an zui sup sup tak a ni.

3. Jisua Jerusalem a lût thu:- Khan chu Jisua hi Palm sunday ei ti ni hin sakuartungte chung a chung a Jerusalem a a lût a ni. Itho sik taka mo sakuartungte chung khera a ichuang ei tin chu sakuartung hi sa laia khom irhnuai tak le phûk dâi tak a ni sikin Jisua khom irngaiintôm hmangin hi sa ngeia hin a Jerusalem a lût a ni. Khasikin hi anga irngaiintôm hmanga hin Jerusalem a lût a hin mipui tam takin an zuia hi Jisua inlal taka Jerusalem a lût ni hi ei nihai khomin atûn ten hin Palm sunday tiin kum tin ei hmang ngaia rammual pumpuiin mi tam takin hi ni hin Tûm hnahai le hna dang danghai an kuta intuin khosunghai le hmun dang danga a chaia “*Hosana Rengpa irhminga zuangtuhai chu inpâkin om ri se, ram zuang tung hrang ei pa Davida ram chu inpâkin om rise Anchung taka khin Hosana tiin an khek*” tiin an khêka an chai ngai a ni.

Kha ang khan Jisua Jerusalem a lût ni a hin mipui tam takin an zuia kha a zuituhai khan senkhatin chu lampui a khan Jisua fena hrang khan mi irchonghaiin an puanhai an dâpa senkhat inrianghai khan chu sulhna hai an dâpa Jisua hongna hrang khan mipui tam takin an lei ilôm le an lei roiinruitir tak tak ta a ni. Khan chu Jisua kha Biak ina a lût taka mipui tam takhai khomin an zui maia, kha ang denin eini khom Pathian biak bûk ei lût a hin satak le mahrip om takin ei oma Pathian inpâk le chôiirsângin ei iom hrang a ni.

Changvông: Inpakna Hla. 95 : 1

“O hong roi, Rengpa choiindômin raifân takin zâi ei ti, ei saninhringna lungpui chu choiindômin raifân takin khêk ei tî”

Ir donna:-

1. Judahai an Kût roiinruitir tak kha imo arhming kha ?
2. Kho hmuna mo an hmang ngai ?
3. Jisua irchutirtu inhnihai kha Jisuan imo va lâk hrangin a tîrhai kha ?
4. I hrangin mo Jisua khan sakuartungte kha a hmang ?
5. Sakuartung te kha imo a entîr ?
6. Jisua kha Jerusalem a fea a mân tianga le a hnung tianga mipui fehahai khan itin mo an lom ? imo a lei dâp kha lampui

IRCHULAI - 16

JISUA HEMDEA A OMNA LE THINA

A thutum :- *Jisua tuangna inhriattuhai.*

Tep hrang :- *(Mat. 26 : 47-56; 15 - 25).*

THUMAHRUAI

Avuan a ei irchu hrang chu Jisua hembé (*Martyr*) a thi hrang thu a ni. Khan Jisua Krista hi rammuala a zuanga a thi nôk ti hi vai tam tak ei lei inhriat taka khan khom nisian eini ringtu Kristianhaiin, chu sa tak taka inhriat infel hi a poimo tak taka asan chu eini rammuala mipui tam tak soal sika ninzoktu ama a ite soalna boia eini thi hrang tâkhai nin zôktu a ni sikin, a thu hi fel tak leh chipchiar taka inhriat hi ei tum seng hrang a ni. Khasikin, hi thurchi hih fel uala ei inhriat theina hrangi hi ang hin hril inlang ei ti.-

1. Jisua hemde hranga an rêl:- Khan chu Jisua kha tha ta Kros a hemde hrangin thupêk an insua taka, Jisua kha a bei a dong tak taka archutirhai laia mi inthum a hruaihaia Gethsemani irhuan a khan chongchai hrangin a hruaihai tak a ni. Jisua kha asân a milung an dûkpea voi thum Gethsemani irhuan a khan a va chongchai zoiin chu Jisua kha misualhai khan chel hrangin an hong taka. Khan chu Jisua kha an chela an chel a khom khan Jisua khan ite doihai hrang tum viat maka Jisua khan a cheltu honghai kuang a khan khandai le hemvuakhai choi le hratlâk songin ni chel hrangin nin ihongna a ti pehaia Tempilhaia a ni tin irchutirhai le kin om ngaia a nia chu ni chel ual mak cheia, a tiin a lei hrilhai a ni. Jisua chel hranga hongtuhai kha archutir laia mi inkhat Juda Iskariat an ti le Juda thiampuhai an ni. Annihai hin roirêltuhai le thiampuhai kuanga an hruaia zân sôtin hi tiang so tiang an hruai taka Jisua kha deng an intheitira, Jisua kha milak an in changa khannisian Jisua khan ite samhai mak a ni. Khan an thiampu inlal tak khan itho mo ni idâi hrek an ti pea, hihai nang ihmolna hi isik a mo tiro tiin an irdona khannisian Jisua khan bâi khat khom sâmhâi viat mak a ni.

Khan kha zoi a chu Rom sorkâr hruaitu lian tak Governor Pilata an iti kuang a khan an hruai taka mipui tam takhai khomin an zui súp supâ, Jisua chu misual a ni an tiin an khêka, Pilata khan

kha ardonhai taka mipuihai khan “*Kross a hemde ro*” tiin an khêka itho sika mo le imo a tho’n soal a ti khomin mipuiin “*Kross a hemde ro*” tiin an khek nôk ual a ni. Khanchu Pilata’n ite tita loiin Jisua kha Kross a hemde hrangin mipuihai kuang a khan a pêkhai tak a ni.

2. Kross a Jisua an hemde:- Khan Pilatan hemde hrangin thu an pêk zoiin chu Jisua kha rêng ina an hruai taka, a puan silhai an khekpaibe zit puan senduk insiltirin le hling lukhum thira siam kha an inkhumtira; ehrôna takin an siama Jisua kha zân khovârin erôhna in an hmanga arzal tak taka zing khua a hong vâv le chu hemde hrangin an hruai taka an hemdena hrang Kross rik tak chu irputtirin Kalvari tang tiang an hruaia a Koss rik kha an hne zoino sikin arsanpui hrangin Simona kha Jisua Kross irputpui hrangin an koisa a ni. Khan chu Jisua Kross irput kha an irputtira Golgotha (Luruhmun) an tina hmun a khan Jisua kha Kross a an hemde tak a ni. A lu chung a khan hi mi hi Jisua Judahai lal Rêng a ni tiin an târlang a ni.

3. Jisua a thi:- Khan chu Jisua chu Kross a khan chohnung tianga hemdea hrang ti a nia; khan chu sun lâi taka khan rammual ka a zing in a hong thup khak taka chohnung denin a zing khak taka; khan Jisua chu irhai inring takin a khek taka “*Ki Pathian itho sika mo ni nih mâk san tiin*” a khek taka khan mi tam takin an innui sana senkhatin chu rammual a zîng dân kha an char a dong a ni. Khan sotnote zoia chu Jisua kha a khek noka a hrang a hong chat tak a ni. Khanchu kholoi a hong ni inchu hningnu a hong thoa Biak ina puan zarhai a hong changa puan kha hnuai dên rakin a têt tak a ni. Khasikin hi ni sùn hi einihai ta hranga sùn roiinpui tak le sun poimo tak a ni sikin kumtin hin Good Friday tiin sun hi roiinpui tak le hun sêr takin ei hmang ngai a ni.

Changvông: (Isaia. 53 : 5) “*Khasikin aman kin sin insiathai sikin, sabe a tuanga, ei soalna sikin soisak a ni irngeina ei nei theina hranga hremna tong a ni a vîk tuangna chu ei damna hranga a lei ni*”

Irdonna:-

1. Jisua chongchaina hmun kha imo arhming ?
2. Jisua cheltuhai kha tuhai mo an nih ?
3. Pilata’n Jisua kha itina tho hrangin mo thu a pêk ?
4. Mipuihai kha ianga lo hrangin mo Jisua kha an nuam kha leh itin mo tho roi tiin an khêk?
5. Jisua kha idôr vela mo an hemde kha ?

IRCHULAI - 19

RENG JISUA DAMNOHAI RUAL

A thutum :- *Jisua chu damnohai hrang khomin rual a ni.*

Tep hrang :- *(Lk. 7 :36 - 50).*

THUMAHRUAI

Avuan a ei hril hrang chu Jisua damnohai ta hranga damna pêktu a ni zia le damnohai ta hranga Doctor a chagpehai thu ei irngai hrang a ni. Jisua Krista hi atun lai rammuala Doctor-haiin damnohai hloi an pêka an indam angin Jisua Krista hin chu hloihai ite khom hmang loiin a bân ngota samin mi tam tak damna a pêk ngai a ni. Khasikin mi tam takin arkhêl an tia a sintho theizia kha damna an zong ngai a ni. Khasikin, hi thurchi hih fel uala ei inhriat theina hrangin a bul reng ata toi sarin hi ang hin hril inlang ei ti.-

1. Kapernaum-ah domnohai an dam:- Jisua chu Kapernaum khua a khan a fe mai ngaia kha taka mihai khom khan Jisua kha an irngaisâng tak taka a thu hril-hai ringot khom khan damnohai damna an changtira asan an irngai ngai a ni. Khan Jisua kha damnohai indamtu a ni sikin damno tam takhai khom a kuanga an hong hruai ngaia damna an hong nei ngai a ni. Kha ang khan Jisua kha hmun dang danga arfangna a khom khan mipui tam takin Jisua tuhрил kha irngai nuamin an hong pan sup sup ngai a ni.

Khan chu mitam tak an hong irbûk khom tena chu Jisuan mipuihai chu archuhai taka mipui kha an tam hrai sikin, insûnga inleng ta mahaia pentiang a mikot kola khom hin an toi sup sup tak a ni. Jisua thunsîr kha a hoi an ti tak taka, Pathianin mi inrianghai lung an khamziahai le damnohai a ngaitualamhai le mi murdi a rual a a siamnahai thu kha a hrilhai ngai a ni.

2. Damnohai rual:-Khan Jisuan damnohai indamtu ti thu an sirlai takin celing chung ata zalhmun Jisua hmai a khan a zuang insum taka kha zalhmun a khan mi inkhat zeng inthi damno a kut a ke ite inchgang thei loi mi ang kha a zala khan chu Jisuan damno chu a en chiana chungtiang a enin chu a rual minlihai khan damloitu

3. Jisua thân ata a thoi:- Khan chu Mari Makdilini khan a van hrilhai taka than tiang an hong a chi le inthing pumin than sùng kha an enin chu vântirtôn vâr tak hi a lei oma; an chi tak takia; vântirtôn khan chi no roi Jisua Nazaret mi kha nin izong ni a ti dua hin om ta mah than ata a thoi ta en roi a zâlna khom hi a rong ta tin a hrilhaia, khan irhnot takin than ata kha an rot nôk taka Petera le Johonahai kha an hong tung nôk taka irchutir tam takhai kha hril hrangin an tirhai nôk tak a ni.

4. Mari Magdalini kuanga an lar masa tak:- Khan Mari Magdalina khan Jisua ruak kha an inrûk mani tiin an insapa than kola khan chap pumin a om maia kha lâi tak khan Jisua chu a hnung tiang a hong a ama khan Jisua a ni ti inhre maka khannisian Jisuan nupang itho mo ni ichap ? tu mo ni izong ? tiin ardona khan Mari Makdalina khan Jisua sôn maka irhuan enkoltu ni a ti tiin a iama; Jisua khan Mari tiin a hong koia khanchu a hong enin chu Jisua a ni ti a hon hriat taka Hebrai chongin “Rabboni” a ti taka kha Rabboni ti chu irchutirtu tina a nia; Khan Mari khan Jisua khan Pathianin than ata a kaithoi nôk ta tiin an hriatin chu a lôm tak tak a ni. Khan chu midanghai khom inhrial hrang kha an nghak hmo taka Pathian chu itinreng tho thei a nih Jisua khom thi a ta a kai thoi ta a tia; artha khom arngam tak tak a ni.

Changvông:- *(Mat. 28 : 5 -6).*

Jisua an hemde kha nin zong ti kin hriat e, hi hin om ta mah,a hril ang takin a thoi ta a ni.

Irdonna:

1. Kross ata Jisua ruak lâktu kha tu mani ?
2. Jisua an phumna than kha iangin mo an siam kha ?
3. Tuhai mo Jisua than en hranga a fehai kha ?
4. Than sùng a khan tumo an va hmu kha ?
5. Jisua kha tu kuang mo an lar masa tak kha ?

IRCHULAI - 18

RENG JISUA MISUALHAI RUAL

A thutum :- *Jisua chu misualhai hrang khomin rual satak a ni.*

Tep hrang :-*(Lk. 7 :36 - 50).*

THUMAHRUAI

Avuan a ei insir hrang chu mitinhai rual changtheitu thurchi ei insir hrang a nia; khasikin Jisua Krista chu mi theibik nei ngai loitu a nia mi tu khom inriang le irchong khom enbik nei ngai loi a ni. Eini khom Pathian taka ei hringnun ei hmangin chu Jisua le rual eini thei hrang a nia kha ang denin Zakaia khom kha ama nuam dân le ama indit dân a tho sung kha rual nei thei loi a a nia khannisian, Jisua Krista kha rualin a siam tena chu thil soal le ama nuam dân reng reng ngaitua loiin a om tak a ni. Hi thupui a hin irchu hrang poimo tak tak a oma, khasikin, ngûk takin lei irngai roi dua.

1. Jisua bu nêk hrangin a koi :- Khan Jisua hi bu nêk hrangin Farsai mi Semonan an iti hin a koia Jisua hi irchutirtu lian le inthang tak a ni ti an hriatin a koi a ni. Khan Simona in a khan a va tungin chu Jisua kha toihmunhoi tak takhai chu a leisiampea khannisian, midanghai khomin irchutirtu a ni an tia an lei loma a ke kut an lei sôppe ngai ang khan chu ite sôp pe viat maka lei lôm bâk loiin a om a ni. A ke kut pol hrang khom sahriak khom pe mak a ni. Midang tam takinin chu milian irchutu a ni tiin a ke sopna hrang tui le sahriak mirimhoihai an le dôn ngai a ni, Khannisian Simon chu hi ang hin tho maka, ani a chu Jisua khan hnol ual maka khan chu bu an nêktir taka Jisua kha bu nêkpumin Pathian Thu a hril mai taka khan chu bu a nekputuhai khan ngûk takin an irngai tak a ni.

2. Nupang inkhat Jisua kuang a hong:- Khan Jisua kha Pathian Thu a hril lâi takin nupang inkhat a hong a Jisua kuang a khan Jisua ke bula khan a kuna sahriak mirim hoi man tam taka kha a hong choia; Jisua ke kha a pol taka; nupang kha milung dûk le chap ngoi ngoiin a mit irthi kha Jisua ke a khan a zung taka; a sam le

hi fel loi tak tak khom ni a ti mi tam tak khomin an inhriata, Simona khomin a lungrilin Jisua hi deipu a nin te a tontu nupang hi iang mi mo a ni ti khom inhria om tak a ni tiin a lungrilin an sapa asan chu kha nupang kha mi pualoi a ni sikin Simona khom khan a lei ti a ni.

3. Rual thara a siam:- Khan Simona lungril ngaituana chu Jisuan an hriat pea; kha nupangnu kha nun dân thara an nun theina hranga changpui a nang ti khom an hriata; midanghaiin nupang soal angin irngaihai khom sian, lungkhamna lungril chu a nei tin Jisuan arngaitua, khan chu Simona kuang a khan Jisuan hi nupangnu hi ni hmu moh ? ni in ki hongni khan nangman chu ki ke sôpna hrang khom tui ni pê mak chea khannisian hi nupangnu hin chu a mitirthiin ki ke an duia ama ngetin a sêm inhula nang nin chu ki ke tum mak cheia khannisian nupangnu hin chu a ni hmu phut a irthokin ki ke khom a tum a ni tiin a hril a ni. Khasikin hi nupangnu hi n lungthungna lian tak a nei ti anlangtir sikin a soalna murdi khom ngaidam a ni ta ti inlang infel a ni. Khan chu Jisua khan a en chiana ni soalhai ngaidam a ni ta a ti pea khanu khom khan asan a loma arkhel tak tak a ti tak a ni. Khan chu Jisuan ni iamna sikin zôkin ni om taka irtharngam tin fe ro tiin a hril tak a ni.

Khasikin, Jisua iamtuhaiin chu rual satak an nei ngaia rual satak an hong siam suak ngai a ni ti an hriata nupangnu khomin matona rual a lei nei ngai loi kha Jisua kha rual satak in a siam tena chu rual tam tak a hong nei tak a ni.

Changvong:- (Joh. 15 : 14).

“Thu nangni ki ipêk hi nin zômin chu ki rualhai ni nin ti”

Irdonna:

1. Tun mo Jisua kha bu nêk hrangin a ina a koi ?
2. Simona khan Jisua kha sahriak mo a pol ?
3. Tu mo Jisua kê sahriak poltu kha ?
4. Nupangnu kha iang mi mo a ni ?
5. Jisuan nupangnu kha itin mo a hril ?

IRCHULAI - 21

RENG JISUA BEIDONGHAI RUAL

A thutum :- *Jisua chu beidonghai rual sa tak a ni.*

Tep hrang :- *(Luk. 7 : 11 - 15).*

THUMAHRUAI

Avuan a ei insir hrang chu Jisua beidonghai rual a ni zia ei hril hrang a ni. Jisua hi mitin ta hranga Reng khom a nia bâka mitin ta hranga lungngam saktu le beidonghai irtharngmana sa ni. Khasikin, rammual a hin beidongna tam tak mehriamhai hin ei nei ngaia khan nisian ei beidongna hi Pathian kuang a hin ei intung inchu Aman irtharngamna sa tak a ni pêk ngaia rulsak tak khomin a ni siam ngai a ni. Khasikin, hi thupui a hin irchu hrang poimo tak tak a oma, khasikin, ngûk takin lei irngai ei ti-

1. Jisua Nain khua a fe:- Khan Jisua le archutirhai kha Kaper-naum khua ata Nain khua khan an fe taka kha Nain khua kha tang irsâng taka om a nia; khan kha khua an tung mân viata kho lu a khan bang a irkul thân a oma; kha than a khan mi thihai an iphum ngai a ni. Kha Nain khua kha an va tung hrang tôn chu an fena hrang tianga lampui a khan mipui irhai an inhriat taka an irhai kha a dang dangin senkhat chu beidonga chap irhai khomin an inhriata khan kha chap irhai kha an inhriatin chu thân mual tianga an hong angin an inhriat taka khan chu sôt no te sângin chu mithi kha mipui tam takin a hong choi tak a ni.

Khan kha mithi kha mipui tam takin an hong choia senkhathaiin an chapa senkhathaiin theihlehai mûtiin an hong súp súp taka khan mipui kâra khan nupang inkhat beidong le lungdûk tuanga chapin a omsa-ah kha nu khan nâi inkhat vai a neia a nai kha a thi pe sik a khan a milung dûk takiin a chapa a nâi lungthung tak thoibop a thi a ni sikin, mipuihai khomin a beidongna kha an tuarpui tak a ni.

2. Jisua mi lungdûk / beidonghai a lungkham:- Jisua'n mi murdi lungdûk an hriat a a changpui ngai angin kha Meithainu

hriatin Jisua zeng thi kha a ena a hmun chu lung inkham tak taka, hi anga damno hi an dam sua ngai ta mahai ti kha an hriata; a lungkham hrai sikin, Jisuan “ Thoi inlan ni puantha choiinlan ni ina fe ta ro” tiin a hrila khanchu damloi chu a hong dam taka mipui tam takin damloi zenginthi kha a hong dam ta e , a kein a fe thei loi kha a fe thei ta tiin an inpuang tak a ni. Khan chu damnotu khan Pathian inpâk pumin intiang an fe tak a ni. Khasikin Jisua le rual nina hin chu damnohai le intakna dengintheina tam tak omhai khom Pathianin masan ngai mak a ni.

Changvông:- (Mk. 1 : 34).

“Jisua'n mi tam tak natna tinrênga damnohai khom kha an damhaia, ram khori ichelhai khom kha an hnot suak a ni”

Irdonna:

1. Jisua fena khua kha imo arhming ?
2. Jisua kha imo a tho ngai ?
3. Damloi kha kho reng ata mo an zûang insum kha ?
4. Jisuan itin mo damloi kha a ti pê kha ?
5. Damno pa kha ianga damno mani kha ?

IRCHULAI - 20

RENG JISUA KHAZANA IRFUANGTU RUAL

A thutum :- *Jisua'n misual le rualneilohai khom a lungthunga ama zui hrangin a nuam a ni.*

Tep hrang :- *(Mt. 9 : 9-13; Mk. 2:13-17; Lk. 5:27-32).*

THUMAHRUAI

Avuan a ei insir hrang chu Jisua chu mitinhai le rual a ni theizia ei insir hrang a ni. Khasikin Jisua chu mi sualhai le mi inrianghai khom lung a thunga rual neilohai khom rualin asam nuamhai a ni. Kha ang khan Pathianin rammual a hin theibik nei loi hrangin a bikin Kristianhai hi a ni iti a ni. Jisua chu mitinhai rual a changpui theia mi sualhai khom an sualna angin phuba a lâk ngai loi a ni. Hi thupui a hin irchu hrang poimo tak tak a oma, khasikin, hi thurchi hih fel tak mi inhriat theina hrangin a sa takin irngai ei ti.

1. Jisua khazana irfuangtu le rual nina:- Khan Jisua zoro lai khan a ram a khan khazana irfuangtu a oma kha mi kha tu khomin an irrualpui nuam ngai loi a nia; khannisian Jisuan chu kha anga mi invai le mi irrualpui nuam loihai kha rualin a isiam nuam a ni. Asan chu kha mi kha khazana irfuangtu a ni sikin mipui khan misual tia irngai a nia tu khomin an irrualpui nuam loi a ni. Kha khazana irfuanghai kha imo an tho ngai ei tin chu mikhual honghai le mi thil zuarhai ata sum an dong / irfuang ngai a ni sikin, senkhat khazana irfuangtuhaiin chu a thil zuar neka tam ualiin sum an lâk ngai sikin, khasik a khan khazana irfuangtuhai reng reng kha suala an insaphai ngai a ni.

2. Jisuan Mathaia a koi:- Khan Jisuan Kapernaum kua Mathaia khazana irfuangtu kha a koia kha kua a khan Jisua irchutirtu laia Petera khom kha a omsa ngai a ni. Kha kua a Mathaia an iti kha khazana irfuangtu a ni sikin mi tu khomin an irrualpui zot loi a nia tu khom rual khom nei maka a rual a nei no sika khan a milung khom asan an dukpe a ni. Mipui tam takhai khom khan an khazana chotumhai kha dai hrekin a kola khan a va siape ngai a ni. Asan chu khazana irfuangtu khan dik loi takin mipuihai kuang a khan sum-puan a lâk irhliak ngai a ni sikin, a lâk irhliakhai khom kha

3. Jisua le a rualhai:- Sûn khat chu Mathaia kha a sinthona ata kha hmuntin renghai kha a hmu theia kha reng ata kha mipui tam tak a fe / honghai tam takhai kha a hmuaia khan chu dilpanga nga cheltuhai kha a en velin ral khat ata kha mipui tam tak kara mi inkhat Pathian Thu hril kha a va hmua khan chu Mathaia khan Jisua ni a ti tin a iam khak taka Jisua chu itinreng tho theitu Mihriam Naipa a ni sikin ki lungdukna khom ama ata irngamin om a ti tin a sabeia, khanchu a va fe taka Jisua thu hril kha asan arngai nuam tak a ni.

Khan nisianlan Mathaia kha Jisuan nir hloppui nuam no ni tiin asan a bei an donga khannisian Jisua le a rualhai khan Mathaia kha an hong pan maia Mathaia khan Jisua chu mifel tak a ni ti an hriat sikin, khannisian Mathaia khan kei chu misual ki ni sikin ni chongpui no ni ti ngaidan a neia; khan chu Jisua kha Mathaia omna a hong tung inchu Jisua kha Mathai ni zui ro tiin a hrila khan chu Mathaia khom khan a khazana irfuanga sum tam tak a idolhai kha mak sanin Jisua kha a zui phut tak a ni.

4. Ruai inthena:- Khan chu Mathaia khan rammuala misualhai khom rualin a siam nuam hi te tiin a lom tak taka ruai a inthe tak a ni. Kha hrui inthena hmun a khan mipui tam tak le Jisua rualhai khom a fialhai sa a ni. Mathaia khan Jisuan hi anga misual thi hranghai tak khom Jisuan rual a isiam thina ata a zok tak sikin Mathaia kha sualna tiang reng reng pan nuam ta maka. Kha reng ata irthokin Jisua le a rualhai khan Pathian Thu hrilin an fe suak tak a ni. Khan Mathaia kha Pathian tianga irlet suakin Thurchi Sa tam tak hril le irziakin a om taka ei Bible a khom hin Mathaia irziak hi a phut taka hmu theiin ei om taka, rual nei loihai rual a ni sikin Jisua kha Mipui tam takin zuiin a thuhai hriliin an om tak a ni.

Changvong:- Luk. 5 : 32

Mifelhai inlam hranga zuang ni ma unga misualhai an irlet theina hranga zuang keng ki ini a tia.

Irdonna:

1. Petera kua kha imo arhming ?
2. Mathaia kha isin tho mo a ini ?
3. Khazana irfuangtu anga mi mo rualin ni nei nuam ?

IRCHULAI - 23

RENG JISUA NAMTINHAI HRANGA RUAL

A thutum :- *Jisua chu nam tinhai hranga rual sa tak a ni.*

Tep hrang :- *(Mk. 7 : 24-30).*

THUMAHRUAI

Hapta masa khan sungkûa-hai hranga rual eiin sîra. A nî tina ei omdân le ei chong hmang dânhai nam tam tak ei oma; kha ang denin ei chong khom a dang vinga a irang thei loi a ni. Avuan chu nam tinhai ta hrang khoma rual a nizia ei irchu hrang a ni. A poimona, a nangna le a rîlpna ei irchu hrang a ni. Nam le zât tin-rêng hai hi Pathian isiam mo a ni ? Nam le zât le chong hmang hai hi Pathian ata suak zit a nia; mani isiamfôm ni ual mak a ni.

1. Jisua kha mipuihaiin an fe san:- Jisua kha Galili rama dil kôla a fe ngai ti kha hapta masahai khan ei lei hril taka; Jisua kha Galili ram a van zin a khan mipui tam takin an zuia senkhatin damna zongin le a thuril irngai nuam ringot khom khan Jisua kha an zui súp súp ngai a ni. Khannisian, Jisua chu a irchutirhai hrang pialin hmun danga fein a chongchai ngaia Pathian kuanga khan an lunginchonghai kha an tung ngai a ni. Khan chu Jisuan Galili ram chu a mâksan taka khua inkhat Phoiniki ram a tuipui ivakam a khan khopuihoi tak Tura an iti a khan a fe taka kha tena khan chu mipuihai khom om bâk ta mahaia asan chu Tura khua kha nam dang le zât le pon dang an ni sik a khan mipuihai kha an itôm tak a ni.

2. Nupangnun Jisua a hong pan:- Khan Tura khua hoi tak an va tungin chu midanghaiin hongpan nohai khom sian, Greek nupangnu khan Jisua kha iang mi mani ti. Khanchu a n hriat ving tak sikin, khasik a khan nupangnu kha a hong a Jisua ke bula khan a van bôk khupa “*Ka pu ki nainu dam loi ramirhli a sînga lûta irkhêl tak tak so nin hnot suak pe ro ba*” tiin Jisua kuang khan a ngên tak a ni.

Khan chu Jisua khan nupangnu ngênna kha ngâisak rak maka, Jisuan nupangnu kuang khan nâihai khop bak risehai naihai

sâm maka meithainu khan Jisua a ni lungkham ti chu an hriata Jisua kha mithi tiang khan a va fea mipuihai khom khan an ngîr chian tak a ni. Khan chu Jisuan mithi kha “Ruatharte tho ro” tiin a sama khan chu mithi kha a hong thoia mipui tam takhaiin thana phum hranga mithi an hong ichoi kha a thoi nôk tak sikin, mipuihai khan arkhêl an ti tak taka mithi kha a hong thoi nôka chong khom a hong chong thei nok sik a khan, a nu beidong ngôl ngôia chap kha a nai inhroi tak thi a thoi nôk pê sikin a lom a raifan hrai sikin hril hrang rêng rêng inhre ta maka a kamang khak taka khan chu Jisuan a nu kha a koia a naipa thia thoinôk kha intianga kîr nôk hrangin a hril sikin a lom tak tak a ni. Kha ang khan Jisuan mitam takhai lundûk beidong tuangtuhai kha a changpuihaia mi tam takin Jisua sinirkhêl tho kha an char a donga an lôm tak taka Pathian inpâk pumin mipuihai kha in tiang an kîr nôk tak a ni.

Khasikin einihai khom hi rammual a ei om sîng a hin beidong lungdûk ei tonglai khomin Pathian kôla chongchaia ei intung inchu Amain itinrêng ei buaina le ei lûngdûknahai a ni inboipe hrang a ni. Jisua hi mi inriang le irsam beidonghai hrang khoma chanpuitu nâi tak le mi changpui tu tak a ni ti hi ei inhriat mai hrang le ei thupui ang taka ei izui hrang tak chu a ni.

Changvong:- Joh. 14 : 1

Nin milung dûk intông no ri se, Pathian nin iam kei khom ni iam sa roi.

Irdônna:

1. Jisua kha Kapernaum khua ata kha kho khua a mo a fe ?
2. Mipuihai khan belem mût pumin imo an horzôn ?
3. Meithainu khan nâi idôr mo a nei ?
4. Jisuan mithi kha itin mo a sâma a mithi kha a thoi kha ?

IRCHULAI - 22

RENG JISUA SÛNGKUA TIN HRANGA RUAL

A thutum :- *Jisua chu insûngkua tinghai ta hranga rual a ni.*

Tep hrang :-*(Lk. 10 : 38-42; Joh. 11 : 5).*

THUMAHRUAI

Chong inkhat nangni irdon ki ti. Avûan zing tu tu moh zîng bu nêk ? Pathian ni zinga hin tu tu mo bu nghei ngai ? Khasikin, Jisua khom hi mitinhai rual le inzôktu a nia chu einihai ei pan nôn chu rual ei ni thei loi hrang a nia; Jisua chu insûngkua ta hrang khomin rual satak a ni. Khaang khan Pathian thu hih insîr ngot khom inlân; chongchai takirtâi zap khom inlân ei mâni nuna Pathian thuôina an lang no'n chu omzia nei tak tak mah. Pathian sinthôna tak chu mâni nuna le insûngkuaa inlang suak ngai hi a ni. Hi chungchâng hi avuan hin ei insîr hrang a ni.

1. Bethani-ah insûngkua:- Khan kha Jerusalem an iti kua roiinpui tak kôla khan kua lian rak loi Bethani kua an iti kha a oma; kha kua a khan Jisua a naipang lai a khan a va lêng ngai a ni. Kha kua a khan thil tinrênghai khom asa-ah Olive, Greps, tam tak a om ngaia; kha kua nget a khan Marthi le a zuarpuinu Mari, an nuchapa Lazara khom an om sa ngai a ni. Kha kua a khan omin Marihai Marthihai kha sinthoin dik tak le fel takin an om ngaia mi tu khomin an an sinthona khan an inbuai ngai maihaia mi thu tak insirhai kha asan arngai nuam ngai a ni.

2. Insûngkua-ah rual:- Marthi kha insungkua a itinrênghai fâk le nêk ngaituatu a ni sik a khan asan a buai ngaia midanghai khom a sanhai ngaia a ni. Kha ang khan Jisua khom kha Jerusalem a fe hrang a nin chu Bethani an iti a khan a lût nget ngaia Marthihai khom hi a ihro mai ngai a ni. Sunkhat chu Jisua kha Jerusalem fe hrangin arsiama; Mari le Marthi ulenâihai khom an ina Jisua hong hro nget hrang a ni ti an iama; khasika khan Mari le Marthihai khan an inhai kha satakin an len fâia toihmunhai khom kha an lei infâi tak tak ngai a ni.

kha a a lôm tak taka kha an lei idonna chung a khan khanchu Mari khom khan Jisua Thurchi Sa hril kha asan arngai nuam ngaia Jisua thu a hril zoroïn chu satak le lungni takiin a irngai ngai a ni.

3. A lungkhamna an langtir:- Khanchu Jisua thu an sîrlâi takin Mari kôla khan Marthi a hong lungchuk loi hmel irputin thil tho hrang tam tak a nei sikin, Jisua thunsîr irngai Mari kha irsanpui hrangin a nuam taka khan chu Jisua kuang a khan “Rengpa ki zuarpuinu ki binga sin hranga a ni mâksan hi ni ngâi sak loi mani” tiin a hrila khanchu Jisua'n Marthi kha a ena asan a lungkhama Jisua khan thil tin rêng a tho sik a khan sol tak tak a ti ti khom a iam a ni. Khanchu Jisuan Marthi kha thil tam tak ni buaipuia ni isôl kêng thil inkhat vaih kêng a inang kei chu nin insûngkua mi ang ki ni sikin ki hong ihro kêng ite ni buaipui hrang om mak tiin a hrila Mari khan chu a thu irngai kha hoi ati taka Marthi kha chu nêk le fâk siam kha a buaipui ual ngai a ni.

Marihai insûngkua hi an irrual tak taka Pathian hi itinrêng thotu a ni ti hi an inhriat sikin an iam ngita Pathian ata saturna tam tak pêkin an om a ni. Khasikin, Jisua khomin a lungthunghaia rual le urêng sungsuak angin a ompuihai ngai a ni. Pathian khomin an chung a khan a lôm tak taka Marihai insûngkua anga om hrangin einihai khom hi Pathianin a ni nuama a milung inchuktir hrang hi a nuam tak tak a ni.

Changvong:- Joh. 11 : 5

Khan Jisua'n Marthi le a zuarpuinu le Lazarahai kha lung a thung tak tak a ni.

Irdônna:

1. Jisua kha kho kua a mo a fe kha ?
2. Jisua kha tuhai ina mo a va tung kha ?
3. A sintho sa ualpu kha tu mani kha ?

IRCHULAI - 25

JISUA'N PHAIVUAPUI A HAL IRNGAM

A thutum :- *Jisua'n a sintho theina an langtir*

Tep hrang :- *(Mat. 8 : 23-27; Mk. 4:35-41; Lk. 8:22-25).*

THUMAHRUAI

Chong irdonna hong nei ei ti dua. Phaivuapui kellâiher ti hi nin inhriat ta ngai mo ? phaivuapui hi ichi om tak a nia; itin rêng in le loihai khom insiat thei thil a ni. Kha anga ichiom phaivua thurchi kha ei insîr hrang a ni. Phaivuapui le kèllâiherhai hin hmun tam taka chu in le loihai khom an siat ngaia; mihriamhai khom thina an changtir ngai a ni.

1. Jisua le archutirhai Galili dîla an fe:- Khan Jisua a omna kola khan dîl lian tak Galili dîl an iti hi a oma; kha dîl a khan nga tam tak khom an om ngai a ni. Kha dîl a khan mi tam tak nga an chel ngaia Petera-hai khom kha Galili dîl a khan sùn so sôt nga chelin an om ngai a ni. Kha dîl kha a lian tak taka a lian lamhai khom a dung sei dân 21km a nia a khang lian dân 13km vela lian a nia; hi tiang vakam le so tiang vakam khom irhmu phâk loi dôra lian a ni. Kha Galili dîl kôla khan khua tam tak khom a oma ngachel mi khom an tam tak tak a ni. Galili dîl a khan mi tam takhai in irkûang hmangin an irlôi ngaia senkathaiin ngahai cheliin irkuangaia an ichai ngai a ni.

2. Jisua le archutirhai phaivuapuiin arzûlhai:- Khan Jisua kha rammual a lêng lai khan ni tin Pathian Thu hrilin arvâk vêl ngaia a irchutirhai le khan sun khat chu irkuanga irchutirhai le khan an chung a irkuanga a khan Jisua chu a inmusu taka kha irkuanga an om lâi takin rammualhai a hong zînga phaivuapui hrat tak a hong hrang taka khan chu an omna irkuang kha a hong nam rak rak taka fena lampui tiang khan fe thei ta maka khan chu Jisua irchutirhai kha an char a dong taka thi ving hrang kinni tiin an sabei taka khannisian, Jisua chu khalâi tak khan inmu irhnik takiin a in khaka archutirhai kha asân an char a dong tak a ni. Khan chu an hruaitu tak Jisua khan archutirhai khan chi pumiin a in kha an kai thoia; irchutirhai khan “Irchutirtu kin ithi zoi hrang hi

phot a nang a ni tiin a hril taka. Khannisian Jisuan kha nupangnu khan rotsan nuam maka, nupangnu khan Rengpa ni chu a nia khannisianlân, Rengpa “maicham hnuia bai irnôitâk khom hi ni uihaiin an fâk ngai hi te” tiin a dona hi omzia tak chu Juda nam ki ni no khomin ki nâinu chu nindam pe ro ba tina a ni. Jisua le nupangnu hi chong irkhêk tam takin an chong tak a ni.

3. Indamin an omna:- Khan Jisuan khan Juda namhai kha itin-rêng a changpuihai zoi tena midanghai changpuihai kha a nuama khannisian, nupangnu isam dân kha an hriatin asân a lôm khom a lôma a lungthung taka khan chu nupangnu kuang a khan lôm le râifân pumin kha ni chongbâi sik a khan fen lân ni nainu ram irhli ichel damloi khom kha a dam ta tiin a sâm tak a ni. Khan chu nupangnu kha in a tungin chu a nainu dam loi kha a lei dam pê taka. Khanchu a lôm tak tak taka; nupangnu khan Jisua hi mani nam ta hrang ringot changpuitu ni maka nam dang le midanghai ta hranga changpuitu khom a ni ti midanghai ta hranga rual khom a ni tiin a hril tak a ni. Kha ang khan Jisua chu mitinhai rual le nam tinhai ta hranga changpuitu le enbîk nei ngai loi mi a nia; Ama chu mitinhai ta hranga satvurna khom a nia theibîk nei loi Pathian a ni.

Chângvong : Inpakna Hla. 67 : 4

O nam tin chu lôm taka omin râifânin zâi ri sehai nangin chu theibîk nei loa roirêl pênnêng chung a nam tin chu ni op hrang a ni.

Irdônna:

1. Jisua kha kho ram a mo thu an sîr ngai kha ?
2. Jisua kha kho ram a irthokin mo thuhrîl hrang a fe ?
3. Nupangnu Jisua hongpan nu kha inam mani ?
4. Jisuan kuang khan imo a izong kha ?
5. Jisua'n kha nam dangnu kha a changpui mo ?

IRCHULAI - 24

JISUA KANA KHUA TUI ÂAIN AN CHANG

A thutum :- *Jisua sinirkhêl a thona masa tak.*

Tep hrang :- *(Joh. 2 : 1-11).*

THUMAHRUAI

Hapta masa khan namtin hai ta hrang khoma Jisua rual a ni na ei irngai taka. Avuan chu sinthôna dang, sinirkhêl chungchâng ei irchu hrang a ni. A poimona, a nangna le a`rlâpna ei irchu hrang a ni. irnei a hin imo an tho ngai le imo an isem ngai ? Irnei a hin hruaian inthea mipuihai tam tak an hong khoma vok, sial, le âr-hai thatin hruai an inthe ngai a ni. Kha ang khan a vuana ei thupui tak tak chu Innei a Jisua`n sin irkhêlna thu ei irngai hrang a ni.

1. Kana khua irneina:- Sunkhat chu Galili ram Kana khua an iti a khan irneina roiinpui tak a oma kha Kana khua a khan Jisua le archutirhai khom a va changa Jisua nu le pa khom an changsa a ni. Kana khua hi Nazaret khosak tianga om a nia; kha Kana khua a khan irneina a om a khan Juda nama an itho ngai tak chu Grep tui hi ûain an inchanga ûain kha rôl tinrênga an isem ngai a nia; kha ûain kha eini a tûn lâia chatu ei isem ang hi a nia; khan kha Kana khua a irneina a khan ûain an lei isin kha mipui tam tak mikhual an tam tak sikin, ûain kha ruk zoi ta mahai a khan chu roi neipuhai kha asan an char a dong taka imo mipuihai hi ei in inhai ta hrang tiin khan chu kha irneina a khan Jisua khom a va chang sik a khan, mipuihai an bûai lul lul tak a ni.

2. Jisua`n tui ûain an chang:- Khan chu Jisua kha Kana khua irneina taka ûain irsam kha an hriatin Jisua ûain sempuhai kha a koihaia pil bêl 6 (six) kha tui fâi takin tui insip roi tiin a hrilhaia khan chu Jisua tui kha ûain an changtir tak a ni. Khan chu Kana khua a irneina khan kha ûain hmangin irneina taka mipuihai kha an in intir tak a ni. Khanchu kha Jisua`n tui ûain an changtir kha irneina taka hruaituhai kha an intirhaia hruaituhai khan ite inhre mahai a ni tui ûain an chang ti khan inhre mahai a ni. Khan chu Jisua moineitu kha a koia mitinin ûain sahai an

khannisian nang chu atûn ten ûain sa tak tak ni la inei hi te a ti pea; kha moineitu khom khan Jisua tui ûain an changtir a ni ti kha inhre viat mak a ni ama khomin kha Jisua sinirkhêl a thona masa tak kha tu khomin an inhriat phak loi a ni. Kha ang khan Jisua chu Galili ram a Kana khua a khan sin irkhêl a tho masa tak khom a ni.

Chângvong : Thuphuang 22 : 17b

“ Tu khom a tui inhral murdi chu hong unglân hringna tui hi manboiin in ri se”

Irdônna:

1. Kana khua hi kho ram a om mo a ni ?
2. Jisua Krista rammual-ah a lêng lai khan irneina hin Juda nam-haiin imo an sem ual ngai ?
3. Jisua khan bêl iza mo ûain an chang kha ?
4. Moineitu le hruaituhai khan Jisua ûain an chang ti kha an inhriat mo ?
5. Jisua`n sin irkhêl a thona msa tak kha ima nih ?
6. Jisua kho khua a mo sin irkhel a tho masa tak kha ?

IRCHULAI - 27

JISUAN KUM SÔMTHUM KIRIAT

(THIRTYEIGHT) DAMLOI MI AN DAM

A thutum :- *Ei hrisêlnahai hi Pathian nuam dânna hun ei hmang hrang a ni.*

Tep hrang :-*(Joh. 5 : 16).*

THUMAHRUAI

Avuanna ei insîr hrang chu damloi indam thurchi ei insir hrang a ni. Chong irdonna nei ei ti. Dam sôtna hi tutu mo a nuam rammuala hin ? Damna hi kho reng ata mo ei hmu ngai ? damna hi mihriamhaiin ei rammual a hin ei mamô tak a nia; khasikin damna hi rammual a doctorhai reng ata khom ei hmu ngaia khan-nisian, doctor ringot khomin damna hi a ipêk thei loi a ni. Damna le hringna pêktu tak chu ei Pa Pathian hin itinrêng a pêk theia ama nuamlam a om a nanga Ama nuamdân tho hi a thupui tak a ni.

1. Damnohai damna hmuna dîl:- Khan Juda namhai an khopui lian tak chu Jerusalem hi a nia; kha hmumna khan damna dîl inthum a oma Solomona dîl, Siloam dîl, le Bethesda dîl,-hai hi a om a ni. Hi dîlhai hi satakin an enkôl ngaia Siloam dîl len vâng hi chu Judahaiin Temple a Pathian biakna hrangin an choi ngaia, khasika khan irdoina a om lâi khomin tui in hrang khom nghei ngâi mahâi.. Hi taka dîl chungchanga ei ihrila dîl omzia nei le dîl inlâr tak chu Bethesda dîl hi a nia; hi dîl hi a kar kara chu a hong phul ngaia khalai taka khan Rengpa itîr vantirton khan kha tui kha a zuang inchang ngai a ni. Khan, kha dîl a châng zoro lâi taka, dîla irchom masa damnohai khan an irchu ngai a nia; asan chu archôm masa takpu kha i anga damno ni khomsian damna a ihmu ngai a ni. Khasikiin, kha dîla irchôm hrang a khan mi tam tak dîl kola an ihngak ngai a ni.

2. Bethesda dîl kola Jisua a fe:-Khan Jisua chu Jerusalema Ferkan Kût hmang hrangin an va fea; khan chu an va chai vêlna khan hmun inkhat a hin an va tunga Bethesda dîl kola khan kha hmuna khan bôkrop (*temporary house*) in ringa hi a oma kha hmuna

hrat tak le tui irsok phut phut kha Jisuan a phaivuapui-hai kha a halhaia dai hrekin lân om chian roi tiin a hal tena chu a hor ngam tak a ni. Khan chu Jisuan archutirhai kuang a khan itho mo ma ang dora nin ichi a tihai taka archutirhai khan Jisua kha itinrêng tho theitu a ni ti kha an inhriat infel no sik a khan a sin tho theizia kha an hmuin asân arkhel an ti tak a ni. Kha ang khan Jisua chu itinrêng hai khomin a thu an zoma ama nuamlam an takiin thil tinrêng hai khom an om ngai a ni. Khasikin ei ni khom Pathian nuamlam ang taka om hi a nanga Pathian Thu hi ei zôm a nin chu thil tin rêng hi rammuala khom hin intak le lungzîngna a iom loi hrang a ni ti hi inhriat hrang a poimo tak tak a ni. Irchutirtuhai khomin kha Jisua sinirkhêl tho kha an hmu zoia irthokin chu Jisua hi mihriam Naipa a ni ngêt ti hi an iam zoi tak tak ta a ni.

Chângvong : Philipi. 4 : 6.

“Ite khom lung inzîng no roi, itinna khom chongchâiin nin innanghai Pathian kuang intung unglân lôm thu hril pumin ngên roi”

Ir donna:

1. Dîl lian irzat takpu kha idîl mani kha ?
2. Jisua le archutirhai kha i a mo an chuanga Pathian Thu an hril kha.
3. Jisuan le archutirhai kha dîla an omlâi takiin i thil mo a hong tung thut kha ?
4. Jisuan phaivuapui kha itin mo a tia arngam kha ?
5. Galili dil a khang leh a dung lian dân kha idôr dôr mani kha ?

IRCHULAI - 26

JISUAN MIPUI SANG MINLI A VÂI

A thutum :- *Jisuan a sinthotheizia an hriattir.*

Tep hrang :- *(Mat. 15:32-39; Mk. 8 : 1-10).*

THUMAHRUAI

Hapta masa khan Jisua'n Phâivuapui tho ahal thu ei irngâi tâka. Avuan chu Jisua sinthona dang mi sâng minli a vâina thu ei in sîr hrang ani. Mipui tamtak hi nin hmu ta ngâi mo? Infa hrangin intak ati na! Mipui tam tak infa hrang hi an tak ngai a nia; khannisian, Jisuan mipui 4000 (sâng minli) an fahai a ni. Khaang khan a vuana ei thupui tak tak chu Jisua'n sin irkhêl mi sâng minli a vâi thu ei irngai hrang a ni.

1. Mipuihâi'n Jisua an zui:- Jisua kha mipui tam takin an zui ngaia Thurchi Sa hril hranga a fe lâi khan, mipui tam takhai khan Jisua thu hril kha asân irngai nuamin an zui sup ngai a ni. Jisua indamna changtu senkhat hai chu mitcho, kebâi, chongtheiloï, le a suak ata irloi thei loihai an nih. Kha huna khan kha anga tam tak dam loi khom an tam ngâi a nia; khannisian, Jisuan damnohai kha a changpuihaia mitchohai mit hmu theiin chongtheiloïhai chong theiin; kebâihai khom lon theiin damna hmuin an fe thei ngai a ni. Kha ang khan Jisua chu itin rêng tho theitu Pathian a nia; damnohai damna pêk theitu a nia; a damna pêkhai khom ite hloi (*medicine*)- hai hmang loa, Pathian thu ringot khomin an damhai ngai a ni.

2. Mipuihai phingcham a changpuihai:- Khanchu Jisua kha mipui tam takiin an zuia Jisua thu insîr irngai hrang a khan khan chu mipui tam takhai kha Pathian Thu irngaiin sun thum (3 days) bu an fâk ta loiin an om tak sik a khan mipui tam tak kha an phing a cham taka Jisua khan kha mipuihai kha a enin asan a lungkhamhai taka. Khanchu Jisua'n archutirhai kha a koihaia mipuihai asân an phing a cham ta ti hi ang hin insûng tiang ei tîrhaiin chu Châmsol an irvei hrang kêng tiin archutirhai kuang a khan a hrilhai tâka; khannisian, irchutirhai khan itin mo hi ramchar a hin hi dora mi

3. Jisuan changpêr le ngâ sat a vur:- Khanchu, mipuihai infa inkhopna hrang kha irchutirhai khan asân an buaipui hâ taka, mipuihai an phing lak a cham taka tiin an zong vêliin chu mipuihai laia naipang inkhatin changpêr mal ringa le nga pum hni a neia; khanchu, Jisua'n naipangte thil nei kha an hriatin chu Jisuan changper mal ringa le nga pum hni kha a kola hong choi hrangin a ngên hâia. Khan chu kha thil kha Pathian kuang chongchaiin sat a vur taka tam tak a hong pung taka. Khan chu mipui sâng minli khan an fâk taka khan khom nisian mipuihai khan an fâk zoi loi khom kha khamphulu sari a la zôk a ni. Khaang, khan Jisua'n sin irkhel tam tak a thoa archutirhai leh mi tamtakhai khopna le hringna an hmu thei ngaia, khan mipui tam tak khomin an zui mûr mûr ngai a ni.

Chângvong : Mat. 6 : 11

“A vuan hin kin rugin bu ni pê roh”

Irdonna:

1. Jisua kha mipui idôrin moh an zui kha ?
2. Jisua'n mipui tam takhai kha an phing a cham ta ti an hriat a khan imo a pêkhai kha ?
3. Jisuan'n imo an pêka satavur kha ?
4. Naipangte kuanga khan i thil mo a om kha ?

SEN RUKNA**KOIINDANG****IRCHULAI: 29****KOIINDANG OMZIA LE INDING PHUTNA**

A thutum :- *Pathianin a mihai irbûk khomna hrangin Koiindang an ding*

Tep hrang :- *(Sint. 2:42-47; 5:1-11)*

THUMAHRUAI

Avuana ei irchu hrang chu Koiindang ti a nia; Chong irdônna dêi ei ti. Koiindang hi imani ? Koiindang hi itina inding ngai mani ? Koiindang ti chu Pathianin a bika koi le a hran piala a indang tina ang a ni. Khasikin, Pathian Thu zôma Pathian biak bûk fe nuamtuhai in chu asan satvurna le lômna an nei ngaia Pathian ata irthok khomin damnahai am hmu ngai a ni. Khasikin, a vuana ei insirhrang chu Pathian inpâk dân le ama iam dân ei irchu hrang a ni.

1. Koiindang omzia:- Thuthung Lui hun laia Israelhai irkaihruai dân le Pathian an biak hranga an mani thil poimo dang dang hril hranga an irbûk khomna tak kha biak bûk hong irphutna tak khom a ni. Kha irbûk khom kha Hebrai chongin “*Qahal*” ti a nia Thuthung Lui hunlai a khan Koiindang ti irhming a hong om mân khan an lei hmang ngai a ni. Kha zoizel a khan Thuthung Thar a hong om taka Greek chong khomin “*ekklesia*” tiin a hong om nôk tak a ni. Khasikin Qahal ti le Ekklesia tihai hih thu hmun khat anga irngai ani. Khan, mani chongin chu koisuak, pungkôm tina ang khomin irngaina a oma hi hih Koiindang hong omzia anga hril chu a ni.

2. Iamtuhai an irbûkkhom:- Khan Penticost ni a hong tung a khan Petera le Jisua irchutirhai kha iamom tak le hai takin an oma; khannisian aman tiang khan chu asan hi ang thil hi an lei ichi ngai a ni. Hi Penticost ni sun a hin Petera’n Jisua thurchi a hrilna sik a hin mipui sâng tam takhai Baptisma changin iamtu an hong nia Pathian Thu lei inhriat masahai kha Temple a mani, insûngkua a

zoro sôt tak dam loa om ti an hriatin chu Jisuan damnotu kha dam mo ni muam tiin ardon a kha damnotu kha O ka pu dam ki nuam khannisian dil a chang zoro a dila nirchomtir hrang tute om mahaia; mi dangin an ni hneng hena irchom thei maung tiin a hril taka. Khan chu Jisua khan khapa kha lung a thung taka Jisuan “Thoiinlân ni puantha chôl inlân ni kein fe ta ro a ti pea” khanchu kha damno 38 kum mi kha irning loiin a hong dama a puantha-hâi a lâka a a kein a fe tak a ni.

3. Damnopu damna a hmua Pathian an pâk:- Kha kum 38 mi damnotu kha Jisuan an dam tena chu a lôm tak tak taka sun le zanin Pathian anpâk taka; Biak in hâia Pathian inpâk hrangin a fe ngai taka; Jisua kha rual satakin a be tak ani. Khan chu midanghai kuanga khom khan Jisua’n ani indam ti an puang tak a ni. Kha ang khan einihai khom damno a ei om sung ringot a hin Pathian ei ipan mai hrang ni maka Pathian hi ei damlâi hunhai khom hin ei ipan hrang a ni. Khasikin, sen tam tak chu Pathian hi an damno vaiin Pathian an inhriat ngaia; damna an hong hmu tena chu damna pêtuk Pathian kha an irhngil pai ngai a ni. I khom Pathian kuang lômthu hrilna chang inhre ta loiin an om ngaia ani a chu ei ni Kristianhaiin chu Pathian hi ei damlai a khom ei damno laia khom ama hi inhre mai hrang hi a nang a ni.

Khasikin, Pathian chu mitinhai hranga damna pêtuk le nam tinhai hranga rual satak khom a ni tiin sun tin le zântinin ama hi ei irhngil hrang ni mak a ni.

Chângvong : Inpakna Hla. 118 : 29

“O Rengpa kuang lôm thu hril roi Ama chu asa-ah a lungkham lianna chu kumtuangin om mai a ti”

Irdonna:

1. Jerusalem khopui kola kha dil iza mo a om ?
2. Dil inthum irhminghai kha i imani kha sam roh ?
3. Kho dil kha mo vântirtonhai khan an inchang ngai kha ?
4. Dil iva kam kola damloi kha idôr kum mani kha ?
5. Jisua khan itin mo dam loipu kha asâm kha ?
6. Kha damnopu kha a dam zoi a khan isin mo a tho kha ?

IRCHULAI - 28

JISUAN MILIAN NAIPA ANDAM

A thutum :- *Jisua thil thotheina an hriatzia.*

Tep hrang :- *(Joh. 4 : 46 - 54).*

THUMAHRUAI

Jisua sintho theizia milianhai khomin an inhriatzia le a sintho theizia an ihmuna thurchi ei ihril hrang a ni. Voikhat lua la na ngai loi mo nin om? Om viat no chin ni na! Inkhur kher loi khomin kut mani ke mani, lu na mani chu nei ngêt le nin irhoi a ni. Taksa damloi mani inhre zit ei ti. Khotâng nun hai, sùngko nun hai, politics nun le economic nun hai hi damloiin a om thei a ni. Taksa a ina ang dênin lungrîl khom a na thei a ni. Kha anga damno milian nâi naipangte Jisuan a indam thu ei insîr hrang a ni.

1. Damloi Jisuan an dam:- Khan khua inkhat Kapernaum an iti a khan mi irchong le mi lianpa hi a oma. Kha pa kha nâi fel tak a neia; apa sinthona ata nitin a lei hngak ngaia nai thu zôm tak a nia; kha a naipa kha damnoin a ompe taka khan chu a pa khan asan a lungthung tak taka damno chung a khan a lung anzîng khak taka; thi ni mo hring ni mo tiin a lungrîlin a duk khak tak a ni. Khanchu kha milianpa khan indamtu hrangin Jisua kha koi hrangin a ngaitu lâiin Jisua kha kho kôla khan a omtiin an hriata Jisua kha damnohai a lungthunga damna a pêk ngai ti kha an hriatin a naipa khom kha indam nget a ti tiin a iam ngit tak a ni.

Khanchu, kha milianpa khan a sialohai kha a koia, Jisua hi Kana khua a son a om hi ki naipa hi indam nuam a ti ti ki iam va koi hrang ki ni ki chuangna hrang sakor nir fûkpe roi a tihai; khan chu kha mi kha sakor choiin Jisua Kana khua om kha va koi hrangin a fe taka a fe lâi khomin a naipa damno kha an sâp maia lampui a khan itin mo nini ti'n asân a naipa kha a lungthung sikin an sap tak a ni.

2. Jisuan damnotu râl khat ata andam:- Khan kha Kana khua a khan a va tung in chu milianpa khan Jisua chu a pan taka. Khan, kha a naipa damno thi vâng vanga damno thu kha a hril taka. Jisua kuang a khan indam hrangin Jisua kuang khan a ngên taka “Ka pu ki naipa a thi mân hin hong hram ro” a tia a naipa kha thi a ti ti kha a chitinrîm tak tak a ni. Khan chu kha milianpa nâi kha râl khat ata kha a van dam pea milianpa kha fe ta ro ni naipa kha a damta a ti pea; khazoiin chu kha milianpa khan Jisua thunsîr kha a iam taka a naipa kha lei dam ngêt a ti ti kha a iamin a hnung tiang a kîr nôk tak a ni.

3. Damnotu damna a hmu:- Khanchu kha milianpa nai kha Jisuan an dampe taka a lôm tak taka a dam zoro kha a sialohai kha ardonhaia idor vela dam mani tiin anni khan mizan dar khat vela a dam a ni ti kha an hrilin irchongpa khom khan Jisuan ni naipa a damta a tipe le khan zoro kha artokpe tak a ni. Khan chu a naipa kha a hril taka Jisuan damna nang a pêk a ni tiin a hrila a naipa khom khan Jisua kha hmu viat loiin itinmo a ni indam ti khan asan arkhel a ti tak tak ta a ni. Khan chu Jisua iamtu tak a hong ni taka; ei ni khom ei chongchai zoro a hin Jisua hmu no khom inlân damna le satvurna chu a ni pêk thei a ni ti hi fel takin an lang a ni.

Chângvong : Inpakna Hla. 116 : 5

“Rengpa chu mi lunginkhamtu tak le fel tak a nia; A ni ei Pathian chu mi lunginkham thei tak a ni”

Irdonna:

1. Tu naipa mo damloi a om kha ?
2. Kho khua a mo Jisua kha a va pan kha ?
3. Izoro tak a khan mo milianpa nai kha an dam pe kha?
4. Jisua khan milianpa kha itin mo a sân kha a naipa chung a

Khan Akuila khomin Rom khopui-hai thurchi kha Paula kuang khan a hrila, khan chu Paul khom kha Rom khua inzin kha asan a nuam tak a ni. Paula kha Korinth khua a khan kum khat le chimrip vêl a om taka irngamni rikipin inkhomna an neia Jisua thurchi kha an hril ngai a ni. Irngamna ni loiin chu puaninhai an siam fôma Pathian an inpâk ngai a ni. Mi tam takhai khan Korin khua mihai khan chu Jisua Thurchi kha asan an irngai nuama Jisua kha an iam tak a ni. Kha ang khan Priskili le Akuilahai ina khan Pathian Thu chu an hril khom ngai a ni.

3. Efesi khua:- Khan chu Paula kha zoro sôt tak Korin khua a khan a om hnungin Efesi khua a khan fea tum nôk taka khan a omna Priskili le Akuilahai khom kha fe an tum sa taka khan chu an va fe tak a ni. Efesi khua a mihai kha Pathian ti hi an neiin tam tak taka; khannisian an pathian biak kha millim pathian korong an ni. Khan chu Paula khom Jisua thurchi kha Efesi khua a khan a hril taka mipui tam tak khan irngai nuam mahaia a phut tiang khan chu khannisian an insir mong loiin ansir maia mi senkhathai khan an hong irngai nuam thei thieia mi senkhathaiin chu Kristian hong chang hrangin irhminghai an hong pêk lût tak a ni. Khan chu Paula kha Jerusalem khua a fe hrang kha a va nuam taka a rualhai Priskili le Akuila kha Efesi khua a mi ringtu tharhai enkôl hrang khan ompuihai hrang khan a ngênhai tak a ni. Khan chu Paula kha Jerusalem tiang a fe sanhai taka khan chu Kristian tômtelai kha kha Akuilahai ina khan inkhômna hmun an hong hmang thei mai tak a ni. Khanchu Paula khomin Efesi khua Kristian omhai kha tômtelai khomsian inkhômna kha an suizom zêl ti an hriatin chu a lôm tak taka Efesi khuahai kha inthorna lekhahai le lomna thucha tam tak a thonhai ngai a ni.

4. Rom khua:- Khan kum sôt tak Efesi khua a khan om hnungin Priskili le Akuila chu an khua milui Rom khua tiang an va kîr nôk taka Rom khua a khom khan Kristian tomte vai an la oma Efesi khua ang denin an la tomtea Inkhomna hrang hmun khom nei mahaia Priskili le Akuilahai ina khan inkhomna hrang khan an fialhai ngai a ni. Khannisian Kristian omhai kha tômtelilai khomsian irrual takin sin an tho sikin hoi le raifan an ti tak tak a ni. Priskililai insungkua khan chu an insung kha Pathian Biakna hrangin an irphal tak tak a ni. Patian Biak bûk hi ei poimo tak a nia Kristianhaiin khasikin Priskili le Akuila khomin a poimozia an

thurchi kha Juda mi danghai khan irngai nuam viat ngai mahai a ni. Jisua Krista iamtu hai kha an inkhôm hmang dânhai kha asan a hoi an ti ngaia hmun dang danghaia irhmu khômmin Pathian an inpâk ngai a ni. Khan chu Pathian iamtu le Jisua Krista a ni tak tak iamtu hai kha hmun danga chaiin Pathian Thu an inpuang suak ngai a ni.

3. Koiindang indingna:- Khan Jisua Krista iamtu hai khan thil ite hril hrang le buainahai nei ta mahaia khasikin zoro inchumhai an hmu zorohai khan hmun dang danga khom an inkhôm ngai a ni. Mipui tam takin Jisua Thurchi irngai nuam murdihai chu kha hmuna inkhomna khan an changsa ngaia; Jisua kha an iam tak tak ti entirman Baptisma an chang sa ngai a ni. Kha ang denin an thupui tak anga an ihmanghai khom hi Jisua Thurchi insîr hi an hmang ual a ni. Hi anga inkhôm ngaihai kha inhnung tian chu Koiindang an hong chang taka lungirkham irhlomin buhai khom hmun khata fâk nêk an nei ngai a ni. Jisua thurchi hi asan a n insîr nuam ngai tak le thupui tak angin an hmang ngaia mipui tam tak khomin inhre ri sehai tiin asan an inpuang dar ngai a ni.

4. An thil neihai an irkôp:- Khan chu mipui tam tak le Koiindang tam takhai le khom khan lung an irkham irhlom taka an thil neihai khom irkopin an omngaia, kha ang khan mi tam tak an ramhai zuarin Pathian kuang le Koiindang hruaituhai kuang khan an hong pêk lût ngai a ni. Khan Koiindang sunga hruaituhai khomin an Koiindanga inriang invâi omhai kha an changpui ngai a ni. Khasikin mipui tam tak kha Koiindang nina kha asan a hoi an inhriata mi tam tak khomin a chang an nuama an mani Koiindang khom khan tuten neibîk hi tum ualmahaia midang changpui kha asan an nuam ngai a ni.

5. Misual an hnoI:- Khan voikhat chu Anania le Saphirahai sangramin an ram an zuar a man kha a chimrip Koiindanga hruaituhai kuanga an hong pêka a renga pêk irkip kha nuam mahaia tu khom pêk irkip mahai ti khom inhre mahaia an sangram vaiin an inhriat a ni. Khasikin, Pathianin inruka thil tho chu a inuam viat ngai loi a nia tukhomin a thilthup inruk chu an inhriat loi mani tiin Petera kebula khan hiang hin a hril Petera'n ma dôr vai hih mo ram nin izuar tiin a hrilhaia an ni khan nin inhriat loi mani tiin a hrilhaia , khannisian Irtarthiang khan itinreng an hriattira vinga Petera khan

irdon tak ang khan Saphira khom kha a lei irdon nôka Saphari khan a pasal a ihril ang denin a hril taka Petera kha aning an mûrpe sabaka a Koiindanghai an ihuang sik a khan a milung chuk viat maka Isika mo nin sangramin milak thu nin ihril irruul milak tho hi sa viat mak, khanchu Saphira khom kha reng khan a thi zoi zel tak a ni. Khan chu ruathartehai khan a ruak kha an irzônpai taka Koiindang sûnga thil sual tho reng reng kha an iphal loi le an inuam viat loi a ni

Chângvong : Sinthohai 2:47

“Pathian an inpâka mi murdi lôm lamin an oma; khan Rengpa’n a saninhringhaika chu a nitin an kuang an thoptirhai maia.

Ir donna:

1. Jisua Iamtu omkhomhai kha itin mo an ikoihai ngai kha ?
2. Itin mo Koiindang hi a hong inding ngai ?
3. Mi inrianghai hrang Koiindang om kha itika mani ?
4. Thil mani ram mani thuptuhai kha tuhai manni kha ?
5. Itin mo an i om kha ?

IRCHULAI - 30

TIANLÂIA KRISTIANHAI INA AN IN

KHÔM

A thutum :- *Iamtu masahai kha hmun irfûkna taka an inkhôm ngai a ni.*

Tep hrang :- *(Sin. 18:1-4; 18:24-26; IKor.16:19; Rom. 16:3-5; II Timo. 4:19).*

Avuana ei insîr hrang chu inkhômna bik nei loia hmun danga dang inkhom hmang a ni ti ei irngai hrang a ni. Khasikin chong irdonna hong nei ei ti. Nang ni te loihaia le kholai dunghai hin nin inkhom ta ngai mo ? le ramkara hin te inkhomna mo nin hmang ta ? Asan chu tianlai khan Biak in sa tak tak an la nei no sikin Jisua hnung zuituhai khom hmun dang danga inkhomin an om ngai a ni. Mipui tam tak khan Pathian inpâk hi an irzuk tak taka khasikin mitam takhaiin Jisua thurchi hril nuamin hmun irkennahai zongin an inkhom mai ngai a ni.

1. Korinth kua:- Khan Israelhai khom Temple roiinpui tak an neia mâna khan khon mo an lei inkhom ngaia nin lan hriat mo ? Biak bûk an ti ngai a khan an lei inkhom ngai a ni. Biak buk kha puan ina siam a lei ni ngaia puan in kha savun sa tak le khom khan an siam ngai a ni. Mi tam takin a siam theihai isiam kha an irchok ngaia Paula Pathian Thu hril hranga irvâk vêl lai khom khan Puan in siam thei arhming chu Akuila a ni tiin a hrilhai a ni. Adongma irhming khom Priskili a nia Pathian Thu zôm mi tak khom an ni. Aphut a khan chu Rom kua-ah lei om ngai a nia; khannisian Rom lal khan arama Juda nam om kha phal maka Priskili le Akuila kha Korinth kua an va rot tak a ni. Korinth kua kha irkuanghai irngamna hmunpui lian tak khom a nia mipui khom tam tak an om ngaia kha hmun a khom khan mi puanin sinsai kha an lei irchok nôka Pathian biakna hrangin Pathian Thu zôm mi tak khom an ni a nih.

2. Mikhual an tung:- Khan Priskililai in a khan mi khual lian a tung taka kha mi kha puan in siam thei mi tak a nia a puanin

IRCHULAI - 32
TIRKOHAI SINTHONA

A thutum :- *Tirkohaiin Jisua sinthona an sui irzomma.*

Tep hrang :-*(Tir. 3:1-10; 5:12-16).*

THUMAHRUAI

“Nin ke mo a zeng ta ngai ? nin kut hnung tiang suiin ngir ving u ta . Nin ke inkhatin ngir unglan inkhat inhni tep ki ta som ten ki tep manin tute khomin kut hnung tianga nin isui kha nin isut hrang ni mak. Ke inkhat vaia ngir hrang ni a ti. Khan ke inkhat vaia ngir hi an tak ti roina ! kenbaihai hi lungkham an om tak taka; ke inkhat neitu hrangin chu sunday school kai khom hi asan a injtak ngai a ni. Kha ang mi kha hmu ta ngan unglan nangni naipanghai te kha pa kha changpui ung mo ? Jisua mihai khan chu midang changpui innanghai kha an changpui mai a ni. Avuan khom Jisua zuituhai thurchi ei irchu hrang a nia; ngûk takin ei irngai hrang a ni.

1. Jisua rualhai:- Jisua dam lâi khan rual tam tak a neia; a rualhai kha a kuanga om mai hrang le a fena tinrenga a ihruai mai hrang mi som hleihni (*12 people*)-hai an thanga; kha mihai kha Jisua irchutirhai ti an ni tak a ni. Jisua a thia a thoi nôk hnunga hi mihai hi Tirko (Missionery) ti an ni taka; khan chu hi tirtônhai le Jisua rual dang danghai hin Jisua kha asan lung an thung tak taka; hmu thei hrangin Jusa kha a kola om ta no khom sianlan, Irtha Irthiangin an ni kha a ompuihai mai ngai a ni. Jisua Thurchihai, a thoinôk thurchihai, saninzôktu a ni ti thuhai hâi takin an ninsîr ngâi a ni. Dam loihai an indama an fena rikipa Pathian Thu an hriin mi tam takin Jisua kha saninhrintu a ni tiin an pom tak a ni.

2. A suak ata kebâi indam:- Khan chu sînkhath chu Petera le Johonahai ruai kha Biak ina chong chai hrangin an fea; Biak in lûtna mikot “enhoi” an itî kôl a khan a suak ata fe thei loi kebâi inkhatin kut a lei doha, kha pa khan Petera le Johonahai khom khan poisa a lei zonghaia khannisianlan Petera le Johan-hai kha

Chângvong : Mat. 18:20

“Mi inhni mani inthum mani kir hminga an irchukhôm rikipin an kuang om ngai ki ti a tia”

Irdonna:

1. Inkhômna hranga Puanin siam theihai sangramhai kha imo an irhming kha ?
2. Priskili le Akuilahai ina hong tung mikhual kha tu mani ?
3. Priskili le Akuilahai in kha itho hrangin mo an hmang ngai ?
4. Paula kha Korinth khua a khan sîn idôr mo a cham kha ?
5. Preskili le Akuila kha an omna khua masa kha kho mani kha

IRCHULAI - 31

PENTICOST NI IRTHAPUI CHUMNI

A thutum :- *Pathianin a mihai irtharngam saktu hrangin a zuang tîr a ni.*

Tep hrang :- *(Lk. 24:44-53; Tir. 1:4; 2:1-15; 36; 41).*

THUMAHRUAI

Avuana ei insîr hrang chu Penticost ni Irthapui chumni ti thu ei irngai hrang a ni. Chong irdona hong nei ei ti. Penticost ni hi idôr mo nin hmang ta ? Penticost ni ti hi imo a omzia hong hril uta ? Penticost ni ti hi Irthapui chum ni tiin kumtin ei hmang ngaia; khasikin ei ni Kristianhaiin chu hi ni hi ei sîn roiinpui tak le omzia nei taka ei hmang hrang a nang a ni. Penticost ni hi a omzia tak chu Greek chonga lak ani sunsomringa tina a ni.

1. Jisua chonginkung /thutiam:- Khan Jisua a thi hnung a khan a irchutirhai kha Pathian Irtha khan an invêt soi taka an hruaitu takpa kha Kros a an hembe tak sik a khan kha hnung chu Jisua kha than ata hong thoi nôkin a irchutirhai kuang a khan a zuang inlarpehai nôk taka a irchutirhai kha midanghaiin ni chelin ni thatpai an ti ti kha asan an chi tak tak a ni. Jisua kha irvan tiang a kêi mân dai khan archutirhai kuang a khan a thu hril chu nakana Jisua Krista hi an kuanga a zung inlara tena an milung a la irngam hrang thu kha fel takin a hril pêhai tâk a ni. Khasikin Irtha Irthiang a zuang tung maka lei om hrang le Jerusalem kha lei suaksan loi hrangin a lei hrilhai sa a ni. Kha a ihrilhai ang denin irchutirhai khom khan a lei ihrilhai ang denin Irtha Irthiang zuang tung hrang kha asan an lei hngak hmo tak tak a ni. Khan chu Jisua Krista khan Irtha Irthiang hi Jerusalem-ah khan an rengin om khôm hrangin a hrilhai tak a ni.

2. Jerusalem-ah chipumin:- Khan chu Jerusalem a khan chi le inthing pumin an om taka kha anga an omlâi takin Jerusalem a khan mipui tam tak an hongpung mur mur taka kha dang dang le ram dang danga irthokin an hong om khôm tak a ni. Asan chu Judahai Kût Penticost kut hmang hrang a khan an hong irbuk khom a ni. Kha Kût kha Ferkân kût an hmanga irthoka sîn sômringa a hong phâk le khan kût hruaithe hi an hmang ngaia a Jisua Krista an hemde ni sîn khan Ferkân kût zoro lai tak a nia; hi anga Kût roiinpui tak kha Judahai khom hoi an ti tak tak a

hranga khan khom hmun an siam / inkung ngai a ni. Jisua damlâi tak nisian chu hmun khata om suam thei ni an ti. Jisua ihrilhai ang tak khan Jerusalem kha a khan Irchutirtuhai murdi le a thuzomtuhai kha an irc-hun khôm ving tak a ni. Penticost kut a hong tung khom khan in inkhat chontan inchung taka khan an irbuk khom ngai a ni.

3. Irtha Irthiang a hong tung:- Khan mipui tam tak kha chontan inchung taka an om ti khom kha mihai khan nin hrea an tiin an chi tak taka; midanghai khan Jisua angin chela omin thatpaia an iom hrang asan an chia; kha anga chi taka an om lai takin irvana irthokin irhai inring tak a zuang om taka arhai khom phaivuapui hrat tak ang tho hrangin a zuang om tak a ni. An omna inhai khom kha irhai khan a sip ving tak angin an inhriat taka khan chu mipuihai chung chit a khan meidôn angin a zuang ompehai taka mipuihai kha an lômin an râifan taka chi ta loiin an omsuam ving taka khan chu kha taka mipuihai kha chong dang dangin an hong chong suak taka khannisian, an thunsirhai tinrêng kha an mani chong ang takin an inhriat chit tak a ni. Asan chu Penticost Irtha khan a zuang pôlhai taka Jerusalem kha Kût hmangtuhai khom khan kha irhai kha an inhriat taka an intân sup sup taka mipuihai an chong murdi kha an irhlet ving tak a ni.

4. Petera'n Penticost nia thu an sir:- Khan chu Petera le a rualhai kha ite chitna kha nei ta mahaia hlim tak le irtharngam takin an om suam tak a ni. Khan chu Petera kha a hong ngîr suaka mipuihai kara a khan Jisua Krista thurchi kha Jisua hi a nin zôktu a ni ti thuhai kha chi viat ta loiin a hril tak a ni. Khan chu mipui tam takhai kha urênggai itin mo ei iti ta hrang Rengpa ni lungthung zia hi ana baka tiin a hril tak a ni. Khan chu Petera khomin Irlet unglân nin sual ngaidamna hrangin Jisua Krista irhmingin Baptishma chang sêng roi khan chu Irtha Irthiang thilpêk hi hmu nin ti thil an inhriat loi hai khom kha a hrilfiapehai zela khan chu mipuihai khom khan Pathian Thu an zôm taka Jisua an iam taka; Baptisma an hong chang tak a ni. Penticost ni khan mi sangthum vêl (3000) Baptisma an hong chang tak a ni.

Chângvong : Sintho. 2:4

“An rêngin Irtha Irthiang khan a siphai zita, Irthan a inchongtirhai angin chong dangin an chong taka”

Irdonna:

1. Penticost irtha a zuang tung mân khan Jisuan archutirhai kha khon mo om hrangin a hrilhai kha?
2. Penticost ni khan Peterahai kha khon mo an om kha ?
3. Petera kha ithu mo an sirpehai tak kha ?

hiampu-hai thunsirhai hrang khan Petera thunsîr kha an irngai nuam ual tak a ni. Khan chu khahai kha an hnarsahai taka Sadukaihai khan Thoinôkna an insîrhai chung a khan asan an ning an mur tak a ni.

Khanchu, Petera le Johona kha an thunsîr kha asan Sadukai-hai khan asan an ning an mur taka khahai kha chohnung tian chu chelin an om taka khan chu lungina khan an intângtirhai tak a ni.

3. Jisua thurchi an hril maina:- Khanchu zîng nôka chu Temple kôl vêla hruaitulian takhai chu an hong pung khôm taka; kha Temple lian tak kôl a khan upahai le roirêltuhai khan lukhum lian tak takhai an hong khuma an hong taka khan chu Petera le Johona kha an kôihai taka an makunga an irngirtirhai taka khan chu kenbâipa a hong idam dân kha an irdôn taka “Ni sintho theinan mo leh tu irhmingin mo hi thil irkhel hi ni itho ? tiin an irdôna khan chu Petera chu Irtha Irtha irthiangin a sip taka mi roirêltuhai kha ikhom chi viat loiin mihaiin mi inmôl angin an irngaihai a ni. Khasikin Peterahai khan Pathian ichangpuina kha an inhriat infel tak taka khan chu hruaituhai khom khan arkhêl an ti tak tak a ni Petera om dân kha an enin anni khom khan Jisua Thurchi insîr ta loi hrangin a hrilhai taka Peterahai khan “*Keini chu thil kin ihmu le kin inhriathi insîr loiin om thein maung an ti*” tak a ni. Khan chu hruaituhai khan Peterahai khan insihaiin an insuahai nôk tak a ni.

4. Petera-hai chelin an om nôk:- Khan chu Petera le a rualhai khom Jisua thu kha an hril maia mitam takhai khan Jisua kha an iam nôk uala mipuihai kha khan chu hruaitu tam takhai khan Peterahai kha hnarsain an chung a ning an mur taka chelin an om nôk taka Petera-hai kha zân sôtin lung ina an intang tak a ni. Khannisian zân chimrip a fein chu Peterahai kola khan vântirtôn a zuang inlâr taka mikothai kha a hong irhong taka kha mihai kha a hruai suakhai taka khan chu vântirton khan Pathian Biakin a khan vangîr unglân mipuihai kuang khan hi hringna thu hi va hril roi tiin a hrilhai taka a ni. Khan chu zîngkhua a hong vârin chu Petera le a rualhai kha Biakina khan an va fe taka mipui biakina hongtuhai kuang a khan Jisua thurchi kha an hril tak a ni.

khan poisa an ipêk hrang angin ariama a hngâk hmo takin a kut a do rak a ni. Khalâi tak khan Petera chi Irtha a zuang sipa a kuang sum le rangkachak ite nei maung, khannisianlan kin ineisun nangpe kin ti “*Nazaret Jisua Krista irhming kein fe ta ro*” an tia; kutdohpa kut chang tiang khan intûkin a chela a kai thoia kutdopa kha a hong dam tak a ni. Voikhat rengin a ke le a keartui ruhail kha a hong hrat zôizel tak a khanchu keiin a fe thei tak a ni. Kha kutdopa kha a dam tak ti an hriatin chu asan a loma Pathian inpâk pumin Biak In/Temple a khan a lût sa tak a ni.

3. Mitin Jisua an iam tâk a ni:- Petera’n a suak ata kenbâi a indam kha mipui tam tak omkhômna hmun Biak In tual a nia; kutdopa Petera’n a indam kha a dam mân khan mipui tam takin an lei hmu tak a ni. Kha anga a dam tak ti le irchompuma ke le a ife thei tak kha an hmun chu asan arkhêl an ti tak tak a ni. Hi pa hi kenbâi sika fe thei loi kha ni mak mo ? itina mo a idam tak mo ? an ti sup sup taka mipuihai khan kha thil irkhêl kha hmu nuamin mipui tam tak an fe khoma Petera khan mipuihai makunga a ngîra kenbâipa kha Nazaret Jisua Kros-ah an ihemde khan an dam tak tiin Jisua thurchi a hril taka. Khan chu mipui tam takin Jisua kha an iam tak a ni. Kha nia Jisua iam tharhai kha mi sangringa (5000 people) vêl an ni.

4. Tirkohai’n thil irkhêl dang tam tak an tho:- Tirkohai le Jisua iamtu dang danghai kha Biak In tual Solomona bokrop an iti a khan an irchun khom ngaia; Jisua thurchi insîtrin an hlim thei tak tak a ni. An om khomna hmuna khan damloi tam tak an hong hruaihaia; damloi fe theiloihai khom anzâl hmun pumin an horzônhaia kha khan Tirkohaiin Nazaret Jisua irhmingin an lei indamhai zêl tak a ni. Jerusalem kho kôl vêla khua mihai khomin an hong khôma damloihai, khohri (ramhuai) isoisakhai khom an hong hruaia an hong dam zêl tak a ni. Jisua Krista damlaia a sintho ang khan Tir-

Chângvong : Sinthohai. 5:12

“Tirtônhai chu mipui laia thil irkhêl le sin irkhêl tam tak an tho thiea, an rêngin lungrual takin bokropa an inkhôm ngai.

Irdonna:

1. Jisua rualhai Templea inkhomhai kha tuhai mo an ini ?
2. Jisua irchutirhai kha itin mo an koihai ngai ?
3. Petera le Johana-hai ruai khan mikot enhoi an iti a khan tuma an hmu ?
4. Itin mo Petera'n kenbaipa kuang a khan a itipe kha ?
5. Itho sika mo mihaiin damloipa kha mikot kola khan an hong isia kha ?

IRCHULAI - 33**THURCHI SA SIKA TIRKOHAI CHELAN NI**

A thutum :- *Jisua zûituhai hrangin ite rêng chi hrang om mak*

Tep hrang :-*(Tir. 4:1-22; 5:17-42).*

THUMAHRUAI

Avuana ei irchu hrang chu Missionary thu a nia; Chong irdonna hong nei masa ei ti. Missionaray ti hi iang mihai hi mo Missionary ei ti ngai ? isin tho ngai man nih ? Missionary ti chu Pastorhai, Tirkohai, le Evengelist, le thil danga danga Mission ta hranga sinthotuhai hi Missionary ti hi a ni. Khasikin Missionaryhai hin Pathian Thu mi an irchutir ngaia baka rammual teina vârna tianghai khom mirchutu an ni ngai a ni. Khannisian hmun tam tak a chu Missionaryhai hi deng an intheitirhai ngaia thiamno inchangtirin lungin hai an khumhai ngai a ni. Khannisian Pathian Thurchi Sa inpuang dartsu an ni sik a khan Pathianiin masan ngai maka a ompuihai mai ngai a ni.

1. Jisua Thurchi insîr phal mahai:- Khan Jisua Krista a thi hnung a khan Judahai khan Jisua Thurchi insîr kha phal viat ta mahaia; khannisian Jisua irchutirhai le Tirkohai khan Jisua thurchi insîr kha asan a hoi an ti tak a ni. Jisua Krista kha thi a thoinôk a ni hnunga mihai kuanga a zung inlârna thuhai kha asan a hoi an ti tak a ni. Khannisian Temple-ah an hruiituhai khan kha thu kha an irngai nuam loi a ni. Khahai kha Jisua inkhaia hemdetuhai kha an nia; Jisua thurchi reng kha an irngai nuam loi a ni. Khannisian Jisua Thurchi insîr phalhai kha chu Sadukai le thiampuhai vai kha Jisua thurchi insîr kha an phal a ni.

2. Petera leh Johana an chelhai:- Khan Petera le Johana kha chu Temple inkhâr mikot enhoi bula kenbâi an tama kha mihai kha mihaiin

Chângvong : Inpakna Hla. 119 : 29

“Lam dik loi hi ki kûang ata khaipei inlan ! lungkham takin ni dân chu nirchutir roh ”.

Irdonna:

1. Tu moh Sunday school hmu suaktu masa tak kha ?
2. Robert Raikes hin tuhai mo omdân archutirhai kha ?
3. I anga om dân mo archutirhai kha ?
4. Meadow khua a va fe khan iangin mo an lei lo kha Robert

taka khan chu zêl a khan an va fen chu zêl kha a rong taka sepaihai kha an char a dong tak taka mikothai kha sata an ikal a ni sikin, arkhel an ti tak tak a ni. Kha zoizêl a khan mi inkhat a hongga “*Irngai roi intangna ina nin ikhum kha Biak ina hongin mihai archutirhai nôk ta*” tiin a hong hrilhai tak a ni. Khan chu mipuihai le zêl ina hngaktuhai khom khan asan arkhêl an ti tak tak taka an zêl in ata an suak lam kha an ngaituin Pathian khan a changpuihai ti kha an inhriat no sikin a ni. Khan hruaituhai itîr sepaihai kha Biak ina an fea an va enhai inchu mipui tam takhai kha an irchutirhai kha an va hmua mipuihai khom khan an tunîr kha asan an irngai nuam tak tak tiin an va hmuhai tak a ni. Sepaihai kha va chelhai nôk hrang khan ngam nôk ta mahaia; an va chel a khan mipui tam tak khan ni doi an ti ti kha an chi tak a ni. Petera le a rualhai kha hruaituhai khan that hrang khan an nuam tak taka khannisian an laia mi senkhathai khan that hrang khan chu nuam zoi mahaia Jisua Krista thurchi vai kha hril loi hrangin an ngênhai taka khannisian Peterahai kha Pathian Irtha khan a ompuihai mai sikin Jisua thurchi kha insîr loi khan a iom thei ta loi a nia insîr maiin ram tin a irfang suak mai tak a ni.

Chângvong : Tirtonhai 4 : 20

“Keini chu thil kin ihmu le kin inhriat hi insîr loiin om thei ma ung” an tia.

Irdonna:

1. Tirtônhai khan tu thurchi mo an insîr ngai kha ?
2. Hruaituhai kha itho sika mo chelhai kang khan an chi haia ?
3. Hruaituhai khan zêla an khumhai a khan tun mo a hruai suakhai ?
4. An suak a khan kho hmuna mo an fe kha ?

SEN SARINA**PATHIAN THU SIKA IRPEKTUHAI****IRCHULAI - 34****ROBERT RAIKES**

A thutum : *Pathian Thu hi taituanna hringna a ni sikiin irchua inhriat a nang a ni.*

Tep hrang : 119:129-136

THUMAHRUAI

Avuana ei irchu hrang chu Sundy school hmusuaktu hmasatak thurchi ei irchu hrang a ni. Chong irdonna nei ei ti. Pathian ni hin sunday school ei tho ngai hi imo a poimona ? Imo ei ta hranga an lapna hong hril u ta ? Sunday school hi eini Kristianhai hrangin a poimo tak tak a nia; irchuna boiin chu satna le inhriatthiamna a iom thu loi hrang a ni. Khasikin Sunday hi irchuna poimo tak angin Kristianhaiin ei ihmang ngai a ni. Khasikin sunday school hi lungni taka irngaitua a irngai hrang a poimo tak a ni.

1. Robert Raikes : Robert Rakes hi thurchi bu insuatu (*Journalist*) a nia; a thurchi hi rammual pumpui a khom hin a inlâr a ni. Robert Raikes hi sâp (*English*) mi a nia; a omna khom England rama Gloucestar kua om ngai a ni. Ama hi thurchi bu insuatu a nia; ama machine ringotin thurchibuhai hi an sua ngai a ni. Mi tam takin a thurchi bu hi an tepin inlâpna sa tak tak an nei ngai a ni.

2. Meadow kua thoibop سوالنا:- Khan Robert Raikes kua omna kua kol a hin kua Meadow an ti hi a oma; kha kua kha mipualoi tam tak omna hmun a nia; mani nu le pa inzana nei loi mi naipang pualoi tam tak khom an om a ni. Kha kua kola mihriam fe hrang khom asan an chi ngaia a fetuhai khom kha lunghai le hin an denghai ngai a ni. Khan Robert Raikes hi sun khat chu kha Meadow kua a khan Pathianni hin lêng hrangin a fe taka khan chu mi pualoi naipanghai khan lung le dengin, dialdôkhai khan an lei deng mur mur taka; Khan khomnisian, Robert Raikes kha

taka kha naipanghai khan a omdân kha an enin asan arkhêl an ti tak tak a ni. Khan chu Robert Raikes khan omdân sa oma khan arkhuhai tirhai taka; kha mipualoihai le kha raifan takin an irpôl taka Pathianni sunhai hi irpôl nokna zorohai an hong siam tir tir tak a ni.

3. Robert Raikes Meadow kua voihni a fena:- Khan chu Pathian ni voihnina chu a fe nok taka kha kua a khan ruatharte le naipang tam tak khan a maton a neka tamin an lei nghak nôk taka, Robert kha kha kua a mi pualoi nupa thu zomloihai le khan an irpôl taka an mani nuamlam ang takin a ompuihai thiai taka Robert Raikes khan tufiamhai khom thopuihai thieaiin insûng tian a hong kîr nok tak a ni. Khan chu Robert Raikes kha kha taka ruathar thoibophai سوالنا ata siam insat hrang khan asan arngaitua tak taka; Robert Raikes khan omdân sa om kha arkhuhai tir tir taka; kha mipualoihai le kha raifan takin an irpôl taka Pathianni sunhai hi irpôl nokna zorohai an hong siam tir nôk tak a ni. Robert Raikes khan kha taka mi omdan sanohai siam insatna hrang le irpôlpuihaina hrang khan hmun a zong vêl taka khan chu irpôlna hmun kha a hong hmua kha khan Pathian tianga irpôlna le omdân irchutirhai hrangin an irpôl khomna an hong siam irfûk tak a ni.

4. Robert Raikesin Sunday School a phut:- Robert Raikesh in Meadow kua omhai naipanghai le puanotuhai irchutirna hrangin irpôlkhomna hmun a lua tak kha taka a khan irchutirtu mi minli an thangsuaakhai taka Pathian ni rikipin Pathian thu le om dânhai archutirhai taka lekha tep dan ABC (*Alphabet*)-hai hi archutirhai tak a ni. Khan kha taka omhai kha mi inriang korongboi le puan-sil diarkai boi an ni sikin Robert Raikes khan sil le kaihahi khom a hlonin (*Free*) a pekhai tak a ni. Khan chu kha taka mipui tam takhai khan Robert Raikesh kha asan an ngaisanga mi puanotuhai a enkôlhai sik a khan Pathian khomin a sinthona sat a vura Robert Raikes kha naipang pualoihai le nupa he lâk loituhai khom kha fel tak an hong chang tak a ni. Pathian nuamlem thotuhai an hong ni taka khotanga khom hmangrua sa tak tak an hong chang tak a ni. Khasikin Robert Raikesh sinthona hong omzel a hin einihai khom

hi a kaihruai ngai a ni. Pathian zong hrangin rama a fe lai khomin Sadu sundarsingh hi a hruai ngai a ni. Kha kha hmuna khan omdan tam tak archutir ngaia omdân fâk dân le mi mahrip tho dânhai khom archutirhai ngai a ni. Khan sunkhat chu a nuin Sadhu sundarsingh hi bazara a tira sum a pêka a nu khan bai thum ircho hrangin a tîr taka; khan kha a fena lampui a khan tar inkhat phingcham ngoi ngoi lampui a khan a va hmu taka; khan chu kha tarte khan Sadhu sundarsingh khan changpui hrangin a ngen taka khan chu a neisun sum kha a pek hlet taka; insûng tiang a hong kîr nôk taka a thil va tonghai kha a hrilpehai taka a pa kôla khan khan a hrilin chu a pa khan changpui nang murdi ei changpui taka atun ata chu midangin changpui ta rise tiin a hril taka khannisian Sadhu sundarsingh khan a mulung la chukpe maka a pa kha ite irdon loiin a pa sum kha Rs. 5/- (*Rupees five*) kha lakin tarnu kuang a khan a va fe noka a puan sil irchokna hranga pe hrang tiin khannisian lam lai tena a fe tena chu apa inhre loaia thil a tho kha nuam maka intiang a hong kîr nok taka kha khan a pa khan sum 5/- irhmang ti kha an hriat taka a naipa Sundar shing kha ardon a kha a naipa khan kei ilak nima tiin a hril taka; khan chu apa khom khan a iamzoia asan chu Sadhu sundarsingh kha mi iamom a leini ngai sik a khan khannisian Sadhu sundarsingh khan a pa a ihuangna khan zan sôt inthei loiin a om taka khan chu Sadhu sundarsingh kha zinga thoiin a pa a ihuangna sika khan ngaidam a varzong taka Sadhu sundarsingh khan a soal sin a tho sika a pa kuanga ngai dam a irzong kha apa khan hal nekin mitui suak pumin an kua taka ki naipa nang ki iiamzoi na tak hi a vuan hin keng fel takin ki la hmu suak a ti pe tak a ni. Khan chu apa kha a napa khan nupang tarnu changpuina hrang khan sum kha a pêk nôk tak a ni.

3. Sadhu sundarsingh inlarna a hmu le koia a om:- Khan Sadu sundarsingh hi Rampur Mission school a lekha lei irchu ngai a nia; khannisian, Kristian sakhua hi asaten lei dem ngai a ni. Khan archuna school a khan New Testament (*Thuthung Thar*) bu hi student murdihai kha an siamhaia khan kha Sadusundarsingh khom khan kha Bible kha a lâka khannisian Kristianhai lekhabu a ni ti an hriat sik a khan a halpai taka a halpaina tarik chu 15th Dec. 1904 ni hin a ni. Khan chu kha Bible kha a halpai ni sùn reng ata irthokin chu asan a lungrîl ngaituana kha a hong buai tak a ni. Khanchu, insûnga khan sun thum irkal khumin a om taka khankhommisian a lungrîl buaina kha boipe maka khan chu a binga irthat kha a nuam tak a ni. Khan chu Sadhu sundarsingh kha Pathian kuang a chongchai taka hi ang hin a chongchai tak a ni. *“O Pathian tak*

IRCHULAI - 35

PATHIAN THU INHLUTU-MARY JONES

A thutum :- *Pathianin Thu bu Bible hi mi tu khomin an hlutin chu Pathian thu a tep nuam a ni.*

Tep hrang :-(*Sam. 119:97-105*).

THUMAHRUAI

Avuana ei insîr hrang chu Pathian Thu bu Bible thurchi ei insîr hrang a nia; khasikin Bible thu a hin chong ir donna hong nei ei ti dua. Ei Bible Thuthung Thar a hin ziaik iza mo a om ? le Thuthung Lui a hin idor mo a om ? Bible hi eini Kristianhai ta hrangin chu a bulpui tak le a poimo tak lekha bu a ni. Bible a hin itinrêng irchuna lampanga khom arkip vinga vârna, thiamna, omdân, taituana hringna pek theitu a ni. Khasikin, Pathian Lekha bu hi poimo taka sia-ah inhlut hrang a ni.

1. Mery Jones insungkua:- Mary Jones hi nupang naipangte a nia; Mery Jones hi Welsh rama om ngai mi a ni. Hi mi hi Welsh rama nisua tiang khua Tynddol (Tindol) khua khan kum 1784-ah khan a suaka apa irhming khom Jakob Jones a nia a nu irhming chu Molly (Molli) a ni. Khan hi Mary Jones nu lepahai hi puan insui ngai mi an nia; kha anga inriang an nia; an fak zongna khom a ni. Khannisian, Mery Joneshai insungkua hi Pathian insungkua dik tak an nia; Pathian ni rikipin inkhomna an nei ngaia Biak ina Bible an tep ngaihai kha insungkua a khan tepirrualna an la nei nôk ngai a ni.

2. Mary Jones sâl tianga sukul:- Bible tep hrang tam khomsian Mery Joneshai hrangin chu a omzia om mak a ni. Asan chu sukul irchuna hi om maka; lekhabu hi tep thei viat loi a ni. Kha anga Mery Jones kha lekha bu tep theiloia a omlaiin vangnei takin Thomas Charles khan Bible tep thei loihai an tep theina hrangin sukul a hon hong taka kha khan irchutirna an neia khan Mery Jones khom kha sukul a khan tepin lekha bu a hong tep thei taka khan chu changkangna tak a hong nei tâk a ni.

3. Mery Jones'n Bible lâkna hrangin sum artik:- Khan chu Mery Joneshai kha mi inriang an ni sikin Bible hi asan a nei nuam taka khan chu a bingin Bible lâkna hrang pialin sum hi artik taka anu le pahai lak kha puan insui mi an ni sikin archokna hrang sum lak nei intam maka

khan chu sum artik tak a ni. Khan Mery Jones khan sum artik dân chu hi ang hin a ni. Khan chu sum insuakna hrangin a bingin moja hi a phana, arahi vaiin artuihai a zuar taka a pan khuai hlutui a zuara a ipêk viat viathai kha artika mi irhnuan-haia sinthoin arhlo ngai a ni. Khan chu kha taka sumhai kha irtik khomin kum ruk a hong niin chu Bible man kha a hong chuk pe tâk a ni.

4. Mary Jones Bible a nei ta:- Mery Jones hin Bible irchôk hrangin an khua a irthokin km 40-vela hla a khan Bala an itina khua ata kha arnâi taka, Bible an zuarna khua a khan Mery Jones chu a kein a va fe taka a fena lampuihai khom kha asan an taka khan khom nisian Mery Jones chu a fe ngot taka kholoi tiang chu kha Bala an iti kha a khan a va tung taka; khan chu kha lai tak khan a zuarna hmun a khan Bible lei om maka asan a beiadong taka kha a neitupa Charlis khan a enin asan an ren taka; khanchu a rualpa ircho hranga a lei isia kha Mery Jones kha archôktir taka; khan chu zingnôk a chu Mery Jones chu Bible chôiin a omna tiang khan a kir nôk tak a ni. Kha ang kha intakna tam tak tuangin Mery Jones hi Pathian Bible ircho hrangin hmun hla taka fein a om a ni.

Chângvong : Inpakna Hla. 119 :105

“Ni thu hi ki ke hrangin meiser a nia ki lampui hrangin vâr a ni”

Irdonna:

1. Mery Jones hi inam mo a ni ?
2. Mery Jones nu le pa irhming kha imani ?
3. Mery Jones kha itin mo thoin Bible man kha a irtik kha ?
4. Mery Jones kha Bible irchôk hrangin kho khua a mo a va fe kha ?
5. Bible a va lekna le a omna khua kha idor mo a hla kha ?

IRCHULAI - 36

SADHU SUNDAR SINGH

A thutum :- *Rengpa ke hnung zuituhai chu irsamna reng reng om ngai mak.*

Tep hrang :-*(I Pet. 2:21; 1 : 9).*

THUMAHRUAI

Mizan hapta fe tak a khan Bible inhluttu tak Mery Jones thu ei insir taka khasikin a vuan khom hi mi iamom thu nget ei insir hrang a ni. Avuana ei irngai hrang chu a s naipang a ata a puihling dena Pathian ngaisak mi le sakhua lungthungtu Sadhu Sundar Singh thu ei irngai hrang a ni. Khasikin satakin irngai ei ta a thu a hin eini ta hranga poimo tak le kâm nangna poimo tak a om a ni.

1. Sadhu Sundarsingh le a insûngkua thu:- Sadhu Sundar Singh hi Patiala state-ah atunlaia Panjab state khua a ni. Kha state sunga om Rampur an iti a khan 3rd Sept. 1889-ah khan a suak a ni. A pa irhming chu Sardar Sher Singh a urenghai minli an neia upa inhni le unu inkhat a neia hi Sadhu Sundar Singh hi an urêng laia naipang tak a ni. An dinghmun khom hi mi irchong an nia a pa khom hi an khotanga hruaitu /roirêltu sin tho ngaia kha lai khan chu Maharaja insûngkua tia an lei ikoi ngai a ni. Sadar shingghai insûngkua hi sungkuapui lian tok an lei nia; Sadarsing apa naipanghai le hin sungkua khata omsuamin an lei om ngai a ni. An ni insûngkua hi hlim takin mani sungkuahai le urenghai le khoma lung irrual taka sin tho suam ngai an ni.

2. Sadhu Sundarsingh anu inhlutna:- Khan Sadu sundarsingh hi a chinlai ata naipang fel tak le nu le pa thuzôm mi tak a nia; anu khom hi mani sakhua lungthungtu tak a ni. An sakhua biakna hmunhai a khom irthiang taka sakhua biak ngai an ni. An sikhua biak tak chu Shik sakhua biak ngai an nia; an ni hi Hindu laia irtha nuna hruaitu tak khom an ni ngai a ni. Khan hi an khua kola hi American Kristianhai hong ngai khomin irhmupuihai hrangin asan a nuam ngai a ni. Khan a nu hi sakhua mi tak a ni sikin a naipa Sadu sundar shing khom hi mi fel tak a nia an sakhua dana khan Ochai (sadu) irthiang tak ni hrangin zingtin thoi inmanin an sakhua a Gita Lekhabu leh Sikh sakhua lekhabuhai mani tepin Sadu sundarsingh

reng Gandaphar le asangpapai kha Pathian Irtha kha iamin Baptisma an hong chang taka a ni. Khanchu, Thoma khan Jisua Krista thu kha tang an sampui tak a ni. Khan chu reng dang Mazdai an iti khom khan Jisua thurchi kha inpuang darin sin kha a tho mai tak a ni. Khan chu sinirkhel tam takha a n hong tho taka reng Mazdai le a dongmahai ngei khom kha Thoma Baptisma pekhai an nia; a mong taka chu reng thupêkin khopuia irthokin mêl chimrip vêl hruaiin Thoma kha an that tak a ni.

2. Sim tianga ngai dân:- Syrian Kristian Koiindang-haiin India rama sim tinga omhaiin Thoma hi hmar tiang ni loiin sim tiang nget hin sin hi a tho tiin an hril a ni. Thoma hi India rama a hong lût a khan an hril dânin AD 52 vêl a ni tiin an hril a ni. Ahong lûtna masa tak chu Mylapore India atun laia Chennai an iti khu a nia Martairin a thia a thina chu AD 72 vêl niin an hril a ni. Thoma hi khopui pentianga hruaiin ufêi le sun thatin a oma kha an sunthatna hmun tak kha chongchaina hmun le an phumna hmun kha Biak Ina siamin a tun ten khin ala om mai taka a ni.

Chângvong : Johana. 20:28

“Thoma’n asama Ki Rengpa le ki Pathian a ni” a ti tak a ni”

Ir donna:

1. Thoma irhming omzia kha imani ?
2. Thoma kha tu mani kha ?
3. Jisua Krista irchutirhai laia khan tu kûanga mo vantirtôn an lar ?
4. Thoma India rama a hong lûta reng a irtokpui kha tu mani kha ?
5. Idôr kuma khan mo Thoma India rama a hong

nget ni om a nin chu a vuan zân ngêt a hin ki kuang zuang lêng ro” tiin a chongchai taka khan chu kholoi dâr 5.00 an ring hrang tôn chu Tirtôn Paula kola Vântirtôn inlar ang khan Sadusundarsing kola khan Jisua Krista kha sôm laia vâv irtêk angin le lungthungna hmel irput angin a hong hmu taka; khan chu Sundarsingh khan Jisua Krista rôl kha a piangpui chong angin Jisua Krista he kha an hriat taka idôr ten mo deng ni nin thei hrang ni ta hrangin ki thia ni ta hrangin ki hringna khom ki pêk tiin he kha an hriat tak a ni. Khan kha zoi a khan chu 18th Dec. 1904 ni reng ata chu Sadu sundarsingh kha Jisua Krista hi hringna tak tak a ni ti an hriat suak taka khanchu amain Pathian sintho theina khan ki lungrîl a hong suna kha reng ata chu ki hringnun khom danglam a hong ni tak a ni tiin a hril tak a ni.

4. Baptisma le Missionary a nina:- Khan Sadhu sundar singh hi kum som kum ruk (16 years) ja ni hnungin 3rd Sept. 1905-ah khan St. Thomas Simla Biakin a khan Baptisma a chang tak a ni. Khan a nu khan a chinlai ata hindu Sadu hranga chong a lei inkung kha Jisua Krista irhmingin Baptisma a hong chang taka Kristian tianga ochai a hong ni tak a ni. Khannisian Baptisma a chang hnungin sun sôm inthum sun thum hnung chu 6th Oct. 1905-ah khan chu Hinduhai irvo angin chu Hindua Saduhai irvo ngai angin a lua lukhum khumin simla thingtang ram tiang a fe nok taka khan kha a naipang laia a nuin sadhu-hai om dân a irchutir kha a lungrila hre maiin Kristian a ni ti khom tuten inhre mahai a ni. SSadhu sundar singh hi India ram sunga vaih hin Pathian Thu hril irfang maka Panjab Baluchistan, Afganistan, Srilanka, Barma le Malysia ramhai khom Pathian Thu hril irfang a ni. Jisua Krista thu hi iamtu danghai kuanga khom an sir ngai a ni. Missionary a fe man khomin puansil hlang khat le Urdu chonga Bible Thuthung thar vaih a choi ngai a ni.

Chângvong : Rom. 10 : 15

“Thil sa thurchi hong hriltu kê chu ava sa vang na”

Ir donna:

1. Sadhu sundar singh pa irhming kha imani ?
2. Sadhu sundar singh khan imo a ihâl kha ?
3. Sadhu sundar singh kha ikuma mo inlarna a ihmu ?
4. Sadhu sundar singh kha ikum a mo baptisma a ichang kha ?
5. Baptisma a chang hnung a khan imo a tho ?
6. Sadhu sundar singh kha bazar a fe khan tu mo arhmupui ?

IRCHULAI - 37

MIRTHIANG THO-

MA

A thutum :- *Hmu ngêt tum hi saninhringna a ni.*

Tep hrang :- *(Joh. 20:24-29; Mat. 10:3' Joh. 11:16; Joh. 21:2 Sint. 1:13).*

THUMAHRUAI

Mizan Pathianin ni masa-ah ei lei insir tak mi iam om Sadhu sundar singh thurchi ei irngai taka. Avuana irchu hrang chi mi inkhat pa iam om tak hi a oma a iamom thu hi a rual tam takhai khomin an hril ngai a ni. Khasikin, Thoma hi a mi papai anga mi ihrilhai thu hi a iam ngai no ani a kherin a mit ngeiin a hmu nôn chu a iam zoi ngai loi a ni. Chongirdonna nei ei ti. Nangni te nin rualhai laia minlak tho tak ngaipu khan thil imani ki tho/kisin ti sian iam ung mo ? pompui ung mo ? Khasikin Thoma khom hi mi iamom tak a ni sikin a mit le a kutin a ton mâk a chu a iiam ngai loi a ni. Khasikin, Thoma thurchi a hin irchu hrang poimo tak a oma ei inhriat thei ualna hrangin toi sar sarin zu tarlang ei ti-

1. Thoma thurchi (St. Thomas):- Thoma hi atunlai a an koi dânin chu St. Thomas ti hi a ni. Kha ang khan Thoma hi Hebrai mi a nia; Jisua irchutir sômkhath inhni (*twelve*) laia hin a om sa a ni. Thoma hi irhming dang khom a neia Greek chongin "*Didymus*" ti a nia; arhming omzia khom hi inphir tina a ni. Jisua ngei khomin Didymus tiin a koi a ni.

Jisua Krista hi hnuai a lenglai hin irchutir sômkhath inhnihai le Thurchi sa hrilin kholoi a hin kho sung tetehai a hin an irfang ngai a ni. Khan kha an thona a khan thil irkhel tam tak khom an tho ngaia; khannisian Juda hruaituhai khan an thunsîr kha irngai nuam loiin thatpaihai an nuam a ni. Sunkhat chu Mari le Marthi omna kha Bethani khua a khan an va fea khan kha khua a khan Jisua hmumâktu tam tak khom an om sa a ni. Khan chu Jisua kha Lazara thi thu kha an hriatin chu a va fe tum taka khannisian archutir tam takhai khan Judahaiin nang that tumin lung le nang an idênghai kha fe ni la itum mo tiin an hrila, khannisian afe kha a la tum mai sikin archutirhai khom khan irchutirtu fena taka fe ei ta a thina thi ei ti tiin anfe tak a ni.

2. Jisua le a irchutirhai:- Jisua hi hnuai rama a lenglai khan hmun tam takhai a kha Thurchi Sa hrilin arvâk vêl ngaia kha khan a fena kipa khan archutirhai somhlel hnihai khom khan an zuisa mai ngai a

Jisua kha Kros-ah hemde hrang a khan chu archutirhai tam takin an mâksan vinga intakna tam tak kha a bingin a tuang ving tak a ni. Kha ang denin Thoma khom hin Jisua kha a hemdein a om hrang ti thu an hriat tena chu maksanin a sin thona nga chel kha a tho nok tak a ni.

Kha ang khan Jisua Krista chu Kros-ah hemdein a oma thana phumin a om taka khannisian Jisua hi sun thum a hongkâiin chu zinga misa suak man Pathian ni chu a thoi nôk taka khannisian archutirhai tam tak khan Judahai kha chiin inthingpumin an om taka khan chu Pathian ni kholoi a hong phâkin chu Jisua kha an kuang a zuang inlarpehai nôk taka khan chu archutirhai kuang a khan "*nin chung a Irtharngamna om rise*" tiin a hrilhai tak a ni. Irchutirhai khan a kut a ke a kanga an isunna kha an hmuin chu Minhringpu a ni ngêt ti kha an iam tak a ni. Khan kha lai tak khan Thoma kha an kola om maka Thoma kha an va hrilin chu Rengpa kin hmu tak keng a ti taka; khannisian Thoma khan kei chu a tak takin ki mit le ki kut ngeiin ki tôn maka iam thei no ning a ti tak a ni. Kha zoi chu sùn riat zoia chu archutirhai kha insunga an irchunghôm nôk taka Thoma khom kha an lâia a om sa tak a ni. Kha khan Jisua kha a zuang inlar nôk taka archutirhai kuanga khan nin chung a irtharngamna om rise tiin a hrilhai nok tak a ni. Thoma kuang khan "*Ni kut pharin ki kut hi hongin them ro, ki kanga sabe khom hong inthem ro*" ni iam loiin om ta nôn lân ni iam zel taro tiin a hril tak a ni. Khan chu Thoma khan hi hih Ki Rengpa le ki Pathian a ni ti khan a iam tak a ni.

3. Thoma India rama a hong:- Khan kha Jerusalem a khan Penicost Irthapui a chum ni ata irthokin mipui tam takhai kha Jisua Krista thu insîrin hmun tin ram tina chaiin Thurchi Sa inpuang suakin an om tak a ni. Khan chu Thoma ngei khom hi Irtha irthiangin a zuang pôla Pathian Thu hril hrangin India Rama a zuang lût taka; Thoma hi India rama hong lûta thurchi sa an puangna san hi ngai dân dang dangin a oma hi a hnuai ang hin tarlang a ni-

1. Hmar tianga omhai inhriat dân:- Khanchu Thoma hi India rama a hong lût phut a khan reng Gandaphar khan in (*house*) hi ansintira tha ruk (*6 months*) hi sinin a oma sum tam tak a hlo suak ngai a ni. Khannisian, kha Thoma khan kha sum-puanhai le khan mi inrianghai kha a changpuihai ngaia; kha thu khan reng Gandaphar khan an hriatin chu a ning an murpe taka Thoma kha lung ina khan an tângtir tak a ni. Khan reng Gandaphar asangpa thi tak khan a uap thi hnung khan a hong thoi nôk takami irthiang a upa reng Gandaphar ta hrangin a sin roinpuizia hi vân ama a hong hmu thu hi a hong hril taka; Kho zoi hnung chu reng

IRCHULAI - 38

JOHN WESLEY

A thutum :- *Pathian iamtu dik takhaiin chu changpui innanghai an changpui ngai.*

Tep hrang :- *(Galati. 6:1-2; Mk. 6:12-13).*

THUMAHRUAI

Avuana ei irchu hrang chu John Wesley thurchi a nia; hi mi hi mi iamom tak a nia; ei Bible a hin chu arhming kop viat maka khannisian ama hi entôn rua tak le ama a hin irchu hrang poimo tam tak khom a om a ni. Chong irdonna hong nei ei ti. I anga omhai hi mo mifel ei iti ngai ? om dân sahai hi itin mo an om ngai le itho sika mo an thurchi an insîr ngai ? Mi om dân sa le mi irthianghai hi a poimo tak taka Pathian mit hmu khoma a roiinpui tak tak a ni. Khasikin hi John Wesley hi mi omdan sa le ithiang mi entôn rua tak a ni sikin a tun ten khom a thu ei la ihril mai a ni.

1. John Wesley suak thu:-John Wesley hi mi iam om tak le enton rua tak khom a ni. John Wesley hi England rama suak a nia; a pa irhming hi Samuel Wesley a nu irhming chu Susana a ni. John Wesley hi a suakna kum chu 1703 a England rama suak a ni. Khan an ni urêng hi urêng som hlei kuak (*nineteen*) an nia kiriat hi chu an te laia thi an nia; 11 (*eleven*) mi hi an dama irrual tak le irngei tak mi urêng an ni. John Wesley a pa hi Pastor a nia; a pa le nuhai felna le Pathian hruaina zarin taimak takin a enkôlhaia; lekhahai khom irchuiin anu le a urenghai khomin Pathian Thu hi an irchutirhai tak tak ngai a ni.

John Wesley hi mi iam om tak a nia ama hi kum 17 a ni a khan Oxford University a khan lekha archu a ni. Kha archuna hmun kha mi pualoi tam tak le mi saloi tam tak an oma thil saloi poison, le thil porchehai an tho ngaia khannisian John Wesley chu kha anga thilhai kha tôn khom tôn nuam ngai maka a naipang laia a nu le paha irchutirna kha a zômin a chel indet khaka Kristian nun a khan asan a irdin a ni. Khasikin John Wesley hi a midanghai hrang le a tualbomhai hranga entôn rua tak tak a nia Pathian nuamlam thotu tak khom a hong a ni a nih.

2. John Wesley'n England a changpui nanghai a changpui:- John

zom tak taka khan chu Pathian Thu irchuna a hong zoiin chu Pastor a hong chang taka Pastor taimak tak a ni sikin mihai ta hranga satna le mi lung ina intanghai khom kha a changpuihai ngai a ni. Khan chu mi invaihai kola khan changpuina a nei khela Pathian thu khom kha a hrilpêhai ngaia naipang changpuitu nei loihai khom changpuiin a enkôlhai ngai a ni. John Wesley hi mi fel tak Pastor a ni sikin mi inriang invaihai le changpuitu innanghai a changpuihai ngaia nitinin omdânhai khom archutirhai ngai a ni.

3. John Wesley urengai American rama:- John Wesley hi sangpa Charles Wesley hi a neia ama khom hi Pathian sinthotu roiinpui tak a nia; khan kum 1735-ah khan an urêngin American rama an fea John Wesley khom Koiindang enkôlna sin hi a thoa' asangpa hi sorkar sin lian tak thoin a om a ni. Khan kha American rama an omlai khomin Pathian sinthon mi tam tak changpuina le naipangtetehai Negro naipangtetehai kuanga khan irchutirna dik tak irchutirin a irchutirhai ngai a ni.

Khan idôrten mani America khan an om hnungin England tiang an hong kîr nôk taka kha England a khan an hong kîr nôk in chu John Wesley hi Tirtôn Paula angin suakintharna dân thuhai hi asan a tep ngaia khan chu a om dânhai kha asan a hong irsût thar tak a ni. Khan chu John Wesley kha a hring nun kha harna tak tak a hong nei taka mipuihai kuanga thu an sîr lâi khomin suak intharna thu hi an sir ual ngai tak a ni. Khan chu Biak inhai ringot a khan Pathian Thu hi hril loiin kholai dung hai a khom Pathian thu hi a ihril tak a ni. A thu hril a khan Thurchi Sa kha a hong irzattir tira nai farahai khom a donsuihaia damnohai Hospitalhai a khom a changpuihai sa ngai a ni. Tarhai khom infain a hun kha a hong ihmang mai ngai a nia; Pathian Rama sinthona tam tak a tho sa a ni.

Chângvong : Jakoba. 1:27

“Pathian mit hmua sakhua biak dân irthianga sual kop loi chu hi hih a ni. Fara le meithaihai an intak laia donsui le rammual porinche kop loa irvong insa hi a ni.”

Ir donna:

1. John Wesley kha kho khoa mo a isuak kha ?
2. John Wesley nu le pa irhming kha imani ?
3. John Wesley kha kho irchuna hmuna khan mo entonrua a hlo kha?
4. Itin mo America ram a khan Pathian sin a lei tho ?
5. John Wesley kha kho kho hmun a mo Pathian

